


27  
—  
7-30

1855











44

ՍՐԲՈՅՆ ՍՍ.ՀՍ.ԿՍ.Յ

ՊԱՏՄՈՒԹԻՒՆ ՎԱՐՈՒՅ

Ե Ի

Թ Ո Ի Ղ Թ Ք

Վ Ե Ն Ե Տ Ի Կ

Ի ԳՈՐԾԱՐԱՆԻ ՄԽԻԹԱՐԵԱՆՑ

Ռ Յ Բ

27

Պ - 30



Ս Ո Փ Ե Ր Ք

Հ Ա Յ Կ Ա Կ Ա Ն Ք

*B*

ՊԱՏՄՈՒԹԻՒՆ

ՎԱՍՆ ՍՐԲՈՅՆ ՍՍ.ՀՍ.ԿԱՅ

Հ Ա Յ Ր Ա Պ Ե Տ Ի Ն

Ե Ի

ՄԵՍՐՈՎԲԱՅ ՎԱՐԴԱՊԵՏԻՆ



Ի ՎԵՆԵՏԻԿ

Ի Գործարանի Մխիթարեանց

1855

53818-uh

241-42



40712-68

# ՊԱՏՄՈՒԹԻՒՆ

ՎԱՄՆ ՍՐԲՈՅՆ ՍՍՀԱԿԱՅ

ՀԱՅՐԱՊԵՏԻՆ

Ե Ի

Մկարտիրայ Վարդապետին

Յեա ամաց հնգից վախճանի  
հայրապետն մեծ Ասպուրակէս, և  
յաջորդէ զաթոռ սատրիարքու-  
թեանն սուրբն Սահակ որդի մեծին  
Ներսէսի, և վասն զի ստուգապէս  
սա գոլով ծնունդ առաքինութեան,  
յիրաւի ապա զհեա սորա ընթա-  
նայր սուրբ և արդար վաստակոց  
հանդէպ. որ յաշխարհի գոլով,  
և իբրև զանապատաւորս ամենայն  
հեղանաց հանդիսիւ ընդ կարգս աշ-  
խարհիս անցանէր, մշտնջենամբ-

ուունչ աղօթիւք հանդերձ իւրօքն  
 աշակերտելօք կատարեալ զսաշտօն  
 բարեկարգութեանն, սիինդ ունե-  
 լով զլեակս եկեղեցւոյ, կարգաւո-  
 րելով միշտ սլայծառապէս ըստ օրի-  
 նի զսահմանադրութիւնս ըստ կա-  
 նոնական հրամանի. օրինակ բա-  
 րեաց զանձն տալով ամենեցուն. ոչ  
 միայն ուսուցանել բանիւ՝ այլ և  
 գործով կատարեալ զասացեալսն.  
 ըստ ահարովեան կարգին, գեղեց-  
 կազարդ փառօք երևեալ միշտ ՚ի  
 գլուխ ժողովրդեան իւրոյ. մանա-  
 ւանդ առաւել ևս բարձրացեալ ճո-  
 խութեամբ շնորհաց. զի ոչ ստուե-  
 րականին գողով քահանայագործօղ  
 դասակարգութեան, այլ ճշմար-  
 տութեանն յաւետ զօրավիզն ա-  
 ռաջնորդութեամբ վերագիտողու-  
 թեան :

Եւ վասն զի ըստ զանազան յան-  
 ցուածոց մերոց և խոտորնակ ընթա-  
 ցից՝ ընդ ծառայութեամբ անկաք  
 զանազան տերանց և բազմագիմի հար-  
 կասպահանջութեանց, զի գրաւեցաք  
 ընդ Պարսից և ընդ Յունաց տէրու-

Թեամբ , և յերկոցունց միջի տա-  
տանէաք , որք կեղէին զկեանս մեր  
զանազան վշտօք , վասն որոյ եղկելի  
գտաք քան զամենայն ազգս . վասն զի  
որք հուսին էին՝ այլանդակք գողով  
և թշնամիք արդարու թեան , ընդ  
որս ոչ լինէր սիրոյ միաբանութիւն .  
Իսկ որք դաւանակիցքն էին հեռա-  
գոյնք գողով՝ ոչ հասանէին՝ ՚ի թի-  
կունս ըստ արժանւոյն . վասն որոյ  
զյոլով ծառայութիւնն Պարսից լի-  
նէր ծառայել աշխարհիս հայոց :

Եւ յայտմ վայրի լինէր հարկ  
վասն խնդրոյ իրիք գնալ սրբոյն Սա-  
հակայ առ Արտաշիր Պարսից ար-  
քայ . և մեծարի առ ՚ի նմանէն յա-  
ւէտ վեհագոյն պատուով . վասն զի  
յարգոյ և պատուական ցուցանէ  
Աստուած զծառայս իւր առաջի  
անհաւատից . և ասպա աչալուրջ ե-  
րեսօք զբոլորն նորա կատարէր ըզ-  
հայցուածս : Իսկ իբրև էին սուրբն  
Սահակ և զսլարդեւեալն յԱրտաշ-  
րէ հաստատեաց ՚ի ձեռն մերոյն  
Վռամշապհոյ , սկսանէր դարձեալ  
՚ի նոյն հոգս եկեղեցւոյ տքնել քա-

Զուժեամբ , յարդարելով բարեպաշտասպէս զկանոնական կարգադրութիւնս :

Ընդ այն ժամանակս ապա և մեծն Մեսրովբ բազում Զանս յանձին կալեալ վասն դիւտի գրիս մերոյ , զի ազատեսցուք 'ի յունական լեզուածայր փատածաղիկ ծէնքե նայիցն . մանաւանդ զի բազում լինէր վրիպումն շահից հոգևոր դանձուց վասն այլալեզու հեգե նայից 'ի տառատպութիւն օտարասեռ սուղորայից . վասն զի ուր ոչ լինէին մերձ սուրբն Սահակ կամ մեծն Մեսրովբ՝ ոչ կարէին խմանալ զվերծանութիւնս դրոց սրբոց . և զրկեալ լինէին 'ի լուսաւոր պատուիրանացն Աստուծոյ . ունայն ունկնդրութեամբ և զուր աշխատութեամբ . վասն որոյ երանելին Մեսրովբ մեծադոյն հոգ զանձամբ արկեալ , ոչ դադարէր յամենայն տեղիս ընթանալ շրջագայութեամբ , թերևս կարացէ գտանել հնար ելի իտին , և ոչ գտանէր : Էջ յԱսորիս առ Գանիէլ ոմն գրամարտիկոս , և գառ

նայր դեգերեալ. ընթանայր յԵ-  
 դեսա առ Եպիփան ոմն ճարտա-  
 սան ճոխացեալ, և ոչինչ օգտեալ  
 այլ 'ի նոյն տարակոյս մնացեալ. զի  
 ելս իրացն լինիցի յԱստուծոյ և  
 ոչ 'ի մարդկանէ. որպէս հնոյն Իս-  
 րայելի յԱստուծոյ սլարդեալ գիր  
 օրինաց 'ի ձեռն Մովսիսի. և այս  
 մեծագոյն շնորհաց ընձեռեալ ազ-  
 գիս մերոյ յԱստուծոյ: Վասն որոյ  
 սուրբն Սահակ և մեծն Մեսրովբ  
 յետ բազում ունայնաջան և զրա-  
 վաստակ լինելոյն, յաղօթս ասպա-  
 շինէին, յԱստուծոյ խնդրելով զելս  
 իրացն: Եւ երանելին Մեսրովբ ու-  
 նելով ընդ ինքեան աշակերտեալս  
 անձինս քառասուն խարազնաղգես-  
 տրս և բոկագնացս, տքնելով միշտ  
 աղօթիւք 'ի լերինս և 'ի վապարս  
 խնդրելով յԱստուծոյ վասն իրացս  
 այսոցիկ: Եւ տեսանէր սուրբ և եր-  
 ջանիկ վարդապետն Մեսրովբ, ոչ 'ի  
 քուն երազի և ոչ յարթնութե տե-  
 սիլ, այլ 'ի դործարանի սրտին թաթ  
 ձեռին՝ զի գրէր, որով տուեալ եղև  
 մեզ դպրութի աստուածային դրոց:

Եւ արդ էթէ մարգարէն տիրա-  
դոյն ասէ զգրեալս՝ի տախտակս սրբ-  
տի մարմնեղէնս, քան ՚ի տախտակս  
քարեղէնս, ապա յայտ է՝ թէ ոչ է  
նուազ մերոյս գրոյ տուչութիւնն,  
քան զհին օրէնսն զտուեալսն ՚ի  
ձեռն նախամարգարէին Մովսիսի:  
Եւ ապա եկեալ առ սուրբն Սահակ  
մեծն Մեսրովք բերելով ընդ ին-  
քեան զսարգևս աստուածայինս,  
այսինքն զգիր մերոյ լեզուիս զոր  
ընկալեալ ՚ի Հնորհացն Աստուծոյ.  
Ընդ որս յաւէտ ուրախացեալ բեր-  
կրալի ցնծութեամբ՝ մեծ գոհու-  
թիւն ամենողորմն Աստուծոյ մա-  
տուցանելով, որ ոչ անտես առնէ  
զաղաչանս ծառայից իւրոց, այլ  
ճշմարտութեամբ զկամս երկիւղա-  
ծաց իւրոց առնէ տէր, աղօթից նո-  
ցա լսէ և կեցուցանէ զնոսա, զի  
Աստուած փառաւորեալ է ՚ի խոր-  
հուրդս սրբոց իւրոց, և զփառա-  
ւորիչս իւր փառաւորէ: Արգարեւ  
ոչ ըստ մեղաց մերոց արար մեզ տէր,  
այլ զօրացոյց զողորմութիւն իւր ՚ի  
վերայ երկիւղածոց իւրոց, հեռի

առնելով 'ի մէնջ զխաւար տգիտու-  
 թեան մեր, և մեծ արար տէր զառ-  
 նելն իւր ընդ մեզ, ըստ իւրում ա-  
 ռատ մարդասիրութեան, գթալով  
 'ի ստեղծուած ձեռաց իւրոց . վանն  
 որոյ եկայք ցնծասցուք 'ի տէր, և  
 օրհնեսցուք զբարերար փրկիչն մեր .  
 հանխեսցուք առաջի նորա խոստո-  
 վանութեամբ, և դոհասցուք զա-  
 ռատ ողորմութենէ նորա : Տուք  
 փառս Աստուծոյ, տուք օրհնու-  
 թիւն տեառն Աստուծոյ մերոյ ժո-  
 ղովուրդք հաւատացելոց և սրաշո-  
 նեայք սրանծալի մօր մերոյ Սիոնի :  
 Մեծացուցուք զբարերարութիւնն  
 Աստուծոյ, և բարձր արասցուք զա-  
 նուն նորա 'ի միասին . և դոհացա-  
 լուք զբարերար Տեառնէ մերմէ, զի  
 քաղցր է զի յաւիտեան է ողորմ  
 նորա . այժմ աչք հուրաց բացցին,  
 և ահանջք խլից լուիցեն . այժմ  
 երագեսցէ հաղութիւն լեզուիս մե-  
 լոյ որ ոչ կարէր զխաղտախուղտ ա-  
 սորերէն բարբառել կամ զյունա-  
 լէն ծեքածուս ծեթեթեթէն . այժմ  
 սլարզեսցին լեզուք ծանրախօսք՝

և զօրասցի տկարութիւնն տգիտութեան մերոյ, 'ի փառս և 'ի գովութիւնն մարդասիրին Աստուծոյ. այժմ՝ ոչ լիցի ասել խուժ և լսել դուժ, այլ և ամէնն վերաձայնեացի 'ի ժողովրդենէն 'ի փառատութեանս պաշտօնէիցն. և ունկնդրութիւնն լիցի վերժանողաց, և ծանիցէ ուսմիկն զժանրութիւնն պատուիրանացն Աստուծոյ. և գեղջուկն գովեսցէ զսքանչեւարար տէրն. այժմ՝ ոչ կարօտասցի ոք թարգմանութեան, և ոչ ընթացի ոք առ ոք թէ ընթերցիր ինձ զայս. այլ միաւորեալք միաբանութեամբ, ներքինք և արտաքինք, հեռաբնակք և մերձակայք, 'ի փոքունց մինչև ցմեծամեծս, ամենեքեան ծանիցեն զճշմարտութիւնն, խմասցին զարդարութիւնն, փառաբանեսցեն զպարգևատուն: Լուծաւ կապ բերանոյ, փարատեցաւ նսեմութիւնն խաւարի. սիւն ամպոյ լուսաւորէ, ստին հոգևոր գիեցուցանէ, ընչընչութիւն կերակրոյ 'ի ստուգութիւնն փոխեցաւ, և դառնութիւն ջուրոյ 'ի քաղցրութեան:

Թի. սեղան հողևոր սլատրաստական  
 է. բաժակ խմանալի մատուռակի.  
 փուլթացարուք հաւատացեալ ժողո-  
 վուրդք, եկայք ճաշեցէք, եկայք ըզ-  
 մայլեցարուք. ոչ սղիւ վաճառի՝ այլ  
 ձրի սլարդևի. ոչ տարակուսիւ խըն-  
 դրեացի, այլ դիւրալուր խմանի.  
 առէք լիացարուք, առէք բեր-  
 կրեցարուք, ճաշակեցէք և տե-  
 սէք զի քաղցր է տէր, կերակրո-  
 ղին փառս վերառաքեցէք, զի ան-  
 բաւ է մարդասիրութիւն նորա.  
 Աջ արարչին, փառք Փրկչին, մե-  
 ծութիւն մարդասիին. գոհութիւն  
 գովելի տէրութեանն. շնորհք շտե-  
 մարանապետին. օրհնութիւն ողոր-  
 մածին. բարեբանութիւն բժշկողին.  
 և արդ զինչ տացուք տրիտուր  
 Տեառն ընդ ամենայնի զոր արար  
 մեզ. զի չեմք բաւական փոխարինի,  
 այլ միայն զանուն տեառն կարդա-  
 ցուք օրհնութեամբ զօրհանապազ,  
 զի մեծամեծ սլարդևաց արժանիս  
 արար զմեզ, ամենաբաւականն Աս-  
 տուած, փառաւորեալն յամենայնի:  
 Եւ իսկ և իսկ ՚ի հրամանէ մե-

ծին Սահակայ թողովեալ մանկունս  
 խոհեմամիաս տրամախոհս , քաջ-  
 ուշեղս փափկալանդս , և դպրոցս  
 ըստ դաւառաց դաւառաց կարգէ .  
 ուսուցանել մեծով սնդութեամբ .  
 և հարիւր տասն ամ էր 'ի սրբոյն  
 Գրիգորէ յորժամ դասաւ գիր աղ-  
 գիս մերոյ . և զայնչափ ժամանակս  
 'ի յայլալեզու դեդերանս էին տա-  
 տանեալ , վասն որոյ առաւել փոյթ  
 յանձին ունէին զի երազ վարժես-  
 ցին մանկունք յիւրաքանչիւր տեղիս ,  
 յորոց ընտրեցին թուով վաթսուն  
 յաշակերտելոցն , զառաւել ուշիմս  
 և զփափկաձայնս և զերկարողիս , և  
 առաքեցին յաղգս և 'ի լեզուս օտար  
 դաւառաց , ուսանել իմաստութիւն  
 և արուեստախօսութիւն , և առնել  
 թարգմանութիւն , յորոց էր մեծն  
 Մովսէս Խորենացին , և եղբայր նո-  
 ըին Մամբրէ . Դաւիթ անյաղժն և  
 Եղիշէ . Յովսէփ , Եղնակ , Արձան ,  
 Ազան , Մուշէ , և այլս բազումս որք  
 ընդ նոսա գնացին յԱղէքսանդրիա ,  
 'ի Բիւզանդիա , յԱթէնս և յայլ  
 դաւառս ուսանել զիմաստասիրու-

Թիւն որպէս զայլ ազգս , զի նախանձ բազում էր յայնմ ժամանակի ուսման ամենայն ազգաց , և ծաղկեալ էր ուսումնասիրութիւն յաշխարհի :

Եւ այսպէս մերքս ամենեքեան գումարէին հանդերձէին կազմէին , սլատրաստէին , յուղի անկանէին , երկայնաձիգ ճանապարհորդէին , 'ի ծովս ընթանային , 'ի Թեւս Թեթեւս Թռչէին , յերիւարս փայտակերտս ելանէին , զերասանակս լայնալանջս ըմբռնէին , զխարաղանս օդատարածս յածէին , 'ի սասանտո գաշտս անհաստատս արշաւէին , զմահ քան զկեանս միշտ ընտրէին , աներևոյթ նպատակի ուշ ունէին , զորոց զկնի բազումք յիւրաքանչիւր դարս և 'ի ժամանակս հանդիսանային , նախանձաւոր գործոց բարեաց լինելով , 'ի վաստակս և 'ի ջանս սլատրաստելով զանձինս , ժրանային՝ տքնէին , աշխատէին՝ հարցասէր լինէին ուսանելով , կրթելով վարժելով վաստակելով , սլատրաստելով զանձինս

'ի յերկա օգտակարս , և 'ի գործս  
 շահաւէտս , ոմանք զտառից գծա-  
 գրութիւնս շահաւորեալ , ոմանք  
 զիմաստս հաւաքեալ , զուսումնա-  
 կանն , զքնաբանականն , զերկրաչա-  
 փականն , զհամարողականն , զերա-  
 ժըշտականն , զաստեղաբաշխականն ,  
 զքերականն և զքերդողականն • ըզ-  
 գործնականն և զտեսական իմաստա-  
 սիրութիւն և զմասունս նոցա որք  
 են թուով երկօտասան : Ոմանց հա-  
 ւասարէին գիտութեամբ , քան զո-  
 մանս վէհագոյնք երևէին , ոմանց  
 զարմանալիք թուէին , ոմանց բազ-  
 ձալիք լինէին , ժրութեամբ , ու-  
 շիմութեամբ , իմաստութեամբ ,  
 խոհեմութեամբ ուսումնասիրու-  
 թեամբ , գիտութեամբ , բանա-  
 գտակութեամբ : Ընդ ոմանս գա-  
 սէին՝ քննութեամբ , զոմանս  
 սպատասխանւոյ արժանի ոչ համա-  
 րէին , առ ընկերակիցս գովելիք ,  
 առ վարդապետս հաճելիք , հար-  
 ցասէրք , բանասէրք , ընթերցա-  
 սէրք , ուսումնասէրք , տքնասէրք ,  
 ժրասէրք , երկասէրք , և այսպէս

ջանային, արխանային, խիզախէին,  
 զօրանային, հանդիսանային. սպա-  
 րաստելով, կուտելով, ժողովելով,  
 յօդելով, բարդելով բեռինս մեծա-  
 մեծս և դժուարակիրս, զգրեանց  
 բազմութիւնս և զուսումնս խմաս-  
 տութեան, բազմաց փափաքելիս,  
 բազձալիս, ցանկալիս, հեշտալիս,  
 սիրելիս:

Եւ դային հասանէին մեծաւ ճո-  
 խութիւն յաշխարհս հայոց. վաճա-  
 րականքն հոգևորք, փարթամացու-  
 ցիչքն եկեղեցւոյ, խրախացուցիչքն  
 մանկանց Սիրովի, սխրացուցիչքն  
 բազմախումբ ժողովրդոց, զարդա-  
 րիչքն հռչակահանգէս տօնախմբու-  
 թեան, ունելով ընդ ինքեանս բե-  
 ուինս շահաւէտս և արդիւնարարս,  
 մարդարիտս գեղեցիկս և ականս սպ-  
 տուականս, զբաղխոհականն, զա-  
 տենականն, զկացրդականն և զաս-  
 տուածաբանականն, զարդարելով  
 զերկս աշխատողացն և զսոյնս խմաս-  
 տասիրութեան պանծալիս արմա-  
 տացուցանելով. և ծանօթ առնելով  
 բազմաց զգիտութիւն, զերևակայ-

ութիւն , զմիտս , և զկարծիս և զզգայութիւն . զարհեատ և զմահացութիւն , և զայլն ամենայն զգովելիսն և զպանծալիսն , և զպիտանիսն սլատուականաց , զզատեալն և զմեկնեալն յանպիտանեացն : Քանզի մեծաւ հոգաբարձութեամբ փոյթ յանձին կալեալ երանելեացն զշահաւէտն ժողովելով և զխտանանն 'ի բաց ընդենելով :

Բայց աւանդ յայտմ վայրի , զի բանս այլ ոչ ախորժէ յառաջիլ : Քանզի յորժամ հունձքն բազում էին և մշակք սակաւ , և արտորայքն սպիտակացեալ և 'ի հունձս հասեալ , և աղաչեցեալ եղև տէր հրնձոցն և ելին մշակքն 'ի հունձս , և արդ մանդաղք թեքեալք , և մշակք պատրաստք . և որք հնձինն ոչ առաջի , վասն զի ծղօտ միայն՝ և սուղինչ նշմարանք արտորայլցն երևէին : Քանզի վաճառականքն մեր հագեւորք յորժամ դարձան 'ի մեծայամ ուղղեւորութենէն , ոչ դաին զառաքիչսն իւրեանց , զի վախճանեալ էին սուրբքն , և բարձեալ թա-

դաւորութիւնն , քայքայեալ վայել  
 չութիւնն , և սպառեալ ուսումնա-  
 սիրութիւնն , աղաւաղեալ կարգա-  
 ւորութիւն և բազմացեալ անկար-  
 դութիւն , նսեմացեալ ճշմարտու-  
 թիւն , և զօրացեալ ստութիւն : Ասան  
 որոյ ողբս առեալ հառաչէին , հա-  
 շէին , արտասուս յաչաց կաթեցու-  
 ցանէին , ձեռն 'ի ծնօտի հարեալ  
 ողբային . երբեմն 'ի վերայ ծնդաց  
 կապեալ տարակուսէին , զգլուխս  
 շարժէին , զաչս ողորմ յածեցու-  
 ցանէին . զծնօտս ասպակէին , ըզ-  
 բարձս ծեծէին , ողբերգական բանս  
 խօսէին , յեղանակաւ բացագան-  
 չէին , զանշունչ տարերս 'ի դութ  
 շարժէին , ե՛հա ե՛հա բարբառէին ,  
 աւաղական բանս յաճախէին . Ի  
 զուր ժրացաք , ասէին , ունայն վաս-  
 տակեցաք , յանպէտս ջանացաք ,  
 ընդ վայր խմաստացաք , յանշահս  
 դեգերեցաք . աւանդ երկայնութեան  
 ճանապարհին , մեծագոյն տքնու-  
 թեանն , յոլով աշխատութեան , 'ի  
 ծովու ալեկոծութեանն , 'ի ցամաքի  
 վաստակելոյն , մեծագին բեռանց

կապելոյն : Աճառ.ականքս սրաս-  
 րաստք , և վաճառ.ողքն չեն 'ի միջի .  
 սրահքս մերձ , և սրահագիրքս յօ-  
 ժարք , և որք սրահինն չիք առաջի .  
 բանքս 'ի բերան և բանաբերքս իմաս-  
 տունք , և խնդրողք բանի ոչ երևին :  
 Գայեակքս մերձ՝ և ստինքս լցեալք ,  
 և ստնդիայք ոչ դտանին . վարդա-  
 պետք հուպ՝ և ուսումն ազնիւ , և  
 աշակերտեալք ոչ հանդիպին : Ասն  
 էր . զի գերեցան , զի ցրուեցան , զի  
 քայքայեցան , զի ամայացան , զի  
 անտէրունչ շրջեցան . և էրո՞ւմ  
 զայս կրեցին : Ասն չար դոր-  
 ծոց , վասն բաղմանալոյ անօրէնու-  
 թեանն , վասն անիրաւ դատաստա-  
 նաց , վասն կաշառառութեան ,  
 վասն սրունկութեան , վասն շնու-  
 թեան , վասն դողութեան , վասն  
 սպանութեան , վասն նախանձու և  
 ատելութեան , վասն մատնութեան  
 և չարախօսութեան , վասն ագահա-  
 թեան և արծաթսիրութեան , վասն  
 ստութեան և երդմնահարութեան ,  
 վասն հպարտութեան և ամբարտա-  
 լանութեան , վասն ռիակալութե

և ոսնհարուծեան, վասն իշխանա-  
 սիրուծեան և փառասիրուծեան :  
 Վասն զի եղեւ քահանայն իբրև զմի  
 'ի ժողովրդեանն . վասն զի կրօնա-  
 ւորք քաղաքականաց վարուք վարին .  
 վասն զի ոչ զանազանին 'ի միմեանց  
 վանականք և աշխարհականք . այլ  
 ամենեքեան խոտորեցաք , 'ի միասին  
 անսլիաանացաք . վասն որոյ մատ-  
 նեցաք 'ի ձեռս թշնամեաց մերոց և  
 ատելիք մեր յարեան 'ի վերայ մեր .  
 անօրէնք նեղեցին զմեզ , և հակա-  
 ռակորդք կռփահարեցին յանխնայ .  
 յաջ և յահեակ տանջէին , և յա-  
 մենայն կողմանց զզուէին . և առա-  
 ջի տարածեալ ունելով զամենայն  
 տեսակ վտանգից . ահ , դուք և  
 որոգայթ . և որ փախչի յահէ , անկ-  
 ցի 'ի դուք . և որ ելանէ 'ի դքոյ՝  
 անգանի յորոգայթ , ըստ մարգա-  
 րէին . և այս ամենայն եկն 'ի վերայ  
 մեր վասն մեզաց մերոց . և խստա-  
 ցուցաք զսարանոց մեր և ոչ խոնար-  
 հեցաք , ստունգանեցաք սլատուի-  
 րանի Տեառն և ոչ զղջացաք , այլ  
 դարձաք սրաիւք մերովք յԵգիպ-  
 տոս :

Աւանդ երկիր Հայոց, գաւառ գեղեցիկ, աշխարհ արևելեան, հուսա առ Եդեմ, ծանիր զլաւութիւն քո. ընդէր տգեղացար: Աւանդ բնակիչք բարեբաստիկք. աղգ ընտիր, ժողովուրդ սեպհական, քահանայութիւն, թագաւորութիւն, մարգարէութիւն, մարտիրոսութիւն, ծանիր զմեծութիւն քո, ընդէր վրիպեցար: Աւանդ տունկ տենչալի, գրախաստուածատունկ. բուրաստան բերրի, գրգանք գովելի. կնիք վայելչութեան 'ի ձեռին տեառն, և թագ արքայութեան 'ի ձեռին Աստուծոյ քոյ. ծանիր զազնուութիւն քո, ընդէր խոտորեցար: Եւ արդ ո՞վ ողբասցէ զքեզ ըստ արժանւոյն. Յերեմեաս չիք 'ի միջի, կամ այլ ոմն ողբերգակ: Եկեղեցիք քո հրձիգ եղեն, յարկք քո տասարկեցան, մանկունք քո գերի վարեցան, զարիւնս քո հեղին որսէս ջուր շուրջ զՍիոնիւ, զաշխարհս ձեր առաջի ձեր օտարք կերիցեն. լքեալ թողաւ դուսար Սիոնի իբրև զհովանի մըր. դասլահայ 'ի մէջ սեխենեաց և իբրև

զտաղաւար յայգւոջ . արկին զգիա-  
 կունս քո գէշ թռչնոց երկնից և  
 գաղանաց երկրի , եղաք նախատինք  
 գրացեաց մերոց՝ և այսն կատակա-  
 նաց թշնամեաց մերոց : Աւա՛ղ կորըս-  
 տեանս , աւա՛ղ թշառուութեանս ,  
 աւա՛ղ ամայութեանս . եղծաք , ա-  
 պականեցաք , կորստեան մատնե-  
 ցաք , ընկալաք ՚ի ձեռանէ Տեառն  
 բազմասպառիկ զբաժակ բարկու-  
 թեան , զբաժակ դառնութեան ,  
 զբաժակ վշտի : Եւ արդ զարթիր ,  
 արդ սորջացիր , գոնէ զգաստացիր ,  
 արի կարգա առ տէր Աստուած քո ,  
 աղաղակեա՛ առ նա ցաւագին ան-  
 ձամբ . աղաչեա՛ զերեսս նորա ,  
 պաղատեա՛ առ նա ասելով . Դարձ  
 առ մեզ Աստուած փրկիչ մեր , և  
 դարձո՛ զսրամտութիւն քո ՚ի  
 մէնջ . Աստուած դու դարձեալ  
 կեցո զմեզ , և ժողովուրդ քո ու-  
 րախ լիցին ՚ի քեզ . ցոյց մեզ Տէր  
 զողորմութիւնս և զփրկութիւն քո  
 աուր մեզ : Զարթո՛ զգօրութիւն  
 քո և եկ կեցուցանել զմեզ . մի յա-  
 լիտեան բարկանար մեզ տէր , և մի՛

ձգեր զբարկուծիւն քո ազգէ մինչև յազգ . մէք մեղաք՝ և դու բարկացար . այլ ներեա՛ տէր , անսատէր , քաւեա՛ տէր , հաշտեա՛ տէր . ողորմեա՛ տէր , վրկեա՛ տէր , կեցո՛ տէր :

Այսպիսիս թերեւս բարբառելին երանելի առաջնորդքն մեր , այսպիսի՛ ձայնս արձակելին վաճառականքն ամենառատք , այսպիսի՛ թերադիր լինելին քարոզքն ճշմարտութեան , մշակքն հոգեւորք , դործօնեայք գեղեցիկք , բեռնաբերքն շահաւէտք , հարսնածուքն երանելիք , փեսաւէրքն փառաւորք , առթողքն արիական , կուսատածքն պատուականք , վարդասպետքն քաղցրուտոյց , դայեակքն դիւրահամբոյրք , դաստիարակքն դորովագութք , դպրասպետքն բարեսէրք , հովիւքն քաջափառք , մատակարարքն երջանկացեալք , խմատասէրքն մեծարգոյք , բարեբերքն բերկրալիցք , ճանասլարհորդքն ճօխացեալք , սիւնքն հաւատոյ , ամուլքն եկեղեցւոյ , արմատքն անմահու .

Թեան, քանոնքն արդարուԹեան,  
 չափքն խմաստուԹեան, յարդա-  
 րիչքն օրինաց, հիմնացուցիչքն հա-  
 ւատոյ, արձանքն ամբուԹեան,  
 սլաակքն պճնուԹեան, զարդքն  
 զդաստուԹեան, խահարարքն խմա-  
 նալի, մատուռակքն ցանկալի, բար-  
 ձրացուցիչքն եկեղեցւոյ, մխիթա-  
 րիչքն արամեցելոց, սանձքն անզգա-  
 մաց, փարթամացուցիչքն հաւա-  
 տացելոց, դաւանողքն ուղղափա-  
 ռուԹեան, հաստատիչք հաւատոց,  
 նորոգողքն կարգաւորուԹեան, դա-  
 րանակալքն խմաստուԹեան, սլաա-  
 մաբանիչքն փառացն Յիսուսի, ող-  
 բերգակքն գովելիք • որք խնդու-  
 Թեանն ոչ եղևն խրախակիցք, այլ  
 արամուԹեանն գտան սգակիցք • որք  
 'ի բերկրուԹեանն ոչ վայելեցին ընդ-  
 բերկրեալն, այլ 'ի դաւնուԹեանն  
 փխրեցան ընդ վտանգեալն • որք  
 յանդորրուԹեանն ոչ էին զուարճա-  
 կիցք, այլ 'ի ԹշուառուԹեան գտան  
 չարչարակիցք • որք 'ի գերամբար-  
 ձուԹեանն ոչ գտան բարձրացեալք,  
 այլ 'ի տառապաննն ուստացեալք •

որք ցնծութեանն ոչ գտան գասա-  
 կիցք, այլ ողբոցն եղեն ճայնակիցք:  
 Եւ ասլա զննչ դործէին երանե-  
 լիքն, զննչ խորհէին կամ զննչ ըզ-  
 մաաւածէին. հեռանային յաշխար-  
 հէ, ինքեանք յինքեանս երթային,  
 զամայութիւն սիրէին. յանապատ-  
 րնակէին, լուութեան տային զան-  
 ձինս, ազօթից սրբապէին, արուս-  
 սուօք զոտս սեանն թանային. մշտա-  
 մուռնչ հեծեծանօք ընդ աստուած  
 խօսէին. յամաւոր պնութեամբ  
 զգիշերն 'ի գլուխ հանէին: Սովա-  
 լուկ զանձինս առնէին, ծարաւով  
 տանջէին, ցրտակէզ և տօթակէզ  
 լինէին. լեշկ մաշկօք շջլէին, խա-  
 րազնազգեստք լինէին, այծէիւք  
 զսպէին, թեմակէք լինէին, ըն-  
 դովք շատանային, սրազովք ծառոց  
 բաւականային, բուսովք դալարեօք  
 և արմատովք. սիրովն Նստուծոյ տու-  
 չորէին, սուդ մեծ 'ի վերայ ազգիս  
 ունէին. բայց երկնաւորն յուսով  
 մխիթարէին. 'ի նեղութեան և յան-  
 ձիութեան տանջէին զմարմինս 'ի  
 խաչ հանելով, կարեօք և ցանկու-

Թեամբք հանդերձ : Աճէին , բազմանային ճշմարիտ խմաստից հեռուելով , զգործ տեսու. Թեան աստիճանն առնելով . 'ի բանից լռու. Թեան գործովք քարողք լինէին , նախանձ բարի ամենեցուն շարժէին . և Թէսկա ծածկեցին զմարդարիտան գեղեցիկս , և զահանս պատուականս յինքեանս Թագուցանէին , բայց սաղայն սուղ ինչ յայանէին , փոքր ինչ ծանուցանէին . զոր օրինակ հուր բնդ յարգիւ ոչ կարիցէ զանխա. նալ , այլ կամ 'ի մարդկանէ տու. Թեալ վառ. լցի , կամ 'ի փոքրագոյն սքոյ շարժեալ բոց արձակիցէ , այսպիսի իմն կրէին կամ 'ի մարդկանէ խնդրեալք կամ 'ի հոգւոյն շարժեալք , մեծագին գանձիւ լնուին զկեղեցի , անգին մարդարաիւ զարգարէին զառագաստ Սիոնի . անպատում զարգուք գեղասլաճոյճ սլճ. նէին զբամբիշն երկնաւոր արքային . ճառիւք ներբողինօք , պատմու. Թեամբք հոգւորօք , խմաստիւք զարմանալեօք , մեկնողական հանգիսէք : Փայլեցին , սլայծառա.

ցան , զարմանալիք ցուցան , երևե-  
լիք եղեն , հիանալիք դասն , ցան-  
կալիք սեասն , բաղձալիք հաւաս-  
տեցան . Ճշմարիտք , ճոխք , խմաս-  
տունք , մաքուրք , մեծք , առաքինիք ,  
սուրբք . յորոց ոմանք գլուխ եկե-  
ղեցւոյ կացին , ոմանք ակն եղեն ,  
ոմանք ձեռք հանդիպեցան , և ոմանք  
այլ ինչ : Քանզի քաղաք 'ի վերայ  
լերին թաքչեւ ոչ կարէ , և ոչ ճրագ-  
րնդ ծածկու թիւ զանխլացի . վասն  
որոյ աղ եղեն երկրի , և լոյս աշ-  
խարհի , և քաղաք ասլաստանի :

Այլ ես անդիտացայ զանձն իմ ,  
և 'ի վեր քան զարժանն իմ յան-  
դըզնեցայ , վասն որոյ չմեղադրանա  
յամենեցունց սրահանջեմ . զի սէր  
գերայաղծ ամենայնի հանդիպի , և  
ինքն սարտասեալ յումեքէ ոչ տե-  
սանի , զոր փրատէսն ես կրեցի :

Բայց մեծն Մեսրովք՝ յետ այն-  
չափի հանդիսաւոր աշխատութեցն  
և դիւտի դրոյս մերոյ տըւչութեամբ  
չնորհացն Աստուծոյ , և կարգելոյ  
գարոցս մանկանոց ամենայն ուրեք  
և վարժելոյ մեծ ուլ հոգաբարձու-

Թեամբ, չուեալ եւս և 'ի Ալիրս և  
 անդ ըստ լեզուի նոցա արարեալ  
 նշանադիր, վարդապետս և դպրոցս  
 'ի նմա եւս կարգէ. և ասլա իջեալ 'ի  
 կողմն Աղուենից և նոցա եւս ստեղ-  
 ծանէ նշանադիրս ըստ կիսահագագ-  
 և խեցբեկոր լեզուի նոցա. վերա-  
 կարգելով և 'ի նմա եւս աշակերտա-  
 նոցս, զի ըստ առակին՝ յորսոյ ա-  
 ռիւծուց աղուեսք բազումք կերա-  
 կրին, և յարքայորդւոյ Թագաւորեւն՝  
 Թագաւորազունք յոլովք ճոխա-  
 նան: Եւ ասլա ինքն դարձեալ դառ-  
 նայ 'ի Հայս, և գտանէ զսուրբն Սա-  
 հակ անդադար 'ի Թարգմանու-  
 Թեան սարնայեալ: Բայց 'ի վախ-  
 ճանեւն Առամշապհոյ արքայի Հայ-  
 ոց, դնայ ասլա մեծն Սահակ առ  
 արքայ Պարսից Յազկերտ, և աղաչէ  
 արձակել զկասեալն խոսրով 'ի Հայս  
 փոխանակ Առամշապհոյ. որոյ և  
 կատարեալ իսկ զՀայցուածս արդոյ  
 առնն, տայ խոսրովայ զաէրու թիւն  
 Հայոց. բայց նա 'ի կրկնակի Թա-  
 գաւորեւն՝ ոչինչ աւելի քան զմի  
 ամ կեցեալ վախճանի: Իսկ 'ի

վախճանեւն Յազկերտի , և վոխա-  
 նակ նորա թագաւորեալ երկրորդն  
 Առամայ 'ի Պարսս , սա բազում  
 դառն ոճիրս զարթուցանէր 'ի Հայ-  
 տասանեայսս , և վրդովէր զամենայն  
 բարեկարգութիւնս յեղծումս և  
 յասրականումս հասուցանել . զոր  
 և աեսեալ սրբոյն Մահակայ ըզ-  
 չարին արկածս , գնայ 'ի մասնն  
 Յունաց . վասն զի յերկուս ճեղ-  
 քեալ բաժանեալ էր Հայք 'ի մէջ  
 կայսեր և Պարսից : Իսկ մեծն Թէո-  
 դոս թէպէտ 'ի սկզբան անդ ընդ-  
 ախամբ հայէր առ 'ի չքնդուսել ,  
 սակայն խնայեալ 'ի բազմաց լի զնա  
 տատուածային շնորհօք և ամենայն  
 առաքինազարգ վարուք , մեծաւ  
 սրատուով և բարի օճանով ընդունի  
 իբրև զնոյն ինքն առաքեալ Վրիս-  
 տոսի . այլ և զնշանադիրսն որ առ 'ի  
 նոցանէն յԱստուծոյ ընծայեցաւ ,  
 հրամայէ փութովուսանել և զծախս  
 գարոցայն յարքունուստ լինել :  
 Եւ ապա սուրբն Մահակ իսկ և իսկ  
 առաքէ զԱրգան թոռն իւր առ ար-  
 քայն Պարսից Առամ , ինդրել ըզ-

հաշտութիւն . և նորա մեծարեալ՝  
 զհայցուած սրբոյն կատարէ , թա-  
 գաւորեցուցեալ Հայտատանեայցս  
 զԱրտաշիր որդի Առամհասհոյ : Սա  
 ղէղիւէր միշտ 'ի գիշական չարիս ան-  
 արգել . զոր և պատճառս քառ-  
 թեան նախարարացն զայն դատեալ ,  
 թուեցուցանելին իբր տաղտկացեալս  
 ղինքեանս առ 'ի նմանէն գոլ . և  
 բողոք առ մեծն Սահակ բարձեալ  
 հայցելին կցորդակից իւրեանց առ-  
 նել , և չարախօս առ արքային Պար-  
 սից , ղի կամ կաշի 'ի կատանս՝  
 կամ 'ի բաց ընկեացի թագաւորն  
 Հայոց : Այլ նա թէսկա և ղիրս  
 բամբասանաց 'ի սուտս ոչ հանէր՝  
 սակայն մասնել զարքայն իւր հե-  
 թանոս արքայի ոչ առնոյր յանձն ,  
 յուսալով տեսանել ղկանգնումն  
 ղլորեցելոյն և ոչ ղընկճումն . Քաւ ,  
 ասէ , լիցի ինձ գայլոյ ղիմն մատ-  
 նեալ մոլորեալ ոչխար . ղի թէ ա-  
 նառակ է , սակայն սուրբ մկրտու-  
 թեամբն գրոշմեալ է , սրունիկ է՝  
 այլ քրիստոնեայ է . գիշացեալ մար-  
 մնով այլ ոչ անհաւատ հոգւով .

զեղն վարուք՝ այլ ոչ կրակապաշտ :  
Եւ այսպէս զախտացեալ իւր ոչ  
խարն ոչ փոխանակէր ընդ առողջ  
գազանին :

Այլ թէպէտեւ սուրբն այսպէս  
արդարախոհ լինէր , սակայն Առա-  
մայ զԼեւին չարախոհացն մատու-  
ցեալ , և առաւել Սորմակայ որ  
զԼեզուն սուտեր սատակիչ էր  
պատրաստեալ՝ ակն կալեալ փո-  
խանակ սրբոյն Սահակայ գահա-  
կալիլ յաթուռն . և ապա ՚ի բանա  
զԱրաաշիր արգելեալ , և մարզպան  
Պարսիկ՝ Հայոց կացուցեալ , և ըզ-  
Սորմակն չարալեզու փոխանակ սրբ-  
բոյն Սահակայ կացուցանէ . որ ոչ  
սուելի քան զմի ամ տեւեալ , հալա-  
ծի ՚ի նոյն նախարարաց : Յետ որոյ  
յետ նորա կացուցանէ Առամ զոմն  
ասորի Փրքիշու , այր ապարասան և  
յափշտակող , որ տանախկին կանամք  
զտուն իւր մատակարարէր . և վանն  
զի և զսա ևս նախարարքն ատեցին ,  
ապա տայ զայլ ոմն ասորի Շմուէլա-  
նուն , որ հեռեող գտանէր վարուցն  
Փրքիշուի , առաւել եւս ազահու-

Թեամբ մասամբ : Եւ մեծին Սահա-  
 կայ միայն զվարդապետէն հրամայէ,  
 և ձեռնադրել զորս Շմուէլն հա-  
 ւանի : Բայց մեծն Սահակ 'ի դնալն  
 իւրում առ Պարսից արքայն Առամ,  
 բազում ինչ համարձակութեամբ  
 խօսեցեալ առաջի նորա, և յանդի-  
 մանեալ զանաստուածութիւն նո-  
 ցա, եւս առաւել վասն Արտաշիւրի  
 չարախօսութեանն, զի ասէր՝ Եթէ  
 վասն ճակաճանութեամբ աստին է  
 նենգէլն զնա, այն ձերոց օրինա-  
 դրութեանցդ սրանծալին է. և թէ  
 ոչ՝ այլ իմիք ոչ է վնասակար. և  
 այնչափ առաւել ձաղանօք եպե-  
 րեալ զնոսա վասն անմտութեանն  
 իւրեանց, մինչ զի զարմանային  
 ընդ իմաստութիւն, և ընդ համար-  
 ձակութիւն նորա. զի խօսէր  
 անպատկառ զվկայութիւն Տեառն  
 առաջի Թագաւորաց ըստ մարդա-  
 բէական հրամանին : Եւ եկեալ երա-  
 նելին 'ի գաւառ իւր՝ նստէր լուե-  
 լեայն, սարսապելով աղօթից և վար-  
 դապետութեան՝ սիրովն առ Աս-  
 տուած, սուգ մեծ ունելով 'ի սրաթ

վասն կուրութեան մտաց անդգա-  
 մաց . և ոչ տայր թոյլ անձին մխի-  
 թարեւ ՚ի վերայ բեկման ժողովըր-  
 դեան իւրոյ : Իսկ նախարարքն Հայ-  
 ոց իբրև տեսին զինքեանս ամօթա-  
 լնց ՚ի վերայ անստուծեան գործոց  
 իւրեանց, գային միաբան զզնացեալք  
 առ սուրբ հայրապեան Սահակ ,  
 աղաչէին , փարէին , առաջն անգա-  
 նէին ասելով . Մեզաք առաջն Աս-  
 տուծոյ և սրբութեանդ քում . և  
 հայցէին զի վերստին յանձն առցէ  
 զառաջնորդութիւն հօտին իւրոյ :  
 Իսկ նա յարտասուս եղեալ սատմէր  
 նոցա եթէ յառաջ քան զբազում  
 ամս սուգ մեծ ունէի ՚ի սրտի ի-  
 մում , զի ոչ ետ ինձ Աստուած զա-  
 ւակ արու որպէս նախնեացն իմոց .  
 և երևեցաւ ինձ հրեշտակ Աստու-  
 ծոյ և ասէ . Մի արամիր վասն այգո-  
 րիկ եթէ ոչ ետ քեզ Աստուած  
 զաւակ արու և մի կոծեր զանձն  
 քո , այլ դիտացիր զի Աստուծոյ է  
 իրդ այդ . զի բառնալոց է քահա-  
 նայութիւն յազգէ սրբոյն Գրիգորի ,  
 և թագաւորութն յազգէդ Ար-

շահուենեաց , և արդ դու մի տրտմիր ,  
 այլ մխիթարեա՛ս զանձն քո : Եւ  
 պատմեալ նոցա զտեսիլն զամենայն  
 մի ըստ միջէ , և սակ ցնոսա . Որ-  
 դեակք , փոխանակ իմ՝ աէր հովու-  
 եացէ զձեզ . և ինքնին վերակացու-  
 լինիցի ձեզ , որ նախախնամօղն է  
 ամենայնի : Այլ ինքն թէպէտ ոչ  
 առնոյր յանձն կրկին առաջնոր-  
 դել նոցա , սակայն ոչինչ կտակէր միշտ  
 զհոգևոր կաթնն գիեցուցանել ման-  
 կանց եկեղեցւոյ : Աւ այսպէս բարի  
 վարուք և առաքինասէր ճգնու-  
 թեամբ և մեծաւ խնամարկութեամբ  
 կացեալ ՚ի մարմնի՝ երկարելով մինչև  
 ՚ի խորին ծերութիւն , և ՚ի հասեալ  
 ժամու հիւանդացեալ հիւանդու-  
 թիւն մեծ ՚ի Բաղրեւանդ դաւա-  
 ուի , ՚ի գեօղն Բչուր կոչեցեալ , և  
 առ Քրիստոս վերափոխի ՚ի Նաւա-  
 սարգի յերեսունն , յաւուր հինգ-  
 շաբաթուջ . որ և զճնունդ սրբոյն ՚ի  
 նմին աւուր ասնն եղեալ : Սա զան-  
 մարմնոցն բերէր յինքեան զվարս ,  
 ՚ի մահկանացու մարմնի զանմահն  
 թողոյր իւր յիշատակ բարւոյ , ընդ

հրեշտակականն դասակցելով պարրա, գահակարգեալ ևս ընդ աջմէ աթոռոյն քրիստոսականաց յանդերանութիւնն: Իսկ զպատուականն նորա մարմին տարեալ հանգուցանեն ՚ի Տարօն ՚ի դեօղն Աշտիշատ:

Բայց զինի վեցից միայն ամսոց ապա սուրբն Մեսրովբ փոխի ՚ի կենաց աստի, ՚ի Աղարշատաւ քաղաքի, որ գրեթէ ըստ երկնայնոցն զուարթնոց զարդու՝ ամենեցուն զինքն բոլորապէս ցուցանէր. ուր ապա և նշան սքանչելի ՚ի վերայ նորա փայլատակէր, խաչանման լոյս նշուղի առկայացեալ երկար ժամս, փառաւորելով զխաչակիր մարմինն, զի Աստուած զփառաւորիչս իւր փառաւորէ, և փառաւորի ՚ի պատիւ սրբոց իւրոց. և յովով հակառակութիւն լինէր վասն երանելոյն, զի իւրօքանցիւր ոք յիւրն յօժարէր բնակութե՛հ հանգուցանել զսրբանեալ մարմին նորա. և զօրացեալ լինէր տէրն Աւշականու մեծ իշխանն հայոց Ահսան, և մեծաւ հանդիսիւ տարեալ հանգուցանէր

ղնա՝ի յասացեալ դեօղն Աւշահան,  
 և զհետ ընթանալով դադաղացն  
 նոյն լուսեղէն խաչանման տեսիլ,  
 և անդ՝ի հանգիստն զնա փոխեալ,  
 ասլա տեսիլն աներեւոյթ լինէր :

Այսպիսիք էին վարք երանե-  
 լեացն, սրբոյն Սահակայ և մեծին  
 Մեսրովբայ, և այսպիսի քաղաքա-  
 վարութիւնք նոցա, մանաւանդ թէ  
 ևս առաւել քան զսոյն զոր գրեալ  
 է՝ի կատարեալ սրտմութեանն նո-  
 ցա : Սոքա ամուք հաւատոյ, սիւնք  
 եկեղեցւոյ, սարիսաք սահպանու-  
 թեան հաւատացեալ ժողովրդոց,  
 առաջնորդելով ի շաւիղս արդա-  
 րութեան : Սոքա տունիք անմահու-  
 թեան, արմատացեալ ի գնացս  
 ջուրց, տալով միշտ ի դէս ժամա-  
 նակի զլմանալի սրտուղն ողեկե-  
 ցոյց, որոյ կերակուր մնայ ի կեանսն  
 յաւիտենից : Սոքա սսակք եկե-  
 ղեցւոյ, և սարծանք նազելիք որ-  
 դւոց մօր Սիւնի, բազում հարս ի  
 փառս ամէլ, համարձակասէս սար-  
 ծէլ առ Աստուած ասելով. ահա-  
 ւասիկ ես և մանկունք իմ զոր ես

ինձ Տէր : Սոքա աղբիւրք եդեմա-  
բուղիք 'ի շնորհաց Տեառն յառա-  
ջեալք , արբուցանելով զբանական  
երկիր ծարաւուա՝ կենդանական  
վտակօք , որոյ միանգամ արբեալն  
երկրորդին ոչ կարօտի : Սոքա դայ-  
եակք հոգևորք գորովագութ սի-  
րով սանդիայ մանկանց Սիսի . լոյս  
ջամբելով կերակրելոցն , որք ոչ  
միայն լուսաւորեալք աշակերտե-  
լոցն անձինք , այլ և լուսատուք յու-  
լովից խնդրողաց : Սոքա օրհորդք  
երկնից արքային , անթիւ կուսանաց  
անձինս աւթելով թագաւորին ան-  
մահի , առատաբուզն վարդապե-  
տութեամբն զօրս յորդագոյն հա-  
սելն , իբրև զթիկլաթ և զՆրաճանի ,  
կամ իբր Նրար և Դան՝ որ լսի Յոր-  
դեւանան : Սոքա դաակք գրոյ ի-  
մաստից աղփարեգացն սուղորայից ,  
երկարողի տառիցն վեհից . որով  
զանտարրն տարրացուցին , և զան-  
նիւթն 'ի նիւթ յեռեցին , և զան-  
մարմին ընդ մարմնոյ կասկեցին : Ա՛վ  
գերասանձ գիր զարմանալի . ո՛վ  
հիահրաշտիս գերազարդեալ . ո՛վ

սխրալի սանդուխք մեր ելից, անծա-  
 նոթ և ծանուցեալ, հեռաւոր և մո-  
 տակայ, անբարբառ և ճարտասան,  
 երազաբան և յամբաստու, սուր-  
 հանգակ և միշտ հեծեալ. անթե-  
 թուչուն, անտան դնայուն, կայիւք  
 ղերացեալ, թուգամբ մնացեալ,  
 երագրնթաց և յամբաշարժ, 'ի տե-  
 ղի և անտեղի, 'ի մարմին և յան-  
 մարմին: Քառիւք զգայութիք 'ի  
 քում սպասաւորութեդ գեգերին  
 բանականք. ընանին և ունայն են,  
 սպարսպատին և թափուր են. յա-  
 գին և սովեալք են: Եւ արդ զինչ  
 զքեզ հօջեցից. իմանալի թէ զգալի,  
 երկնային թէ երկրային, աստուա-  
 ծային թէ մարդկային, յերկբայս  
 դոմ թէ զինչ զքեզ առասացից.  
 գեգերեալ եմ առ դրուես քո, վա-  
 րանեալ դոմ առ բանի քո, տարա-  
 կուսեալ եմ առ սոքսի քո. նե-  
 ղիմ յեղանակաւ քո, տանջիմ 'ի  
 ներբողել քո, օտարանամ 'ի ծանօ-  
 թանալ քո. այլ սակայն աստուա-  
 ծային փչումն զքեզ առասացից:

Եւ արդ գիր նախագոյն ծանու-

ցեալ յԵնոքայ որ եւթներորդ էր  
 յԱդամայ, փոխեցելոյն 'ի փառս  
 գերահրաշս. երկրորդ՝ գտեալ առ  
 աշտարակին 'ի կաւեղէն նիւթի տա-  
 ռառայեալ, ուստի ընկալեալ Քաղ-  
 գէացիք, և փոխարկեալ Ատօնա-  
 ցիք. և ամենայն ազգի մարդկան  
 հնարիւք ստացեալ եղև գիր բաց 'ի  
 հայոց և յԵբրայեցւոց որոց յԱս-  
 տուծոյ սրարգևեալ եղև: Եւ զի 'ի  
 սկզբան լինելու թեանն անախա գո-  
 լով բնութեան մարդկան, ան-  
 մուաց մնայր 'ի մօի մեծ ամեծ գործք  
 բարեգործին Աստուծոյ: Իսկ 'ի  
 յանգանելն ընդ ախաիւք մեղաց  
 բնութեանս մերոյ, մուացօնք արկըր  
 բնութեանս, ուստի հնարեցան 'ի  
 ձեռն գրոյ վերստին արծարծումս  
 առնել 'ի բնութեանս յիշատակաց  
 սքանչելեացն Աստուծոյ. վասն որոյ  
 և Առաքեալքն Տեառն զի անախա  
 ստացան բնութիւն, ոչ յօժարէին  
 գրով ոտալ մարդկան զհրաշագոր-  
 ծութիւն անօրէնութեան Բանին  
 Աստուծոյ, զի զամենայն մարդիկ  
 կամէին իբրև զինքեանս լինել, ան-

մոռաց ունեւոյ՛ զյիշատակս 'ի  
 մտի . և յորժամ ոչ զօրէաք այսմ  
 բաւականանալ , հարկեցան գրով  
 տալ հաւատացելոց զպատուիրանս  
 Աստուծոյ : Եւ արդ Եբրայեցւոցն  
 որպէս ասացաւ պարգևեալ եղև գիր  
 յԱստուծոյ 'ի ձեռն մեծին Մովսի-  
 սի նախամարգարէի , առնելով նո-  
 ցա օրինագրութիւնս ըստ հրամանին  
 Աստուծոյ : Իսկ 'ի նորումս մեզ  
 միայն շնորհեցաւ գիր յԱստուծոյ  
 'ի ձեռն սրբոյն Սահակայ որ խըն-  
 դութիւն կոչի , և մեծին Մեսրով-  
 բայ սրովբէատեան անուան , երա-  
 նելեացն անձանց՝ որք լծակեցան  
 սիրով հոգւոյն առ իրեարս և խըն-  
 դրեցին աղօթիւք յԱստուծոյ , կա-  
 պակցութեամբ սիրով սրբութեան  
 'ի սէր սիրոյն միացեալք , որով կա-  
 տարիւր նոցա տիրասպէս պայման  
 գրոհի միաբանութեանն . որք ձիգ  
 և ակնդ ունէին զմիաբանութիւնն ,  
 հանգոյն Մովսիսի և Ահարովի ,  
 Յեսովայ և Փենեհեղի , Դաւթի և  
 Յովնաթանայ , Պետրոսի և Պաւլոս-  
 սի , Յոհաննու և Յակոբայ , Կոս-

տանգիանոսի և Սեղբեսարոսի ,  
 Տրդատայ և Գրիգորի , որոց առա-  
 քինութեանցն հեռեօղբ գտան և  
 շնորհացն ժառանգք եղեն . որով  
 սխրալի ցուցան 'ի մարմնի և Աս-  
 տուած փառաւորեցաւ 'ի խոր-  
 հուրդս նոցա . զի զփառաւորիչս  
 իբր փառաւորէ փառաւորեալն յա-  
 լիտեան :

Եւ այժմ՝ արդ եկայք և մեք միա-  
 բան ժողովեալքս փառաւորեալքս  
 'ի փառս փառօք պսակեալ հարցն  
 մերոց սրբոց , զփառաւորիչն նոցա  
 զՔրիստոս փառօք փառաւորես-  
 ցուք . որ է օրհնեալ , գովեալ , բա-  
 րեբանեալ , և առաւել փառաւո-  
 րեալ և երկրպագեալ յամենայն  
 արարածոց իւրոց . ընդ Հօր և ընդ  
 Հոգւոյն սրբոյ այժմ՝ և միշտ և յա-  
 լիտեանս յաւիտենից :

S E U T L.

ՄՐԲՈՅՆ ՄԱՀԱԿԱՅ



# Տ Ե Ս Ի Լ

## ՍՐԲՈՅՆ ՍԱՀԱԿԱՅ

Արդ ունկնդիր լերուք ինձ միաբանութեամբ ամենայն բազմութեամբ թիւնք ժողովրդոցդ, և սրամեցից ձեզ: Յառաջ քան զանա բազումս խորհուրդք անմխիթարք նեղէին զիս անգագար, զմտաւ ամելով և ազաջելով զբարձրեալն՝ շնորհել ինձ արուորդի, որսէս և իմոց նախնեացն որ յառաջ քան զիս էին ամուսնացեալք յազագս որդէճնութեան: Եւ արդ վասն զի մասաակարարութիւն հզորին առ իւրաքանչիւր ոք արգար է և ճանաչող առաւել քան թէ զոր մեք իմանամք և խորհովք:

Ելի ես ՚ի մեծ հինգշաբաթւոջն ՚ի զասկին ազու հացսն ՚ի հսկմանց հա-

զորդեալ ՚ի ժամ՝ երեկոյին պաշտա-  
 ման սրբոյ և մեղսաքաւիչ խորհր-  
 դոյ կենարարին, ճաշակեալ այլ  
 բնաւ ոչ ինչ, բայց հաց և ջուր և  
 աղ ըստ կանոնելոյ մեծ ՚ի սուրբ ժո-  
 ղովոյն երեք հարիւր տասն և ու-  
 թիցն, որք ՚ի նիկիացւոց քաղաքին  
 այսպէս կանոնադրեալք հաստատե-  
 յին, զորոց զկանոնադրութիւնն  
 կնքեալ սուրբ հոգին հաստատեաց :  
 Եւ կատարեալ կանոնքն յերկար-  
 ման առաջին գործողայիցն, և դասք  
 պաշտօնելիցն ընդ նստելն ծանր նիրհ  
 մամբ ՚ի սաստկութենէ բազմօրեայ  
 աքնութեցն որպէս կիսամեռք եղեն,  
 որոց զաւուրս քառասնորդացն ուժ-  
 գին պահօք և անդադար աղօթիւք  
 զցայգ և զցերեկ հանեալ էին յա-  
 ղօթս, և մանաւանդ ՚ի մեծ ՚ի շաբա-  
 թուն առաւել յաւելուածովք ըզ-  
 նոյն աճեցուցանել փութային, ու  
 շադրեալք աղօթից վաստակովք  
 հասանել վարձուցն հասուցման :  
 Եւ լոյս ճրագացն և կանթեղացն  
 առաւել առչորեալ բորբոքէր, և ըն-  
 թերցօղն կամաւ յերկարէր զկար-

գայուճնն յաղագս սակաւ մի առ-  
 նըլոյ ոգի և բաւելոյ պաշտօնէիցն  
 առաջարկութեան կանոնիսն : Մը-  
 նային և ժողովրդոցն բազմութեան  
 ժողովելոյ ըստ սովորութեանն 'ի  
 պաշտօն գիշերոյն , քանզի յորդոր  
 կամաւորութեամբ փափագէր իւ-  
 րաքանչիւր ոք այր և կին առ հա-  
 սարակ ժամանել արթնութեամբ  
 անձին փրկութեան : Եւ էս նստէի  
 մերձառ սեղանն Աստուծոյ 'ի սուրբ  
 եկեղեցւոջն 'ի Վաղարշապատ քա-  
 ղաքի : Եւ ահա յանկարծակի բա-  
 ցաւ հաստատութիւն երկնից , ընդ-  
 որ ծագեալ լոյս սաստիկ էլից զա-  
 մենայն երեսս երկրի . և կանգնեալ  
 երևեցաւ ինձ բեմ՝ չորեքիուսի ամ-  
 պեղէն , որոյ բարձրութիւնն հասա-  
 նէր մինչև յերկինս , և լայնութիւնն  
 տարածեալ ընոյր զամենայն երկիր ,  
 և 'ի վերայ բեմին երևէր տետրա-  
 սկտեղ յոսկւոյ սրբոյ , խորանարդ  
 ըստ արժանի սպասաւորութեան  
 տեառն՝ ծածկեալ յոյժ բարակ  
 կտաւով սպիտակափայլ գունով :  
 Եւ 'ի վերայ խորանաձև ծածկու-

Թէն յայնապէս նշան տերունա-  
 կան խաչին երևէր . որոյ երևելու-  
 թիւնն ոչ նիւթեզէն , այլ լուսեզէն  
 ցուցանիւր : Եւ յանկարծակի եզև  
 շնչէն խաղաղասիւզ օգոց՝ և լա-  
 ցաւ փեղկ մի՛ի ծածկութեան կաա-  
 ւոյն , ընդ որ հայեցեալ տեսի և  
 ահա կայր ՚ի վերայ բեմին սեղան  
 ոսկի չորեքիուսի ահանակաս ՚ի  
 բաղմագունի ահանց պատուակա-  
 նաց ընդելուզեալս . և ՚ի վերայ սե-  
 ղանոյն կայր հաց մի սուրբ , և ող-  
 կոյլ մի խաղողոյ ըստ պատուակա-  
 նութեան խորհրդոյ երկնաւոր փրը-  
 կութեանն : Եւ մերձ առ սուրբ  
 խորհուրդն երևէր ծառ մի ձիթենի  
 վարսաւոր պաղալից յոյժ , զորոյ  
 ոչ կարէի առնուլ զչափ բարձրու-  
 թեանն անպատում և սքանչելի :  
 Եւ որոշեալք չորք ոսաք ձիթենւոյն  
 ՚ի խոնարհ կողմ երկրի ձգտեալ  
 մօտէին : Յորոց երէք ոսաքն միա-  
 չափ և հասարակապտուղք երևէին ,  
 և չորրորդն ՚ի նոցանէ որպէս կի-  
 սաբաժ և նուազապտուղք ըստ եր-  
 կայնաչափութեան և պաղաբերու-

Թեան երկնցն երևէին , և սրտուզք  
 չորեցունց սատոյն ոչինչ բնաւ էին  
 նմանք , և կամ հաւասար բաղմա-  
 բերութեան ստղաբոյժ ատորբու-  
 Թեան այլ ստղոց ձիւթեանոյն , այլ  
 նուազք առաւել թուով և վախաք  
 ատորբութեամբ որպէս ծնկեալք  
 էին : Եւ ընդ ահեկէ բեմին տեսա-  
 նէի աթու մի բարձր չորեքկուսի  
 ծովագոյն . սառնակերտ ծածկեալ  
 թանձր կտաւով թխագունիւ , և  
 վերացեալ կտաւն 'ի շնչմանէ քաղ-  
 ցրր օդոյն եկելոյ , տեսի և ահա  
 սկանդ մի մեծ արծաթի 'ի վերայ  
 աթուոյն , և 'ի վերայ սկանդն կայր  
 նափորա մի բեհեզեայ ծալեալ , և  
 առ նմին գունդ մի ոսկի բոլոր , և մա-  
 գաղաթ հատածաձև չորեքկուսի ,  
 գրեալ 'ի սկզբանն կարգս ինչ սա-  
 կաւս՝ ոսկեատեսիլ գրով սքանչելա-  
 պէս ձեռամբ գրչի ճարասարի , և 'ի  
 միջոցի կողմն մագաղաթին հեռի  
 յոսկէգիր կարգացն երևէին այլ  
 կարգք եղծեալք՝ ջնջագիրք , որ ոչ  
 ինչ բնաւ երևէին տեսիլք գրոյն , և  
 կամ կերպարան . և հուսկ յերգ մա-

գաղաթինն հեռի 'ի ջնջագիր կար-  
 գացն՝ դարձեալ տեսանէի այլ ևս  
 կարգ մի և կէս կարգի գրեալ ոսկէ-  
 գիր գրով առաւել սքանչելապէս  
 ըստ տեսլեանն առաջինն կարգացն  
 գրելոց 'ի սկզբանն մագաղաթինն , և  
 կիսագիր կարգինն մինչև ցմիջոց  
 գրոյն և ևս առաւել ոսկւով էր . և  
 այլն մինչև ցկատարումն կարմրա-  
 գեղով : Եւ կայինն շուրջ զճնօտիւք  
 սկսեղն անթիւ բազմութիւնն տղայ-  
 ոց արուաց , այլ սակաւ և իդաց .  
 և ամենեքեան պայծառացեալ լու-  
 սազգեցիկք էին : Բայց ճառադայթ  
 փայլման սլատմուճանաց նոցա՝ էր  
 որ կարմրագոյնս արձակէինն նշոյլս՝  
 և էր որ այլ երփն երփն գոյնս աղ-  
 գի ազգիս : Եւ դէմք ամենեցունն 'ի  
 սուրբ ոսկի սեղանն հայէինն , ջը-  
 դարձուցեալք բնաւ և ոչ ուրեք  
 զաչս իւրեանց 'ի խորհրդոյն փլըր-  
 կութեանն : Եւ սկսաւ յանկարծակի  
 սաստկապէս շարժել դղրգմամբք  
 աթոռն , և զմանկաինն զոր տեսանէինն  
 'ի տիս աղայութեանն , առ ժամայն  
 վազվազակի փոփոխեալ 'ի հասակս

երխտասարգութեան կատարեալք լինէին . և ելեալ թևազգեցիկք 'ի վեր 'ի սուրբ սեղանն , որ էր ընդելուզեալ 'ի բաղմագունի ահանց թռուցեալ բնակէին . և համբարձեալ սուրբ սեղանն հանդերձ նորօք 'ի վեր քան զբարձրութիւն հաստատութեան երկնի ծածկէր , և այսպէս եղեալ աներևոյթ տեսիլն ամփոփէր : Եւ ես 'ի մեծի զարմացման ընկղմեալ ասչէի :

Եւ ահա յանկարծակի 'ի կերպարանս մարդոյ երևէր ինձ յերկնից այր լուսեղէն , որոյ տեսութիւն սաստկութեւ լուսոյն մնայլեցուցեալ ծածկէր զարեգականն լոյս . և սլացեալ այրն հասանէր 'ի տեղին ուր ենն կայի , և իմ սուաւել ևս հիացմամբ ասչեալ 'ի վայլակնացայտ երևմանէ առնն , անկայ վաղվազակի 'ի վերայ երեսաց իմոց յերկիր , և նորա բուռն հարեալ զինէն կանգնեաց զիս , և հաստատեալ կացոյց զիս 'ի վերայ ստից իմոց , և ասէ ցիս . Քաջալերեալ զօրացիր և մի երկնչիր , այլ հաստատեալ զսիրտ

քո յանունն հզօրինն որ արար զերև-  
 ելիս և զաներևոյթս , և շնորհեալ  
 եցոյց քեզ զմեծ խորհուրդ յառա-  
 ջատես արարչութեան իւրոյ : Եւ  
 ուշաբերեալ զօրացայ ՚ի բանէ նորա ,  
 և կանգնեալ կացի ՚ի վերայ ստից  
 խմոց , և ասէ ցիս . Ասան էջր ես արը-  
 տում , և կամ ընդէջր զբաղմունք  
 նանրութեան սղատրեն զմիաս յըս-  
 տակ խորհրդոց քոց . վասն զի ան-  
 գիտական խորհրդովք յածեցու-  
 ցեալ զմիտոդ խռովելի , վասն ոչ  
 լինելոյ ՚ի քէն արու որդի . որ քաջ  
 ծանօթ էիր հզօրինն թէ գիտու-  
 թեամբ բաշխէ զիւրաքանչիւր օգու-  
 տրս , և ոչ զլացութեամբ խափա-  
 նեալ արգելու յումեքէ զարժանն :  
 Եւ արդ գթալով ՚ի քեզ բարձրեալն  
 վասն սիրելոյ զքեզ , կամեցեալ հե-  
 աացուցանել ՚ի քէն զայդովիսի մտա-  
 ծութիւնսդ , մխիթարեաց զքեզ  
 տեսեամբդ յայդորիկ , որ ցուցաւ  
 քեզ յայանութիւն մեծ . ոչ միայ-  
 նութիւն յառաջիկայս , այլ առ  
 յատա ամենայն իրաց որ լինելոց  
 են մինչև ցվախաճան աշխարհի : Եւ

նոյց քեւ ամենայն հաւատացելոց 'ի  
 բան նորա, որպէս ճշմարիտ նախ-  
 նոյն քում առն Աստուծոյ սրբոյն  
 Գրիգորի: Իսկ քեզ մինչև ցկատա-  
 րումն աշխարհիս որ ինչ լինելոցն է  
 կցոյց զամենայնն: Եւ արդ՝ լուր և  
 սպասմեցից քեզ զմեկնութիւն մե-  
 ծի յայտնութեանդ, որպէս հրա-  
 մայեցաւ ինձ 'ի վերին զբութենէն  
 ծանուցանել քեզ զամենայն, և  
 դու ունկնդիր եղեալ բազում ըզ-  
 դուշութեամբ գրեա 'ի տախտակս  
 սրաի քո անմուաց, զոր և 'ի մա-  
 գաղաթի դրոշմեալ թողցես հաւա-  
 տացելոց ժողովրդոց զգուշութիւն  
 անսխալ մինչ 'ի վախճան աշխարհի:

Զբանայն հաստատութե երկնի  
 զոր տեսեր՝ և տարածեալ լոյս սա-  
 աիկ ընդ ամենայն երեսս երկրի,  
 քանզի ահա 'ի գալստենէ կենարարի  
 սրբւոյն Աստուծոյ, բացեալ է դու-  
 սին շնորհի ողորմութեան նորա առ  
 ամենեւեան ոյք սիրեն զնա, և կա-  
 տարեն զբան հրամանի նորա, յորս  
 ծագեալ լուսաւորէ լոյս փառաց  
 վարդապետութեան նորա: Եւ

բեմն չորեքկուսի կանգնեալ որ երևեցաւ քեզ բարձր յերկրէ մինչև յերկինս՝ հաւասան ճշմարտութեան է, որով վերանան արդարքն՝ ի ծանրութենէ աշխարհիս կենաց ի թեթևութիւն երկնից բնակութեանն. և զի ամսեղէն գունով երևեցաւ բեմն, վասն զի որ վերացան ամսով, նոյն գալոց է վերացուցանել ընդ իւր զարդարան, ուր բազում են և անթիւ օթեվանք ի տան արքայութեան հօրն, զոր և գուտեղեկացեալ ուսար ի սուրբ հոգւոյն որ խօսէր ընտիր արամբն Պաւղոսիւ, թէ ամսովք յափշտակիմք ընդ առաջ տեառն յօգս: Եւ տեսրասկտեղն ոսկի որ ի վերայ բեմին, զորոյ վերայ արկեալ զմաքուր կտան բարակ, որով ծածկեալ էր սուրբ սեղանն և որ ի նմա խորհուրդն: Գիտեա և ծանիր զի ծածուկ է խորհուրդն աստուածային գիտելութեանն պատուականութեամբ և մաքրութեամբ, ըստ պատուականութեան ոսկւոյն և մաքրութեան կտաւոյն, յորոյ վերայ կանգնեալ.

նշան կենդանացուցիչ խաչին երև-  
 էր, որով կենդանացեալ կանգնե-  
 ցան ամենայն արարածք գլորեալ մե-  
 ղօք: Եւ գարձեալ զինախ խաչն երևի  
 ՚ի գալստեանն Քրիստոսի, և ասլա  
 յայանի խորհուրդն դատաստանին  
 և հատուցման ըստ իւրաքանչիւր  
 գործոց: Եւ զի եղեալ օգ ինչ քաղ-  
 ցրաշունչ որ եբաց զմասն ինչ կտա-  
 ւոյն: Իմա զի ցուցաւ քեզ սուրբ  
 հոգւոյն քաղցր խաղացմունքն, որ  
 յայանէ սրբոց իւրոց զխորհուրդն  
 ծածկեալ աստուածութեան իւ-  
 րոյ, ընդ որով կայր սեղանն ոսկի  
 ՚ի սլատուական ականց ընդելու-  
 ղեալ. սրբոյ Երրորդութեանն ծա-  
 նուցանի միասնական էութիւն, ո-  
 ռով զվարս և զճիւղութիւնս արդա-  
 րոցն որպէս զսլատուական ականց  
 զանազանումն առ ինքեան տալա-  
 լորեալ զուարճանայ, որք զճաշ  
 կենաց՝ զփրկչին մարմին և զարիւն,  
 արժանապէս ճշմարտութիւն բազ-  
 մեալք ընդ նմա ճաշակեն ՚ի սլա-  
 տուական սեղանոյն. ըստ երևելոյ  
 քեզ հացին և ողկուզին ՚ի վերայ

սեղանոյն . օրինակ մարմնոյ և արեան  
 կենարար չարչարանացն ծանու-  
 ցաւ : Իսկ երևումն քեզ սքանչելա-  
 տեսիկ ձիթենւոյն որ էր հուսպ առ  
 աէրունական խորհուրդն , բարձր և  
 վարտաւոր , բազմաբեր սլողալից , ըզ-  
 տուրս և զողորմութիւն և զսէր  
 մարդկան առ միմեանս եցոյց քեզ  
 ընդունողն . քանզի մօտ և առա-  
 ջին և պատուական է աստուածու-  
 թեանն աղքատսիրութիւն յամե-  
 նայն բարեգործութիւնս , որ և ա-  
 ռաջին արդարքն ընտիր երկեցան .  
 Աբրահամ , Յովբ , և Կռնելիոս  
 և նմանք նոցա , առանց որոյ և կու-  
 սանացն արհամարհեալք վաստակք  
 կուսութեանն արտաքոյ հարսա-  
 նեացն ընկեցան : Սովաւ ճանաչի  
 յանձինս մարդկան կնիք քարոզու-  
 թեանն Քրիստոսի , որ ասացն էթէ  
 յայտմ ծանիցեն ամենեքեան զձեզ  
 էթէ իմ աշակերտք իցէք էթէ զմի-  
 մեանս սիրիցէք , և մանաւանդ որ  
 առատապէս զուարթութեամբ կա-  
 մաւ կատարեսցէ զսիրոյն պատուի-  
 րան . ոչ միայն յաղքատս՝ այլ և

յընկերս և յեղբարս և առ ամենե-  
 սեան . որով հաստատի խաղաղու-  
 թիւն աշխարհի և տէր փառաց բնա-  
 կէ 'ի միջի նոցա , շնորհելով զհան-  
 գիստ և զառատաբեր ստղաբերու-  
 թիւն երկրի . որպէս տեսանէիր  
 բարձր զձիթե՛նին և լիապտուղ և  
 վարտաւոր . և ուտքն չորս ձիթե՛ն-  
 շոյն որ 'ի խոնարհ կողմ՝ երկրի  
 ձգտեալ , երևելով երեք ուտքն  
 հասարակատեսք չափով և անա-  
 ռաւել միաթիւք ստղովք , և զչոր-  
 րորդն 'ի նոսա զոր կիսաչափն ըստ  
 հասարակութեան երիցն , և սլա-  
 կասաւոր ըստ ստղաբերութեանն  
 տեսեր . յորոց չորեցունց պտուղքն  
 վտիտք էին և թառամք , և բերքն  
 սակաս և աննմանք քան զայլ ա-  
 տոբատեսիլ պտուղս ձիթե՛նոյն :  
 Արդ ամիոփեալ զունկնգրութիւ-  
 նըս մտաց քոց , լուր և ասացից  
 քեզ զոր ինչ սահմանեաց բար-  
 ձրեալն յայսմ՝ հետէ մինչև 'ի վախ-  
 ճան աշխարհի : Երեք տասներեակք  
 ամօք՝ և կէս տասներեկի համառօ-  
 տեցան 'ի վերայ ամենայն աշխարհի

մինչև յերևումն սղծոյն անապա-  
 տի , զոր 'ի Գանիելէ մարգարէէ  
 ասացեալէ սուրբ հոգւոյն : Եւ լինին  
 սոքա յայտնապէս թուով երէք հա-  
 րիւր և յիսուն ըստ միազոյգ պտղոյ  
 երկց ոստոցն և կիսոց , և զի տեսեր  
 զպտուղս ոստոցն թառամս և ծըն-  
 դեալս և ոչ ինչ բնաւ նմանս այլ  
 պտղոցն որ 'ի ձիթենւոջն էին : Տես  
 ճշմարտապէս և ծանիր , զի բար-  
 ձեալ է սէր և արդարութիւն յա-  
 մենայն մարդոյ , որք ստութեամբք և  
 ոչ ստուգութեամբք կարծեցուցա-  
 նեն զանձինս սիրունս և պատուի-  
 րանապահս . և այն յայտնի գրեալ  
 կայ և կնքեալ 'ի դպրութիւն ամե-  
 նագիտին , որ ներէն երկայնատու-  
 թեամբք և հատուցանէ անաչառու-  
 թեամբք : Եւ ընդ ասեկէ բեմին որ  
 ցուցաւ քեզ աթոռ չորէքկուսի ,  
 ծովագոյն սառնակերսպ , նստումն  
 դահու քահանայութեան և թա-  
 դաւորութեան ծանուցանի , զոր  
 արդարև բանն Աստուած հաստատէ .  
 յորոյ վերայ կայր սկտեղն արծաթի ,  
 քանզի իբրև զարծաթ ընտիր և փոր-

ձեալ լուսափայլս յամենայն ազգս  
 ընդունողաց ամուտալ տարածեցաւ  
 բանն , զոր և սաղմոսերդն վար-  
 դապեալէ սուրբ հոգւոյն յասելն՝  
 թէ բանք տեսուն են բանք սուրբ  
 իբրև զարծաթ ընտրեալ և փորձեալ  
 յերկրէ , և զասելն յերկրէ՝ գի-  
 տասցես թէ զերևումն մարմնով ՚ի  
 սուրբ կուսէն յայանէ մտրգարէն :

Եւ զի երևեցաւ քեզ ծովագոյն  
 սառնանման տեսիլ աթոռոյն , նշա-  
 նակեալ ցուցանէ զժփուսն ալէկո-  
 ծուծէ աշխարհիս հայոց , քանզի  
 և թխագոյն թանձր կտաւոյն ծած-  
 կուսն զօրինակ բերէ թանձրամած  
 սքոյն որ ունելոց է զաշխարհ ամե-  
 նայն . վասն զի տեսիլդ ՚ի վախճան  
 է , և նափորան բեհեղեայ զոր տե-  
 սանէիր ծալեալ և եդեալ ՚ի վերայ  
 սկաեղն , և զգունդն ոսկի որ կայր  
 մերձ առ նափորտանն , նշանակէ  
 քեզ քահանայութիւն և մեւսն  
 զթագաւորութիւն : Եւ զի ոչ ոք  
 էր արկեալ զիւրեաւ զնամփորան ,  
 և ոչ այն ոք էր որ ունէր ՚ի ձեռինն  
 զգունդն , լուր զստուգապէսն և ՚ի

միտ առ զի լուեցոց է մերձ ընդ  
մերձ թագաւորութի յազգէդ Ար-  
շակունեաց, և քահանայութիւնն 'ի  
ցեղէ արժանաւոր քահանայապե-  
տինն Գրիգորի: Եւ մագաղաթն հա-  
տածածն որ ցուցաւ քեզ, գրեալ  
'ի սկզբանն կարգս ինչ ոսկեղէն  
գրով զձեռնագրութիւն արանց  
սրբոց եցոյց քեզ շնորհք հոգւոյն,  
որք 'ի զաւակէ ցանկալոյն Գրիգո-  
րի յաջորդեցին արժանաւորապէս  
զաթոռ քահանայապետութեան.  
նոքա են արք ընտիրք գրեալ ոսկե-  
տեսիլ գրով 'ի դպրութիւն կե-  
նաց: Եւ զի երևէին 'ի միջոց կող-  
ման մագաղաթին հեռի յոսկեգիր  
կարգացն, կարգք ինչ խանգարեալք  
և ջնջագիրք, գիտեա զի նստելոց  
են քահանայապետք ոմանք յաթոռ  
սրբոյն Գրիգորի՝ որք ոչ ըստ հրա-  
մանի սուրբ առաքելոցն, և ոչ ըստ  
կանոնի սլատուական սուրբ ժողո-  
վոյն երէք հարիւր տասն և ութիցն  
լինին ձեռնագրեալք յերկնաւոր 'ի  
սլաշտօնն, այլ ըստ փառաց աշ-  
խարհի ձգտեալք 'ի սլաշտօնն յան-

դգնութիւն, որք էն արծաթասէրք  
 առաւել քան աստուածասէրք . և  
 վասն զի սուտ քահանայութիւն և  
 խոտան՝ ըստ հաճոյից բարձրելոյն  
 ջնջեալ էն ՚ի դարութենէ երկնից  
 բարութեանցն, աալով դատաստան  
 գեհէնին այրմամբ զանձանց և զժո-  
 ղովրդոցն կորստեան : Եւ այլ կարգն  
 և մեւս ևս կէս կարգի որ երևեցաւ  
 քեզ գրեալ սքանչելապէս ոսկե-  
 գրով ՚ի ստորին եզր մագաղաթին  
 ըստ առաջին յօրինեալ կարգացն  
 գրելոց ՚ի սկզբան մագաղաթին՝ ծա-  
 նիր հաւաստեաւ զի մերձ յերևումն  
 անաստիւն սղծութեան դարձեալ  
 յառնէ թագաւոր յազգէդ Արշա-  
 կունեաց, և նորոգի աթոռ քա-  
 հանայապետութեան ՚ի շառաւելէ  
 սրբոյն Գրիգորի : Ասան զի ոչ էին  
 արհամարհեալք և ընկեցեալք յեր-  
 կիր ՚ի կոխումն, այլ յայտ ահան  
 երևմամբ կայր դունդն, և ծալեալ  
 պատուահանութեամբ ցուցաւ քեզ  
 նամիրոսն, որ ևս առաւել հաս-  
 տատապէս եցոյց քեզ, և ծանոյց  
 քեզ զայս վերին ազգեցութիւնն՝

սքանչելա տեսիկ ոսկեգիր կարգաւն  
 և կարգակիսաւն . որ 'ի ժամանակս  
 դուռողացելոյ թշնամւոյն արգարու-  
 թեան՝ նստի քահանայապետ ար-  
 դար 'ի ճշմարիտ վիճակէ ցեղին  
 սրբոյն Գրիգորի , և քահանայա-  
 ցեալ առաջինն կատարէ զաւուրս  
 իւր կրեալ ճգնութիւնս բազումս 'ի  
 սուտ առաքելոց իշխանին կորս-  
 տեան , և վախճանի խաղաղական  
 հանգստեամբ և ոչ սրով . և մեւսն  
 ևս զաւակ նորին յաջորդեալ զա-  
 թու քահանայապետութեանն , և  
 բազում և ազգի և ազգի համբե-  
 րեալ քերանաց և դանից և սովոյ և  
 նեղութեան՝ ժամանակս բազումս  
 յանօրէն իշխանին գահճաց , սրով  
 ընկալեալ զվախճան մարտիւրոսա-  
 նայ : Այն զի ցուցաւ քեզ 'ի կար-  
 գին մասն մի գրեւոցն կարմրագե-  
 ղով , ստուգեալ հաւատարմու-  
 թեամբ գաւանեաց զկատարումն  
 մարտիւրոսութեանն որ գիպելոց է  
 սրբոյն : Եւ որ երևեցաւ քեզ բազ-  
 մութիւնք տղայոցն շուրջ կալով 'ի  
 վերայ արծաթատեսիկ սկտեղն ,

զուարճացիր ցնծալից ուրախու-  
 թեամբ՝ զի ահա յարգանդէ զաւա-  
 կիրդ որ տուաւ քեզ յարարչէն, եւ-  
 ցեն բազում շառաւելք արք ընտիրք  
 զօրութեամբք: Ընդ որ միաբանեալ  
 և այլ բազմութիւն լաւ արանց յազ-  
 դէ նախարարացդ Հայոց, որք զօ-  
 րացեալ սուրբ բանիւն Աստուծոյ  
 զյարուցմունս թագաւորաց և զըս-  
 պառնալիս իշխանաց առ ոչ ինչ  
 համարեալ արհամարհեցեն, միա-  
 ցուցեալ զանձինս ընդ յոյս շնորհի  
 երկնաւոր կոչմանն, չհայեւով ՚ի  
 մեծութիւնս սնտախ և ոչ ՚ի փառս  
 առժամեայս: Ընդ որոյ վաճառեալ  
 ոմանց զփառս անեղին Աստուծոյ  
 ընդ սնտախ և ասպականացու կենաց  
 աշխարհիս ուրացողք լինին. վասն  
 զի մօտ է առ դուրս վախճան թու-  
 լացելոցն ՚ի կորուստ, և հասեալ  
 կայ հուս՝ օգնութիւն զօրացելոցն  
 ՚ի փրկութիւն, յորս և դու հայե-  
 ցեալ շնորհի ահամբ տեսեր շուրջ  
 զաստուածային բեմիւն սարեւով  
 զտղայսն, չհայեւով բնաւ ՚ի սայ-  
 թաքմունս սնտախ հեթանոսական

սլաշտամանցն , յորոց ոմանք կատարելութեան հասեալք՝ մարտիրոսական սլասկին լինին արժանիք . և այլք յարանց այլ գտանին և ՚ի կանանց , որ թէպէտ և ոչ սրով այլ ՚ի շնորհէ սուրբ հոգւոյն զորացեալք բազում բարեգործութեամբք կատարին , որպէս և երևէին քեզ լուսացայտ նշոյլք արձակեալք ՚ի մանկաւոյն . ոմանց կարմրագոյն փայլմամբ երփն երփն , որ զկատարելոցն արեամբ գուշակեր զնահատակութիւն , և զայլոցն պէս պէս ճառագայթիւք ծանուցանէր զչողումն . որպէս և զբազմափայլ գոյնս լուսաւորութեան առաքինի մարդոյ , վասն զի բազում են և անթիւք ճշնութիւնք և վաստակք արանց արդարոց :

Եւ զի շարժեցաւ սասաիկ գլըրդմամբ աթուն զոր տեսեր , և որ երբեմն աղայքն քեզ երևէին յաճումն կատարելութեան բովանդակեալք յերկրէ յերկինս թռուցեալ համբարձան , բովանդակապէս քեզ յերկրիս կենցաղս արդարոցն ,

և յերկինս զլինելոց նոցա զհրէշ-  
տականման փոփոխումն եցոյց սար-  
գևատուն բարեաց : Քանզի իբրև  
զաղայս անմեղութեամբ յաշխարհի  
կացին արդարքն . չգարձուցանելով  
և ոչ ուրեք զհայեցուածս մտաց իւ-  
րեանց 'ի զբաղմունս նանրութեան ,  
այլ ուշագրեալք 'ի հրաւիրումն  
երկնաւոր ուրախութեանն և եթ  
հայէին : Քանզի բազում և խիտ  
վրդովմունք յայսմ հետէ լինելոց  
են յաշխարհի , յարուցմունք թա-  
գաւորաց 'ի վերայ միմեանց , սովք ,  
սասանութիւնք , և բազում ընկրդ-  
մելութիւնք , որք զգալուստ մօտա-  
ւոր որդւոյն կորստեան նշանակեն ,  
որ եկեալ նստի ըստ գրեցելոցն 'ի  
տեղւոջն սրբութեան ցուցանելով  
զինքն աստուած , որ հաշին և մա-  
շին 'ի զօրութենէ վերնոյն , զոր ինքն  
տէր Յիսուս աստակեացէ հոգւով  
բերանոյ իւրոյ :

Եւ յայնժամ կատարեալ վա-  
րուք թռիցեն արդարքն 'ի յաւիտե-  
նից յարկսն , և այնպէս յամենայն  
ժամ ընդ աեառն լինիցին . և ասպա

յայտնապէս կատարի առ նոսա  
 բանն տէրունական բարբառոյն որ  
 ասէ՝ թէ՛ «Ուր ես եմ, անդ և սաշտօ-  
 նեայն իմ եղիցի», : Եւ կնքեալ զտե-  
 սիլդ որ ցուցաւ քեզ թուով յայտ-  
 նութիւն ՚ի բարձանց, քանզի ոչ  
 վրիպեացի այտի բան մի մինչև կա-  
 տարեացի ամենայն : Եւ ես իբրև ՚ի  
 քնոյ զարթուցեալ ՚ի տեսլէնէն զոր  
 եցոյց ինձ բարձրեալն՝ որպէս յար-  
 թնութեան յայտնապէս, և ՚ի զար-  
 մացման մեծի եղեալ փառաւորեցի  
 զմարդասէրն Աստուած որ արժանի  
 արար զիս այսպիսի մեծի և ահաւոր  
 տեսչութեան : Եւ լռեալ դադարե-  
 ցի ՚ի յայտնելոյ զայս մարդոյ մինչև  
 ցայսօր ժամանակի : Եւ այժմ՝ սրտ  
 մեցի ձեզ ոչ միայն առ նեղեալ սրտի,  
 այլ թաղուցանել երկուցեալ, զի  
 մի իբրև զլացօղ սրատուհասեալ դ.ա.  
 տեցայց ՚ի ցուցողէ յայտնութեանս  
 այսորիկ, որ և գրով ինձ զաւանդս  
 զայս հրամայեաց թողուլ յաշխար-  
 հի : Եւ լռեալ զայս ամենայն խօսս  
 բաղմութեան աւադանւոյն Հայոց,  
 տանուտէրացն և սեպուհեացն և

միահամուռ ժողովոյն բազմութեան  
 'ի սուրբ հայրապետէն խառնակայ,  
 յարտասուս հարեալ զարհուրե-  
 ցան : Եւ այնուհետև ոչ որ իշխեր  
 յաղագս այսպիսի բանից ասել ինչ  
 ընդ սրբոյն և կամ ճանել :

Յիշատակ 'նորա օրհնութեամբ,  
 և աղօթք 'նորա 'ի վերայ մեր ամե-  
 նեցուն յաւիտեանս յաւիտենից,  
 ամէն :





Կ Ա Ն Ո Ն Ք

Ս Ր Բ Ո Յ Ն Ս Ս . Հ Ս . Կ Ս . Յ

THE STATE

OF NEW YORK

IN SENATE

JANUARY 18, 1894

# Կ Ա Ն Ո Ն Ք

## Մ Ր Բ Ո Յ Ն Ս Ա Հ Ա Կ Ա Յ

Յաղագս Լայիսկոսարուաց թե՛ որ  
պէս պարտ է ունել զընտանիս  
սուրբ Եկեղեցոյ .

Ա . ՍՅՅԵԼՈՒ և հասարակաց  
հայր է Եպիսկոպոսն . վասն այսո  
րիկ առանց ակնառութեան պարտի  
զհաւատացեալս նմա յԱստուծոյ  
հօտն , անաչառութեամբ յանձան  
ձել զուխտս սրբոյ Եկեղեցոյ , տե  
սուչս և առաջնորդս գաւառաց և  
գիւղից կացուցանելով՝ որք անուա  
նին Քորեպիսկոպոսք . զի սրբոյ և  
նախանձաւորաց օրինաց , և հմուտ  
եղէլոց վարդապետութեան՝ արժա  
նաւոր է տալ զայնպիսի պատիւ ,  
որք զժողովուրդն բաւական լիցին .

խրատել՝ շահելով զմեղանչականութեամբ մոլորեալսն, և սլայծառացուցանելով զճշմարիտսն ճառագայթաւէտ սատուիրանացն սատուութեամբք: Զի և քահանայք առանց տարակուսանաց ուսցին մեծարել զաստուածընկալ սեղանն յորոյ վերայ կատարի կենդանարար խորհուրդն՝ ասարեցուցին մերոյ տեառն. և զփրկական աւաղանն մկրտութեան՝ որոյ ծննդեամբ վերստին նորոգիմք ՚ի յոյս կոչմանն Աստուծոյ:

Բ. Արդ մի ոք զայսսպիսի տեաչութիւնս զինուորաց կամ տգիտաց ումէք հաւատասցէ, և մի մերձաւորաց իւրոց շնորհուկս ինչ՝նոցա առնելով սիրոյ ըզձմամբ, յորմէ կանխաւ հրաժարեցոյց փրկիչն մեր և տէրն. Ո՞վ է իմ, ասէ, մայր և եղբայր, եթէ ոչ սիրողք սատուիրանացն Աստուծոյ. զոր արդեամբք իսկ կատարեաց՝ մեզ օրինադրելով: Յակօբոս և Սիմոն և Յովսէս և Յուդաս եղբարք յորջորջէին. և Պետրոս և Յովհաննէս և այլ բազմու-

Թիւն աշակերտացն յոլով ժամա-  
նակս կատարեցին 'ի սպասահար-  
կուԹիւնս . վիշտս և նեղուԹիս կրե-  
ցին , գուն գործեալ ոգւով չափ .  
և անօթ ընտրութեան ոչ զոք 'ի  
նոցանէ անուանեաց : Իսկ Պաւղոս  
որ հայհոյիչ և հալածիչ և Թշնա-  
մանող զինքն խոստովանէր՝ « Անօթ  
ընտրութեան , ասէ , ինձ է նա  
կրել զանուն իմ՝ առաջի հեԹանո-  
սաց և Թադաւորաց և որդւոցն Իս-  
րայելի » :

Տեսանէս զի ոչ է ակնառուԹիւն  
առաջի Աստուծոյ . եթէ աչառի-  
ցէք , մեղս գործիցէք . արդարև որ  
ոչն վարիցի այսպիսի առաքինու-  
Թեամբ եպիսկոպոսն , ոչ կարէ  
աշակերտ լինել տեառն , այլ յոյժ  
հեռի և օտար է իբրև զմի ոք 'ի  
ստունկանողաց փրկչին : Զսրա-  
տուիրանաց սիրողս և զկատարողս  
սահմանեաց , ասէ , իւր եղբարս .  
և Թէ , « Ար սիրէ զհայր կամ ըզ-  
մայր , զուստերս կամ զգտերս ա-  
ռաւել քան զիս , չէ ինձ արժա-  
նի » : Եւ գուք 'ի բարձրանալ հը-

րամանացն 'ի վայր հորժանեալ ընդ  
 էրկիր քարշէլով փարիք զառհմայ-  
 ին զազգահանօք . սէսսէս հնարե-  
 լով հնարս զի գիրգ և փափուկք  
 առնիցէք , և առաւել ստացու-  
 թեամբն զեղուցուք զտունան , մո-  
 ռանալով զքսամնելի պատգամս  
 ինքնասաց աւետարանին , թէ « Ա-  
 մենայն տունկ զոր ոչ անկեաց հայր  
 իմ երկնաւոր՝ խլեսցի » :

Գ . Տեսանէք , զի զոր յոլով ժա-  
 մանակօք տաժանիք և ջանայք ար-  
 մատացուցանել , զկէս աւուրցն  
 կաղմէք որոգայթ սատակման . ըստ  
 այնմ , թէ « Որ ամբարէ զմեծու-  
 թիւն առանց իրաւանց՝ 'ի կէս ա-  
 ւուրց իւրոց լքցէ զնա » : Զայս ոչ  
 է թէ յաղագս ամօթ ինչ առնելոյ  
 զոք ասեմ 'ի խոր խոցելով յանգի-  
 մանութեամբս , այլ զի ամենևին մի  
 երևեսցի յեկեղեցւոջ այսպիսի ան-  
 օրէն սովորութիւն . քանզի ար-  
 մատ է ընդհանուր չարեաց , և սէս  
 սէսաղծապիղծ անառակութեանց .  
 վասն որոյ դայ բարկութիւնն Աս-  
 տուծոյ :

Դ. Որպէս վերագոյն ասացաք  
 թէ հայր է Եպիսկոպոսն , և ըստ  
 լաւութեան և աջողութեան սար-  
 տի փայփայել և յառաջեցուցանել  
 զընտանիսն , և յանձն առնել զգործ  
 եկեղեցւոյն ըստ կանոնի կարգաց ,  
 ուստի այլանդակ անառակութիւնք  
 և հերձուածք խամրին , և վարք աս-  
 տուածահաճոյ կենաց հանդերձ  
 բարեպաշտութեամբ ստուարից ,  
 զարգարին : Բայց գիտեմք , զի ո-  
 մանք ըմբոստացեալ ճոռոմաբանեն ,  
 մանաւանդ ազգասէր ծնկոտքն , ըզ-  
 մարգարէին 'ի կիր առնուլ զբանն'  
 թէ “ Յընտանեաց զաւակի քոյ  
 զակն մի արկանիցես ” . և զայն ոչ  
 իմացան թէ ընտանիս զմիաբանու-  
 թիւն հաւատոցն կոչէ : Ասան որոյ  
 բարձրաբարբառ փողն եկեղեցւոյ  
 ճշգիւ մեկնեալ գոչէ : Եւ զի'նչ ա-  
 սիցէ . “ Թէ հնար է , ասէ , ընդ ա-  
 մենայն մարդկան զխաղաղութիւն  
 կալ ջիք , մանաւանդ առ ընտանիսն  
 հաւատոյ ” : Այս է սպառճառ ըն-  
 տանեացն ինամածութեան . բայց  
 թէ գեանաբարչ և մոմոս լինիցի , և

սպատճառս կեղծաւորիցի բարեպաշ-  
տու թեան՝ սիրել և հարատայուցա-  
նել զաղգայինս իւր՝ լուսիցէ մեւս ևս  
բանին որ մեղմովն խրատէ՝ թէ «Մի  
գիտացէ ձախ քո զլինչ գործէ աջ  
քո » : Մի ոք իշխեսցէ անամօթ  
համարձակութեամբ զչարդ զայդ  
առնել սպատճառս բարեգործու-  
թեան . զի չար է կամակար լրբու-  
թիւն քան զմեղանչելն . քանզի եղ-  
բայրասպանն Վայէն և Գէէզի , որ  
գառն ագահութեամբ էր զբաղեալ ,  
քան ընդ մեղացն եւս առաւել վասն  
անամօթ լրբութեան կրեցին սա-  
տիժ սպտուհասից :

Ե . Արդ զգուշութեամբ պահեա-  
ցի 'ի միջի մերում՝ սահմանս այս  
կանոնական , և մի ոք խոտորեսցի  
յաստուածահաճոյ հրամանացս այ-  
սոցիկ , որով պայծառանան եկե-  
ղեցիք , բերկրին քահանայք , զու-  
րախութիւն համբուրեն իշխանք և  
դեղձուկք , և երանութեան բան  
դրուատեաց յօտարաց ընդունիմք .  
քանզի սարա է մեզ ըստ գրեցե-  
լումն՝ վկայութիւն բարի և յար-

տաքնոցն ունեւ, զի մի անուանն Աստուծոյ և վարդապետութիւնն հայհոյեացի, որպէս երբեմն բաղոբէր մարգարէն պարտաւորելով զԻսրայէլացիսն՝ թէ անուանն Աստուծոյ վասն ձեր հայհոյի՝ ի մէջ հեթանոսաց : Իսկ վասն բարիոք կարգաց և գործոց մերոց փառաւորեսցեն ըզհայր մեր որ յերկինս է, ասելով թէ « Սոքա են զաւակ օրհնեալք յԱստուծոյ, և ուրախութեամբ ուրախ լինիցին ՚ի տէր » : Հրեշտակակրօն վարուց և յաւիտենական կենաց նմանութիւնն պարախ բերել յինքեան եպիսկոպոսն և ամենայն վարդապետք . ուր ոչ ակնառութիւն է և ոչ կաշառք, և ոչ ընչից մեծարանք, այլ պարկեշտութիւն և սրատուիրանապահութիւն՝ մերձեցուցանեն լինել քաղաքակից սրբոց և ընտանիք Աստուծոյ . և դուք յընչասիրութիւն և ՚ի կաշառս կործանիք, և զգարչելիսն, և զպատուիրանազանցսն, և զզինուորսն և ըզտգէսսն հաւատարիմ համարիք ՚ի գործ սպասաւորութեան եկեղե-

ցւոյ , և ջոլիր ևս յաճախեալ տողէք զկնի ձեր զմերձաւորացն անուանելոց . զի հաղորդութեամբ ձերով այգուիկ՝ զմիս ընտրոցն ուտէք և զոսկերս նոցա փշտէք . « Կերիցուք արբցուք , ասելով , քանզի վաղիւ մեռանելոց եմք » :

Զ . Արդ եթէ ոք գտցի Եսլիսկոստոս և յառաջնորդս եկեղեցւոյ յայսպիսի սատուիրանազանցութիւնանամօթ և յանառակութեան՝ ՚ի բաց ընկեսցի ՚ի սատուոյ իւրմէ , և բաժին նորա ընդ կեղծաւորս եղիցի , զի մարդ ՚ի սատուի էր և ոչ իմացաւ . զի և այլք երկիցեն , և պաշտօն հարկիս այսորիկ մի եղիցի դատապարտութիւն , այլ փառք :

Է . Ասլա թէ ոք յիշխանաց կամ յաթոռակցաց մերոց աջառիցեն այնպիսեացն , դատ տացեն առաջի Աստուծոյ ընդ այնոսիկ որ աջառիցեն՝ շնորհուկս առնելով Աննայի և Կայիափայ քահանայապետիցն , աստուածամարտ ուրացողացն , և սրարտականաց տէրունական արեանն , որ տացեն սատիժս անըս-

պառ. յաւիտեանսն : Այլ մեզ ե-  
 ղիցի անբիծ սահման պատուիրա-  
 նացս այսոցիկ՝ վարել զկեանս մերոյ  
 պանդխտութեանս . զի յամենայնի  
 հաճոյ լինելով Աստուծոյ՝ խոստա-  
 ցելոց բարութեանցն արժանի լի-  
 ցուք շնորհօք և մարդասիրութեամբ  
 տեառն մերոյ Յիսուսի Քրիստոսի ,  
 ընդ որում հօր՝ միանգամայն և հոգ-  
 ւոյն սրբոյ տացուք գոհութիւն և  
 փառք յաւիտեանս . Ամէն :



Ն Ո Ր Ի Ն

ՅԱՂԱԳՍ ՔՈՐԵՊԻՍԿՈՊՈՍՅՑ

Թե՛ որպէս պարտ է զկանոնակաւ  
զկարգն հաստատունն պահել  
յնկեղեցիս Աստուծոյ .

Ե . Ձի սրբոց և բարեպաշտից և  
առաքինութեամբ պայծառացելոց  
պարտ է հաւատալ զպատիւ կարգի  
պաշտամանս այսորիկ , վերագոյն  
ճառեցաւ 'ի մէնջ . որոց մաքուր են  
միտք յարծաթսիրութեան ախակն ,  
և ձեռք իւրեանց 'ի կաշառոց , ու  
սուճնասէրք և պարկեշտք , որք բա-  
ւական իցեն և զայլս ուսուցանել ,  
զամենայն յանձն արարեալ նոցա  
զեկեղեցիս , անյատաղ խնամով  
պայծառացուցանել աստուածա-  
հաճոյ վարուք , երկիրզածս և ըզ-

գաստս և հչու յամենայն բարեյոր-  
գորութիւնս :

Բ . Եւ զտաճարս աղօթիցն՝ յորս  
սուրբ և աստուածընկալ սեղանն է  
հաստատեալ, յորոյ վերայ կատարի  
մեղսաքաւիչ և կենդանարար խոր-  
հուրդ մարմնոյ և արեան ապրե-  
ցուցչին մերոյ տեառն՝ ըստ արժա-  
նի բաւականութեանն զարգարուն  
սահեսցեն անխափան լուցմամբք և  
խնկարկուծեամբ, և սարսպեալ  
քաղաքորմովք, և մերձ ՚ի նա մկր-  
տասունս շինեսցեն. և անդ, որսէս  
և սովորութիւն իսկ է և յայլսն՝ ՚ի  
նմին կանգնեսցի աւազան մկրտու-  
թեան, որոյ ծննդեամբ հոգին  
սուրբ վերստին նորոգելով, դրոշմէ  
լինել որդիս լուսոյ, վասն որոյ բա-  
ղում սատուոյ մեծարանօք սար-  
սիմք մեծարել :

Գ . Եւ սաշտօն սաղմոսերդու-  
թեանն անխափան կացցէ ՚ի տուրն-  
ջեան և ՚ի դիշերի ըստ օրինակի մայ-  
րաքաղաքաց հովուասպետին. զի ա-  
մենայն ումիք չէ օրէն և իշխանու-  
թիւն յասպաղել զայն կարգ սաշ-

տաման, կամ նորաձևութիւնս ինչ առնել, այլ միշտ ՚ի նմին յարանալ :  
 Դ . Զնոյն և տեսուչ քորեպիսկոպոսն պարտի համառօտել զամենայն եկեղեցիս . և եթէ ոք հեղգասցի կամ ստերիւրեալ գոցին՝ յանդիմանեացեն , կշտամբեացեն խրատու վարդապետութեան , և դանիւք և տուգանօք պատուհասեացեն ատենական հրասարակաւ , զի և այլքն երկիցեն :

Ե : Քանզի պարս և պառչաճ է յամենայն տարւոջ , յորժամ ժողովք կատարիցին՝ ըստ կանոնական սահմանադրութեանց , շրջել քորեպիսկոպոսաց ՚ի հաւատացեալ նոցա յեկեղեցիան , և քննութիւն առնել վարուց և կարգի պաշտմանն , թէ ո՞րպէս ունիցին , և համարս պահանջել յերկցանց և ՚ի սարկաւադաց զժամուցն քարոզութեանցն , և զաղօթիցն մատուցումն , և զկնքատուացն մի ըստ միովէ յարմարումն կատարելութեան , և ըզպատարագամատուցացն սարսափելի խորհրդոյն պառչաճող սպա-

սահարկութիւնն . զի փոյթեաւանդն  
յօժարութեամբ և երկիրըն ան-  
գրորդութիւն պահեսցենն : Ասան որոյ  
թէ հեղգայցեմք , համարս պահան-  
ջելոց եմք . և եթէ տարտամ և յե-  
անեալ գտանիցի 'ի սքանչելի ճա-  
ռեցեալս աւանդապահութեանց ,  
կրեսցէ պատուհաս սաստիկ , ո ոք  
և իցէ , 'ի պատուոյն իւրմէ զսկեալ  
եղիցի՝ մինչև հաշտեսցի ընդ նմա  
վարդապետն :

Զ . Եւ ոչ միայն երիցանց և սար-  
կաւագաց պարտէ մշտնջենաւորել  
'ի պաշտամանն՝ այլ և ամենայն ուխ-  
տի մանկանց . և եթէ ոք մեղկ և  
յոյլ իցէ՝ զնոյն կրեսցէ պատուհաս :  
Այլ զտգէտս և զզինուորս ամենե-  
լին իսկ պարտ է որոշել 'ի շնորհէն՝  
որ ինչ 'ի ժողովրդականաց 'ի տունն  
Աստուծոյ մտանիցէ . բայց եթէ ին-  
քեանք կամ զաւակք իւրեանց հրա-  
հանգեսցին լինել արժանի :

Կ . Նոյնպէս և զարբեցողսն որո-  
շեսցեն և զկռուողսն , մինչև յապաշ-  
խարութիւն և յուղղութիւն եկես-  
ցեն ըստ առաջնորդին կամաց :

Ը . Իսկ զպոռնկորգիս և որ յերկրորդացն են՝ հաւասար մինչև յերրորդ ծնունդն , ըստ առաջին կանոնաց հեռի կացցեն ՚ի կարգէն և ՚ի շնորհացն . զի պարկեշտ և սուրբ և աներկկան եղիցի ուխտ պաշտօնէից Աստուծոյ , զարգարուն և ճշմարիտ հաւատովք և դործովք առաքինութեանց , ցանկալի ամենեցուն և պատուական , որպէս և վայել է պաշտօնէից Աստուծոյ . զի թէ ղեւտական ազգն այնպիսի պատուեր ընկալաւ սոսկալի և զգուշաւոր անարատ սպասաւորութեան՝ որչափ ևս առաւել այժմուքս են արժանաւոր փութոյ՝ ըստ Պաւղոսի վկայութեան :

Թ . Արդ զամենայն զայս ահիւ և երկիւղիւ պարտի հրաման տալ և կարգել տեսուչ քորեպիսկոպոսն , զլաւս և զաջողակս պատուոյ և մեծարանաց սունել արժանի , և զանպիտանս խոշտանգանաց , մանաւանդ զուսումնատեացսն . զի որ կամակորէ յուսմանէ՝ անկանի ՚ի չարիս ըստ գրեցելումն :

Ժ. Այսպէս որոյ անընդհատ սլարտի  
 պահել յարգարուն զգարոցն, 'ի  
 վանսն և յայլ արժասաւոր տեղիս .  
 զի լուսաւորեալք լուսով սլատուի-  
 րանացն Աստուծոյ՝ զամենեսեան  
 լուսաւորեսցեն . քանզի յորժամ  
 ուխտն որ գլուխն է եկեղեցւոյ ըն-  
 տիրք և սխտանիք ընկնին, ևս առա-  
 շել ժողովուրդն : Եւ եթէ եղևի  
 ոք 'ի ժողովրդենէ լոյծ անառակու-  
 թեամբ՝ դիւրագոյն առնի ածել  
 յուղլուծիւն, քանզի չէ փոքր և  
 յաղագս այդորիկ հոգ 'ի վերայ քոր-  
 եպիսկոպոսին՝ այց առնել և վա-  
 րուց ժողովրդեանն, և ըստ սլարա-  
 պոյ ուխտաւորեալ սլահոցն և ա-  
 ղոթից՝ ուրախացուցանել գրոց  
 սրբոց վարդապետութեամբ, շա-  
 հել զմեղուցեալսն, և տալ տեղե-  
 կութիւն կրթութեան և սլահպա-  
 նութեան ամբիծ հաւատոց . և ըզ-  
 գուշանալ և փախչել 'ի հերձուա-  
 ծողաց և յաղծապիլծ դործոց .  
 քանզի դիտաւորութեան դործ նո-  
 ցա է հաւատացեալ եպիսկոպոսին,  
 ըստ օրինակի բարգաւաճեալ մեծի

մարգարէին Մովսէսի՝ որ կացոյց  
 ոստիկանս 'ի վերայ ժողովրդեանն  
 քննել և դատավճիռ հատանել, և  
 զԺանր ինչ բան առ ինքն հասուցա-  
 նել. եթէ զգուշացին և զգուշա-  
 ցուցեն ըստ պատգամի մարգարէ-  
 ութեանն, թէ “Ահա սուր դայ” .  
 և ազգ երկրին աստտամբեալ ան-  
 փոյթ առնիցեն՝ նոքա յանօրէնու-  
 թեան իւրեանց մեռցին, և նա ա-  
 սրեցուցէ զանձն իւր :

ԺԱ. Ապա թէ զոչաքաղութեամբ  
 յածիցի զհարկսն միայն պահանջել,  
 և ագահութեամբ զոսկւոյ և զար-  
 ծաթոյ մթերս փափաքիցէ մթե-  
 րել, և սղերգացեալ 'ի մոռացօնս  
 զկանոնական քննութիւնս դարձու-  
 ցեալ, զոր ամբողջ և անվթար պարս  
 էր պահել, և բոլորովմբ թողեալ  
 լքեալ զիւր դիտաւորութեանն  
 պահպանութիւն, և եկեալ սուրն  
 կորուսանէ զնոսա, ինքն եղիցի պար-  
 տական՝ և 'ի ձեռաց նորա արիւնն  
 խնդրեացի :

ԺԲ. Վասն որոյ պատրաստ կալ  
 հրամայէ ճշմարիտ քարոզն, հսկել

և արթուն լինել . “ Չգոյշ կացէք  
անձանց և ամենայն հօտիդ , յորում  
եդ զձեզ հոգին սուրբ տեսուչս հո-  
վուել զժողովուրդ տեառն , զոր ա-  
պրեցոյց սլատուական արեամբ իւ-  
րով ” : Եւ զերախտիս հատուց-  
մանցն պարգևի յայտ առնէ . “ Ձի  
յերևել հովուապետին ընդունիցիք  
զանժառամ փառաց սրահն ” :

ԺԳ . Եղիցի մեզ ամենեցուն խոյս  
տալ և փախչել 'ի ջարէն , և արդա-  
րութեան լինել հետամուտ . յա-  
մենայն ժամ 'ի հաճոյսն Աստուծոյ  
ծախել զկեանս մեր . զի անձանց և  
այլոց բազմաց լինիցիմք առիթ փր-  
կութեան , և բաւական եղիցուք  
համարձակութեամբ ասելով թէ  
“ Ահաւասիկ ես և մանկունք իմ ,  
զորս ետ ինձ Աստուած ” : Ենորհօք  
և մարգասիրութեամբ տեառն մե-  
րոյ և փրկչին Յիսուսի Քրիստոսի :

Կարգ քահանայից սառ ժողովրդա-  
կանս , և ևոցիև ժողովրդակա-  
նաց հեղազանդոշքիւն և կարգ  
ոշդոշքեան սառ քահանայս .

Յ . Եղբարց սիրելեաց երկցանց  
և վանականաց որպէս ամբաստա-  
նութիւն եղև առ մեզ 'ի բազում  
տեղիս ժողովրդականաց զքահա-  
նայից՝ թէ որպէս ծուլութեամբ  
ունին զկարգ եկեղեցւոյ պաշտա-  
ման և աղօթից , և զայլ ամենայն  
կարևոր առաջնորդութիւն . մանա-  
ւանդ վասն ուսումնատեցութեան ,  
զի ասացին թէ ինքեանք չեն ու-  
սեալ , և զօրդիս իւրեանց 'ի դպրոց  
ոչ ունին , և վասն տգիտութեան՝  
երկցութեան արժանի ոչ լինին . և  
մեզ զրկանք են և նեղութիւն , զի  
դատարկացեալ եմք , և նոքօք և 'ի

նոցանէ և խոսպանացեալ եմք յամե-  
 նայնի , և ամենևին անտեղեակ և  
 անմխիթար գրոց սրբոց : Չնոյն  
 զոր լուաք 'ի նոցանէ՝ գիտացաք և  
 մէք և սգացաք բազում տրամու-  
 թեամբ . վասն զի 'ի շատ տեղիս ոչ  
 զոք գտաք քահանայութեան ար-  
 ժանի 'ի տգիտութենէ . և ժողո-  
 վուրդն խոսպանացեալ մնայր , և մէք  
 տարակուսեալք ոչ գտաք , որ զնո-  
 սին ինքեանս կարգել 'ի քահանայ-  
 ութիւն . այլ հրաժարեցուցեալ  
 զնոսա 'ի բնակութենէ՝ օտարաց սխի-  
 տանեաց և գիանոց սուաք զժա-  
 ռանգութիւն նոցա : Արդ որպէս  
 յամենայն ժամ սլատուէր լեալ էր  
 'ի մէնջ առ ձեզ , և գրելով և յան-  
 գիման հրաման տալով վասն ամե-  
 նայն կարգի եկեղեցւոյ՝ և ձեր ան-  
 ձանց կազմութեան , արժան էր թէ  
 խրատեալ էիք . և այդպիսի արը-  
 տունջ զձէնջ 'ի ժողովրդականաց ոչ  
 հասանէր առ մեզ , և ոչ զձեզ 'ի  
 թերութիւն տեսանէաք , և ոչ զեղջ  
 և ասպաշաւ լինէր մեզ : Եւ վասն  
 մտից և պաղոց եկեղեցւոյ զոր դուք

'ի ժողովրդականաց առնուք՝ և մեր  
 ձեզ թողեալ է . և եւս , զի ամե-  
 նայն պատիւդ ձեր հայի առ դի-  
 տուծիւն , և արժանաւորութեամբ  
 զկարգս եկեղեցւոյ ունել . և յոր-  
 դորել զժողովուրդն 'ի խրատ բարի  
 և 'ի պատկառանս , ամենայն հոգևոր  
 երկիւղածութեամբ :

Բ . Արդ բարձէք այսուհետև 'ի  
 ձէնջ զայգակիսի թշնամանս , զոր-  
 դիս 'ի դպրոց կալարուք , զի գի-  
 տունք լինիցին . ծաներո՞ւք զի որպէս  
 կուրուծիւն աչաց՝ ատելի է մար-  
 մնոյն , նոյնպէս և տգիտուծիւն ոգ-  
 ւոյ՝ ատելի է Աստուծոյ , մանաւանդ  
 քահանայից . լուսք 'ի մարգարէէն՝  
 որպէս Եզեկիէլ գոչէ հոգւով սրբ-  
 բով և ասէ , թէ « Ո՛վ հովիւ տարա-  
 պարտ արօտ , որ թողի զխաշինս իմ՝  
 յաջ բազուկ քո և յաջ ակն քո » :  
 Այլ զի մի լուսնուք զնորին պատու-  
 հասն , այլ օրինակ ճշմարիտ կացու-  
 ցէք զանձինս ձեր ժողովրդականաց՝  
 ամենայն պարկէշտութեամբ աղօ-  
 թից և պահոց անձանձրոյթ հոգ-  
 տանել և 'ի թիտ առնուլ զասացեալսն

ի Մաղաքիայէ , թէ « Շրթունք  
քահանային գիտութեան զգուշա-  
ցին . զի օրէնք հարցանին ՚ի բերա-  
նոյ նորա . քանզի հրեշտակ է հզօրի  
Աստուծոյ » :

Գ . Զամառն՝ գլխաւոր քահա-  
նայն հանապազօրգեալ յեկեղեց-  
ւոջն կացցէ , և այլ ընկերքն շաբա-  
թուք առ նմա փոխանակաւ կաց-  
ցեն . զի պաշտամունքն տունջեան և  
գիշերոյ մի խափանեացին , վասն զի  
այդ է գործ մշակութեան և նոյն  
պատիւ :

Դ . Մկրտութիւն առնել երկիր-  
ղածութեամբ , և կանայք ՚ի ժամ  
մկրտութեան մերձ առ քահանայն  
մի իշխեսցեն կալ , որպէս սովորե-  
ցան ոմանք առնել յանդգնաբար  
և մկրտել ընդ նոսա . այլ ՚ի տեղւոջ  
խրեանց աղօթեսցեն :

Ե . Եւ սարկաւագունք՝ մկրտու-  
թիւն մի իշխեսցեն առնել . ապա  
թէ արասցեն , լուծեալ լինիցին ՚ի  
սարկաւագութենէն հանդերձ պա-  
տուհասիւ . զի ոչ է սարկաւագն  
քահանայ , այլ սպասաւոր քահա-  
նային :

2. Եւ պատարագացն երախայ-  
րիք 'ի գլխաւոր քահանային տունն  
երթիցէ յամենայն ժողովրդակա-  
նաց, և երէց եղբայրք և այլ ընկերք  
նոցա մի իշխեսցեն 'ի տունս իւրեանց  
առնուլ պատարագիք, թէպէտ և  
քահանայք իցեն. եթէ իցէ ոք որ  
առցէ 'ի տուն իւր՝ ընդ սրատուհա-  
սիւ լիցին, և գիտացեն զի 'ի մէնջ  
հատուցումն ընդունին արժանի ըս-  
տունկանութեան իւրեանց:

Է. Եւ գլխաւոր քահանայն վասն  
հանապազորդ յեկեղեցւոյն 'ի գործ-  
կալ՝ երկու երրորդ աւելի առցէ  
քան զընկերս իւր, թէ գեւղն մեծ  
իցէ:

Ը. Եւ յամենայն տեղեաց մերոց  
իշխանութեանց յամենայն ամի ըզ-  
կնի սրբոյ զատկին, զեւղ մկրտու-  
թեան հարկաւորութեամբ բերցեն  
առ մեզ քահանայք, և աստի 'ի  
մէնջ ընկալցին զօրհնութի իւղոյն,  
և անձամբ մի օրհնեսցեն 'ի տունս  
իւրեանց, որպէս սովորեցին ոմանք  
'ի տգիտութենէ, վասն զի ոչ է իշ-  
խանութիւն այդ քահանայից, այլ  
եպիսկոպոսասպետաց:

Թ . Եւ լսեմք թէ եկեղեցւոյ սպաս մտնաւանդ զվարագոյր 'ի հարսանիս առագաստի փեսայի և հարսին , և զսկիհն 'ի գինըմպելիս յանօթս տան զինուորաց , վասն որոյ արժան է զքահանայն զայն խլել 'ի կարգէն իւրմէ վասն այդպիսի խառնակ և չար գործոց , զոր յայտմ հետէ այլ մի ոք իշխեսցէ առնել . իսկ եթէ ոք դացի արարեալ , լուծեալ լիցի 'ի քահանայութենէն , ամենեին անմասն 'ի թողութենէ :

Ժ . Քահանայ այր՝ և որ 'ի քահանայական ժառանգութենէ ժողովրդակալք իցեն յազատաց տունս՝ իշխանի տունս դայեկութիւն և այլ գործակալութիւն մի իշխեսցեն առնել , զի այնու պատճառաւ զըրկեալ նեղեն զժառանգակիցս իւրեանց՝ յորում դասն բազումք պարտաւորեալք . ապա թէ իցէ ոք որ յանդգնեսցի առնել , 'ի կարգէն իւրմէ դադարեալ լիցի . և ժողովրդեան և եկեղեցւոյ բաժնի իշխան մի լիցի , և ընկերք իւր ընդ նմա հաղորդել մի իշխեսցեն , և ժողովրդ

դահանք զայնպիսին առ քահանայս  
մի իշխեսցեն ունել :

ԺԵ . Տգէա երէց եղբայրք՝ Ժողո-  
վորդ մի իշխեսցեն ունել . երկկա-  
նայք երէց եղբայրք՝ ընդ զինուորս  
կացցեն որոշեալ ամենևին յեկեղե-  
ցականաց և ՚ի մասնէ եկեղեցւոյն .  
վասն զի եղեն մարմնասէրք :

ԺԶ . Եւ որպէս եղև անառակ սո-  
վորութիւն քահանայից և նոցին  
կանանց՝ գերեզմանս առ եկեղեցիս  
առնել ՚ի տեղիսն սրբութեան ,  
յայսմ հետէ յառաջ՝ մի իշխեսցեն  
առնել . այլ ՚ի Ժողովրդականացն  
հանգստարանս եղևցին և քահա-  
նայիցն հանգստարանք , զի սրբու-  
թեան տեղին պարկեշտութեամբ  
պատուեսցի :

ԺԷ . Եւ արտաքոյ եկեղեցւոյ քա-  
հանայք մի իշխեսցեն օրէնս ՚ի տունս  
շինականաց տանիլ , և անդ տալ  
զսրբութիւն՝ բայց միայն հիւան-  
դաց :

ԺԸ . Ուսուցէք և զԺողովրդա-  
կանս յամենայն անառակութենէ ՚ի  
բաց փախչել . յորիորստութենէ ,

յարբեցուծենէ, 'ի հակառակու-  
 թենէ, 'ի զրկելոյ զաղքատս և  
 զընկերս իւրեանց . մի՛ կռուողս մի՛  
 հարկանողս մի՛ չարասէրս : Ատես-  
 ցեն զնացողս, զգողս, զպռունիկս,  
 զաւաղակս . ամենեկին մի՛ հաղորդես-  
 ցին և մի՛ ասանջական լինիցին այն-  
 պիսեացն, զի մի՛ եղիցին և ինքեանք  
 ընդ նոսին որդիք կորստեան : Չման-  
 կունս իւրեանց սնուցեն երկիւղիւ  
 խրատու պատուիրանացն Աստու-  
 ծոյ . զի այսպիսի զգուշուծեամբ բա-  
 րի յոյս ոգւոյ իւրեանց եղիցի առ  
 Աստուած, և բարեչաւուծիւն մար-  
 մնոյ ամենայն առողջութեամբ զար-  
 դարեացի :

ԺԾ . Պատուէր արարէք նոցա, զի  
 աղայոց կանայս մի՛ խօսեացին, և մի՛  
 կատարելոցն՝ առանց զիրեարս տե-  
 սանելոյ միմեանց հաճութեամբ . և  
 դուք քահանայք, տղայոց ամենեկին  
 խկ պսակ մի՛ օրհնէք մինչև 'ի կա-  
 տարումն հասակի : Իսկ կատարե-  
 լոցն որոց զմիմեանս չիցէ տեսեալ 'ի  
 հաճոյս իւրեանց, պսակ մի՛ իշխէք  
 դնել առանց քննութեան և զնոսին

ինքեանս հարցանելոյ . դուցէ բռնա-  
դատութեամբ ծնողացն ակամայ  
հաւանեալք իցեն , և զայնպիսի  
հարսանիքն մի իշխէք յանձն առ-  
նուլ , զի մինչև ցայսօր յայդպիսի  
անկարգութենէ բազում վնասք  
գնացին յաշխարհի՝ հողևոր և մար-  
մնաւոր :

ԺԶ . Աստ թէ լսեմ՝ թէ ոք 'ի  
քահանայից յանդգնի , և արտաքոյ  
մերոյ հրամանի այնպիսեացն սուսկ  
օրհնեսցէ , գիտասցէ զի քահանայն  
սպառուհաս կրէ ըստ օրինակի վնա-  
սակարացն , և ծնողքն ոչ անսարս  
լինին 'ի սպառուհասէ :

ԺԷ . Քահանայք միաբան կատա-  
րեսցեն զսաշտօնն և զստարագ-  
ագասպացն . առանց աւետարան  
կարգալոյ մի՛ իշխեսցեն քահանայքն  
մատուցանել . աստ թէ գացի ոք 'ի  
նոցանէ յօրկորստութեան՝ յառաջ  
քան զստարագն , 'ի ստարագին  
հացն մի իշխեսցէ երթալ , և յն-  
կերաց իւրոյ որոշեալ կացցէ :

ԺԸ . Նոյնպէս և շինականք որ  
յադասլան հրաւիրեցան՝ սաշտաման

և պատարագի հաղորդեացին . յառաջ քան զպատարագն մի իշխեսցեն ՚ի տունս իւրեանց ուտել և ըմպել : Եթէ իցէ ոք որ յառաջագոյն կերիցէ և արբցէ ՚ի տան իւրում, ՚ի հաց պատարագին մի իշխեսցէ երթալ, զի մի եղիցի դատասարտութիանն և թշնամանք հոգևոր տոնին . զի խեղաբարութիւնն այն՝ ունայն իսկ է : Եթէ ոք յանդգնեացի դալ՝ քահանայքն և ընկերք իւր մի թողցեն ՚ի ներքս, զի ատելի է եկեղեցւոյ այնպիսի անառակութիւն :

ԺԹ . Եւ որք սովորեցին տգիտութեան զանչել ժողովրդականք՝ որք զպատարագի\* կաշի և զճրագու բաժանեն ը քահանայս, և յիւրեանց տունս տանին պատճառաւ վանաց, յայտմ հետէ յառաջ՝ մի իշխեսցեն բաժանել, ասպա թէ իցէ ոք որ բաժանիցէ՝ քահանայքն զպատարագն մի մատուցեն, զի մի մեղացն այնպիսւոյն հաղորդեացի . քանզի ոչ է բա-

\* Անարկէ յագասն նախնի հաւատացիոց, եթէ աստ և եթէ ՚ի յետագայն . որ արդ պատշաճապէս խախտեալ է ըստ իրին և ըստ զեղծմանցն :

Ժինն այն բարի արարողաց պատարագին :

Ի • Զպտուղս զնախնեաց կարգեալս՝ և զամենայն ընծայս ուխտից զատկաց և ագասպաց և զայլոց տօնից՝ Ժողովրդականք սիրով և լրջմտութե՛ս հատուցեն յեկեղեցիս և ՚ի վանս որպէս օրէն է, զոգւոյ և զմարմնոյ պատճառս կենդանուէ մի արգելեալ միակեսցեն և խամփանեսցին ՚ի կենացն ոգւոյ : Իսկ եթէ ոք կամակորուք աստամբեալ յիւրմէ քահանայէն և ՚ի վանաց՝ արտաքոյ իւրոյ եկեղեցւոյն ՚ի վանս ուրեք կամ յանապատս զպտուղս և զպատարագս մատուցէ՝ այնպիսին ինքն և ընդհողքն հեռի լիցին յօրհնուէ և ՚ի հաղորդուէ ընկերացն, հանդերձ ընտանեօք, մինչև ասլաշխարեսցէ և տուԺեսցի տուգանս յեկեղեցւոյ, վնդի եղևպատուիրանազանց և անճամարտ :

ԻԱ • Գինըմպելիս ՚ի լալիս մի արացեն, աշխար ՚ի վերայ մեռելայն մի ոք առցէ, քանզի գիււական են ամենայն այդպիսի իրք • ասլաթէ իցէ ոք որ անհնազանդեալ ա-

րասցէ՛ պարտական եղիցի ապաշխարութեան առ դուրս սուրբ եկեղեցոյն :

ԻԲ . Եւ քահանայք զգուշացին զյանցուցեալն միաբան առնել արտաքոյ եկեղեցոյ , և մի խրոխա և ՚ի հակառակութիւն ընդդմանալ միմեանց և անարգել անձամբ զանձինս , այլ խաղաղութիւն եղիցի ձեզ յամենայն ժամ սիրելի և գործակից :

ԻԴ . Յիշեցուցանեմ և ձեզ կրօնասէր վանականաց ամենեցուն , վասն զի հրաժարեալ էք ՚ի կենաց երկրաւորաց , և պարապեալ Աստուծոյ և աստուածայնոցն . զի նմանեացէ անուանդ խոստովանութեան և գործքդ . և եղիցի ձեզ սիրելի՛ պարկեշտութիւն , արթնութիւն , պաշտօնասիրութիւն , նմանութիւն բերել յանձինս հրեշտակական վարուց , օտարսիրութիւն և եղբայրսիրութիւն :

ՍՐԲՈՅՆ ՍՍ.ՀՍ.ԿՍ.Յ

Թե որպէս սահմանեցաւ կարգ  
 ուխտի և որոշման փակաց .

Ս . Քանզի բազումք կարծեցին  
 ագիտութեամբ այլ զոմն եկեղեցի  
 ասել և այլ զոմն վանս , և տխար  
 բանիւք իւրեանց կամեցան կռիւս և  
 հերձուածս մուծանել 'ի միաբա-  
 նութիւն հաւատոյ , և մոռացան ըզ-  
 պատուիրանին բանն որ ասէ . Մի  
 տէր , մի հաւատք , մի մկրտութիւն .  
 զի որ այլ և այլ կամի ասել՝ յայտ-  
 նասպէս և զհաւատոցն ցուցանէ ըզ-  
 բաժանումն . քանզի եկեղեցի մեզ  
 ոչ ցուցանէ պատուիրանն Աստու-  
 ծոյ որ 'ի քարանց և 'ի փայտից է  
 շինեալ , այլ զհաւատով շինեալ  
 զազգս մարդկան 'ի վերայ վիմին

Հաստատութեան . ապա ուրեմն  
 ճշմարիտ հաւատն է եկեղեցի , որ  
 դումարէ և շինէ զմեզ 'ի մի միաբա-  
 նութիւն դիտութեան որդւոյն Աս-  
 տուծոյ . զի նոյն ինքն կենդանա-  
 րարն ուսուցանէ՝ ասելով ցՊե-  
 արոս . « Դու ես վէմ , և 'ի վերայ  
 այդր վիմի շինեցից զեկեղեցի իմ ,  
 և դրունք դժոխոց զքեզ մի յաղ-  
 թահարեսցեն » : Արդ զինչ խմա-  
 նայցեմք զասելն ցՊեարոս վէմ .  
 մի՛թէ որպէս զմի ոք 'ի քարանց ,  
 քաւ լիցի . այլ մարդ բանաւոր ,  
 գլուխ առաքելական դասուն , և զի  
 անդրդուելի հաւատովք խոստովա-  
 նեաց զՔրիստոս որդի Աստուծոյ ,  
 երանութիւն ընկալաւ և վէմ ա-  
 նուանեցաւ : Ապա ուրեմն և շի-  
 նեալքն 'ի վերայ նորա չեն քարինք  
 անշունչք , այլ մարդիկ՝ նորին հա-  
 ւատոյ հաղորդակիցք : Քանզի ոչ  
 դանդաղին գիրք սովին անուամբ  
 ձայնել զտէր մեր և փրկիչ երբէք  
 երբէք ըստ պիտոյից . յիշատակէ  
 ահա և երանելին Պաւղոս զանուն  
 եկեղեցւոյ ասելով . « Զորս եդ Աս-

տուած յեկեղեցւոջ՝ այս են . նախ  
զառաքեալս , երկրորդ զմարգարէս ,  
երրորդ զվարդապետս , և որ 'ի  
կարգին է :

Բ . Տեսանէս զյարմարումն և ըզ-  
բարձրութիւն եկեղեցւոյ . զսուրբ  
և զամբիծ հաւատոցն ասեմ , որոյ  
առաքեալք և մարգարէք և վար-  
դապետք են նաւավարք , ունելով  
նաւապետ զմարմնացեալ բանն Աս-  
տուած . և զնա իսկապէս խոստովա-  
նիմք ասել մայր եկեղեցի 'ի Քրիս-  
տոս հաւատացելոց . քանզի օրէն է  
նաւի զամենայն յինքն ամփոփելով  
ցամաքաթև յամենայն աշխարհա-  
կան ծփանաց կարող լինել ապրե-  
ցուցանել . բայց միայն աներկևան  
սրահեցուք զհաւատս՝ որով շինե-  
ցաք բանաւոր և մտաւոր եկեղեցի  
'ի վերայ հիման առաքելոց և մար-  
գարէից :

Այսմ եկեղեցւոյ՝ ուսուցանէ  
Տիմոթեայ խնամ ունել , երանելի  
առաքեալն , սիւն և հաստատու-  
թիւն ճշմարտութեան անուանե-  
լով . յայտնի է , ասէ , 'ի նմա խոր-

հուրդն աստուածսպաշտութեան . և  
 յիրաւի՝ մանաւանդ թէ ճշմարիտ  
 իսկ . զի ոչ են բաւական ձայնաւոր  
 կամ անշունչ արարածք յայանել  
 զխորհուրդ աստուածսպաշտութե ,  
 այլ միայն բանաւոր եկեղեցիա :  
 Ասան այսորիկ և սաղմոսն բարձրա-  
 ձայն գոչէ թէ « Օրհնութիւն նմա  
 յեկեղեցիս սրբոց » : Ահա և Սա-  
 մուէլ մարգարէ որ հաւատարիմն  
 կոչեցաւ՝ զնոյն ուսուցանէ ՚ի սա-  
 տուիրելն իւրում Սաւուղայ . « Ի-  
 բրև գնասցես յինէն՝ հանդիպեսցիս  
 եկեղեցւոյ պարու մարգարէից մար-  
 գարէացելոց » : Եւ դարձեալ թէ  
 « Եկեղեցացաւ ժողովուրդն ՚ի Դա-  
 նայ մինչև ցԲերսաբէէ իբրև զայր  
 մի » . և դարձեալ ասէ . « Ահա ե-  
 կեղեցի մարգարէից մարգարէացե-  
 լոց , և Սամուէլ կայր ՚ի վերայ նո-  
 ցա » : Եւ օրհնեաց Սողոմոնն զեկեղե-  
 ցին , և լու եղև բանս այս յականջս  
 եկեղեցւոյն . և եկեղեցիքն հաստա-  
 տէին ՚ի հաւատս , և լուար զպատ-  
 դամս զայս ՚ի միջոյ հրոյ յաւուրն  
 եկեղեցւոյ . քանզի զեկեղեցի արար

գլուխ մարգարէիցն Մովսէս զցեղսն  
Խորայելի հրամանաւ Աստուծոյ .  
“ Եկեղեցացո՛ւ , ասէ , զժողովուրդն  
'ի դուռն խորանին վկայութեան , , :

Տեսանէ՞ս զի ոչ էթէ զխորանն  
կոչեաց եկեղեցի , յորում կայր  
արկոն կտակարանաց , և մեւս խո-  
րանն որ կոչէր սրբութիւն սրբու-  
թեանց , այլ զհաւատացեալ ժողո-  
վուրդն կոչէ եկեղեցի : Ասան այսո-  
րիկ ևս առաւել բարձրագոյն և ա-  
ռաքեալն Պաւղոս նորագոյնս իմն և  
յաւէտ հրաշալիս . քանզի ցուցանէ  
զեկեղեցի անգրանկաց գրեւոյ ոչ  
յերկրի՝ այլ յերկինս . որոց ա-  
նուանքն գրեալ են 'ի գալրու-  
թիւն կենաց :

Տեսե՞ր զճշմարիտ հիմն եկեղեց-  
ւոյ . վասն որոյ փրկիչն ասաց խնդալ  
զառաքեալսն , թէ “ Խնդացէ՛ք զի  
անուանք ձեր գրեալ են 'ի գալրու-  
թեան կենաց , , և զանասպական՝  
որ սկիզբն կալաւ շինելոյ յերկրի՝  
որ անցանելոյ է , և աւարտեցաւ 'ի  
կատարս բարձրութեան երկնից :

Այս է խորհուրդն եկեղեցւոյ .



արհամարհել ինչ ուսուցանեմք ըզ-  
 շինուածովք սլատուեալ տեղիան ,  
 որ անուանին ժողովսդանոցք . քան  
 զի 'ի նս ժողովին քահանայք և ման-  
 կունք ուխտի և պաշտօնեայք ԱՅ՝  
 կատարել զաղօթս և զխնդրուածս ,  
 վնյ և աղօթարանք կոչին և սրբա-  
 րանք . և հաստատեալ կայ 'ի նոսա  
 տէրունական սեղանն յորոյ վերայ  
 զհացն և զգինին սլատարագեմք ,  
 յօրինակ \* կենդանարար մարմնոյ և  
 արեանն Քնի , որ միշտ անձախասպէս  
 բաշխի 'ի մեզ 'ի քաւուի և 'ի թողու-  
 թի մեզաց . և 'ի նոսա կայ ուղղեալ  
 աւազան մկրտուի . որով լուսաւո-  
 րեալ վերստին ծննդեամք հոգւովն  
 սրբով , դրոշմիմք 'ի յոյս կենացն  
 յաւիտենականաց . և հանասլաղ  
 անդր դումարելով լսեմք սաղմոսեր-  
 դութիս և զպատգամս սլատուիրա-  
 նացն ԱՅ . և զի միշտ անդր ժողո-  
 վիմք , և ասպաւէն ասլաստանի է մեզ ,

\* Օրինակ նշանակէ աստ խորհուրդ իբր յարացոյց  
 և խկութիւն իբն , այս ինչն սլատարագին Քրիստո-  
 սի . որպէս և Հարք Յունաց 'ի կիր աւին 'ի այն մտտ  
 զ. ΤΥΠΟΣ որ է ախպ կամ օրինակ : Յօրմէ արդ-  
 զգուշալի է , վասն նորազանդից կամակորելոյ զայն 'ի  
 մկար միտս :

ղամենայն ասացեալս 'ի նմա կատարելով, սովորութիւն եղև եկեղեցի անուանել յարանուհաբար և ոչ բնաւորապէս :

Եւ քանզի բազումք այսպէս կան վկայարանք՝ ուրեք ուրեք յանուանէն ճանաչեմք եթէ համանուն նոցա են շինեալք . այլ ոչ եթէ ինքեանք իսկ յորոյ անուն շինեցան . և մի սլատիւ է ամենեցուն զի մի խորհուրդ կատարի . քանզի սեղանն ամենայն ուրեք տէրունական ասի և սլատարագն . բայց միայն տօնիւքն զանազանին . զի իւրաքանչիւր տեղւոջ սովորութիւն է կատարել ըզկարգ տօնիցն :

Դ . Արդ արժանաւոր է զառաջին ճառ բանին յիշատակել՝ թէ որպէս կամ յի՛նչ սլատճառս շինեցան վանք . քանզի այսմ ոչ եթէ հայոց միայն ազգս կալաւ փոյթ յանձին , այլ և Յոյնք , և Հռոմք , և Ասորիք , և այլ ամենայն ազգ 'ի Քրիստոս հաւատացելոց . զոր և երկցս երանեալն քաջ նահատակն Քրիստոսի Գրիգորիոս՝ կատարեաց

չնորհելով նմա 'ի հողւոյն սրբոյ զօգուտ մատակարարութիւնն : Քանզի բազմապատիկ օգտի է առիթ և սիւն հաստատութեան ճշմարտութեան ուխտի մանկանց, զի փայփայէ և թեւակոխէ 'ի հրահանգս հողւորս, և զորս ամենեցուն քահանայից և ժողովրդականաց պարս է յարգել և մեծարել զվարդապետս, և միանգամայն իսկ զամենայն պաշտօնեայս ուխտի՝ որ աւանց տարակուսանաց անդր մտանեն յրնդունելութեան կամաւորական :

Այսպէս յստորիկ և գիպողագոյն եղաւ անուն վանք . զի անտրտում որոյ պիտոյ է տացին, և ոչ միայն առօտարս է օգուտ նոցա յաճախեալ այլ առաւել ևս գեղջն յորում շինեցաւ . քանզի օրէն է նոցա սպիտակել զհիւանդս և մխիթարել ըզսգաւորս : Եւ որք ամուսնութեան են պարապեալք քահանայք՝ բազում անգամ պատաղին 'ի մշակութիւն, և կանանց իւրեանց հնարին լինել հաճոյ, որպէս առաքելական

խակ ճշմարիտ է բան . իսկ 'ի վաներն  
բնակեալքն կուսուլթեամբ են սար-  
կեշտացեալք՝ միշտ մարտնչելով ընդ  
ախախն զոր բնուլթիւնն վառեալ  
բորբոքէ . և անյապաղ զսաշտօնն  
կատարեն և զկարգ . զնազաղու-  
լթիւն խնդրելով ամենայն աշխար-  
հի , և զգեղձն շինուլթիւն և զառող-  
ջուլթիւն 'ի տուէ և 'ի գիշերի ամե-  
նայն արթնուլթեամբ : Ասան այսո-  
րիկազատ յամենայն հարկասպահանջ  
իշխանաց՝ սահմանս ընկալաւ և  
անդս , և զերիցագոյն պատիւ ժա-  
ռանգեաց յուխտի սրբուլթեան ե-  
կեղեցւոյ :

Ե . Արդ ամաչեացեն որք յան-  
դրդնեցան տխմարուլթիւն և անդգա-  
մուլթեամբ իւրեանց այլ զոմն ասել  
զեկեղեցի , և այլ զվանս . քանզի  
յայանի եղև անբաժանելի միու-  
լթիւն անդամոց եկեղեցւոյ 'ի Քրիս-  
տոս հաւատացելոց . « Զի անգամբ  
եմբ միմեանց 'ի շինուլթիւն հաւա-  
տոց սիրովն Աստուծոյ » : Նոյնպէս  
և ժողովորդանոցք և մատրուիք՝ զոր  
սովորուլթիւն եղև 'ի վաղնջուց հե-

տէ կոչել եկեղեցիս . թէպէտ և բազում է ըստ գիւղից գիւղից և քաղաքաց քաղաքաց , սակայն ոչ էն բազումք 'ի բազումս բաժանեալ . այլ մի և նոյն խորհուրդ կատարի յամենեւին . և ըստ խորհրդոցն ոչ ասի ոմն մեծ 'ի նոսա և ոմն փոքր , այլ ըստ աստիճանին իշխանութե . և այնպէս յարմարեալ , և բազում փութով պարտ է 'ի նմին մշտնջե նաւորել . քանզի ոչ էթէ 'ի մարդկային կարծեաց է ճառեցեալ սահմանագրութիւնս , այլ յաստուածաշունչ գրոց երկրորդեցաւ 'ի մէջ բացորոշաբար . և որ հակառակն կան , ոչ մարդկան՝ այլ Աստուծոյ հրամանին կան հակառակ . և որ կամին կալ հակառակ՝ անձանց դատաստան ընդունին :

2 . Արդ պարտ է մեզ զհատուցումն շնորհից սահմանագրելով հաստատել յայտարարութեամբ՝ թէ ո՞րպէս պարտ է հատուցանել 'ի վանս և կամ ամուսնացելոց քահանայից : Տօն սրբոյն Յովհաննու Մըկրրոջին և վկայի , զոր նախահար-

գեաց առաքեալն և խոստովանողն  
 Քրիստոսի, և հայր վերստին նորոգ-  
 ման բոլոր հայաստան աշխարհիս  
 Գրիգորիոս՝ ՚ի վանս, զի ուխտա-  
 դրութեան սրահօք հաստատեցաւ,  
 և որ ինչ միանգամ այլ ուխտք են  
 ՚ի վանս կատարեսցին. և շաբաթք,  
 և պահք, և ծովք՝ զի ուխտից են  
 կատարմունք, զի ուխտաւորեալ են  
 բնակիչք, շնորհիւ ուխտին կերա-  
 կրեսցին: Եւ տօն ամենայն մարտի-  
 րոսաց զոր մատրունս կոչեմք: Ար-  
 դավառին մատաղենիքն միայն սլը-  
 տուղ յամենայն արմտեաց քոռ. քոռ.  
 ՚ի ժողովրդականաց և յամուսնացե-  
 լոց քահանայից յառաջին արմտեաց  
 այս ինքն յընտրոցն. զի զեղցին կալք  
 ցորենոյ և հնձանք գինւոյ և իւղոյ,  
 և մի՛ ՚ի վատթարացն իբրև զՎային,  
 գուցէ զնորին լուիցուք զպատուհաս:  
 Տօն սրբոյ յայտնութեան և քառաս-  
 նորդք նորա, և տեառն ընդառաջն,  
 և առաջաւոր սրահօցն կատարումն:  
 Տօն միջնոց քառասնորդացն զատ-  
 կի, օր Ղազարու, մեծ հինգշաբա-  
 թի զատկին, յորում կենարարն

մեր աւանդեաց աշակերտացն զխորհուրդս նորոյ ուխտիս : Երկուշաբաթի զատկին ընծայիւք և հաճոյալատար օժտիւք դիր զատկին . տօն համբառնալոյ տեառն յերկինս . տօն վախճանելոյն յերա հրօտից ամսոյ : Այսոքիկ տօնք 'ի վանս ուխտաւորեալ տեղիսն երթիցէ նախանն հանասլաղ . զի կերիցեն սաշտօնեայք տեղւոյն և հիւրք , զի քահանայից թէսլէտ և ամուսնացեալք իցեն և արեղայից և ամենայն ուխտի մանկանց չէ արժան 'ի շէնս օթել' այլ 'ի վանս . բայց եթէ ուր ոչն դուցեն : Եւ կողոպուտն վախճանելոյ տանուտերանց 'ի սաստէ և յաթուոյ , մինչև ցսնակ և ցդրգալ , և որ ինչ անձին զգեստն է մինչև ցկօշիկս և ցգօտի , և անկողինն՝ երթիցէ 'ի վանս . զի հանգիցեն 'ի վերայ նորա սյիր մտեալ հիւրքն և օրհնեսցեն :

Է . Ագապն որ մասնականաւ է՝ կէս կաշոյն երթիցէ 'ի վանսն , և երկու մասունք ճրագուին . իսկ քահանայիցն բովանդակն , և ոչխարին

մորթն , և դմակն անդամովն , և ճրագուն և խախացոցն . և պանդուխտք որ 'ի տունս քահանայիցն են և նոցին եղբարցն՝ նոյնպէս տացեն , և զամենայն պատարագս հասարակաց՝ կերիցեն պաշտօնեայք բազում մեծարանօք , և եղբարք հաւատացեալք . և զհաց տօնին որ էանցն առ հասարակ՝ կերիցեն ամենայն պաշտօնեայք , նոյնպէս և ըզհաց ապաշխարողացն զոր յաւուրս քառանորդացն առնեն հանգիստ՝ շաբաթու կամ կիւրակէի :

Ը . Բայց պատարագն որ 'ի վանս կատարին , երախայրիքն , եթէ առնապատ իցէ՝ գեւղջն անդր տացեն . ապա թէ ոչ՝ ամուսնացելոց քահանայիցն տացեն . քանզի չէօրէն ումէք զհասն տեառն 'ի յարկ յիւրում տանն թողուլ : Եւ ամուսնացելոց քահանայիցն եղիցին տօնք շաբաթն զաակին , և զատիկն սուրբ , և երկրորդ զատիկն , և յերկրորդ զատիկէն 'ի վեր կիւրակէքն ամենայն , և տօն սրբոյ աստուածածնին և վարդավառին , բաց 'ի մատաղենեացն ,

որ է կատարումն քառասնորդացն  
 առաքելական տօնիցն հաւատացե-  
 լոց զատկին , և զպտուղ յամենայն  
 արմտեաց քոռ քոռ , և սրատարագք  
 որ մասնականաւ են կէս կաշոյն և  
 ճրագուին զերկու մասունս 'ի վանս  
 թողլով զսաշաման և զլուցմանն ,  
 զմին տարցին զլուցման մասն , և որ  
 ոչխարաւ է դմակն անգամովն և  
 ճրագուն , և խախացոցն , և մորթն .  
 և զգեսսան միայն տանախկնացն վախ-  
 ճանեւոց : Եւ տօնք բարեկենդանին  
 և ողորմեանն մեծ՝ որ թարգմանի  
 բարեբանեալ օր , և թէ այլ տօն դք  
 կատարեսցէ յանուն առաքելոց և  
 մարգարէից , հասարակաց եղիցի .  
 զի այնպէս աներկեան և առանց  
 հակառակութե սաշտօնեիցն կաց-  
 ցեն դասք , դիտելով որովմ շնորհ  
 հի արժանաւորք եղեն . զի սար-  
 կեշտութեամբ և ուսումնասիրու-  
 թեամբ վարեսցին , և մի եղի-  
 ցին բանակութիւք , այլ սիրունք ար-  
 թունք և զուարթունք յամենայնի .  
 զի բաւական լիցին խրատել զստա-  
 հական , և զյուլացեալսն ածել 'ի

կարգ հաւատոց . քանզի այդ գործ-  
է վարդապետի և հոգևոր հովուի :

### Յիշատակարան Գրչի

Այս սահմանագրութիւն կար-  
դաց գրեցաւ հրամանաւ սրբոյն Սա-  
հակայ մեծ հայրապետին հայաս-  
տան աշխարհի , ընկալեալ 'ի քաջ  
նահատակէն 'ի տեառնէն Գրիգորէ՝  
թարգմանեցաւ միայն Յունէ 'ի  
հայս : Արդ եթէ որ անհնազան-  
դեալ կանոնիս նորաձևել կամեցի  
ղկարդեալ սահմանագրութիւնս ,  
մի ընկալցի մասն և վիճակ ժառան-  
գութեան յարքայութեան Քրիս-  
տոսի Աստուծոյ մերոյ . և որ ոք միա-  
բանեալ կատարեսցէ՝ ընկալցի զոր-  
հնութիւն 'ի տեառնէ՝ հաղորդե-  
լով սլարդեացն և անվախճան հան-  
դրատեանն երջանկին Գրիգորի և  
հօր մերոյ Սահակայ , և նոցին հե-  
տևելոց ճշմարիտ ուղղափառու-  
թեանց , որ 'ի մեծ և յերևելի ա-

ւուրն էն պատկէլոց յամենաբաւա-  
 հան աջոյն՝ անթարգմանելի պայծա-  
 րութեամբ մշտնջենաւորեալք յա-  
 լիտեան, և յալիտեանս յալիտե-  
 անից . Ամէն :



Թե՛ նրպէս պարտ է եպիսկոպոսաց պահել զգրանձս եկեղեցւոյ, կամ որոց նրպէս մատու կարարել .

Յ. Նաւահանդիստ է ամենեցուն, տաճար աղօթից և տեղի խընդրուածոց մերոց, զոր յարանուանարար եկեղեցի սովոր եմք կոչել. ունելով յինքեան նաւապետ կարապետութեան զտեսուչ եպիսկոպոսն. զի խնամոտ և արդիւնակատար կամօք անշարժ ունիցի զսահման իւրոյ կարգին. վասն այսորիկ առ հասարակ ՚ի Քրիստոս հաւասացեալք ասաւէն ասպատանի ունին զսուրբ եկեղեցի. զի արդարոց է նաւահանդիստ, և տեղի յուսոյ վրկութեան մերոյ, և իւրաքանչիւր ոք փութայ սրտի յօժարութեամբ

զուխտս և զպատարագս և զընծայս  
իւր մատուցանել :

Բ . Իշխանք զգեւղս և զդաստա-  
կերտս և զգանձս ոսկւոյ և արծա-  
թոյ , այլք յանդաստանաց և 'ի  
սլաճարաց և 'ի հանդերձից սլա-  
տուականաց , ոմանք վասն անձանց  
փրկութեան , կէսք յաղագս սիրե-  
լեաց և ծնողաց , և զվախճանելոց  
հատուցանել զհատուցումն , զարդ-  
և սլայծառութիւն կազմելով հոգ-  
ւոց և մարմնոց . քանզի անսայթաք  
յորդորութեամբ տէրունականն  
բան զգուշացուցանէ ծառայից և  
սլատուիրանասլահաց իւրոց , թէ  
« Գանձիցէք ձեզ գանձս յերկինս ,  
ուր ոչ ցեց և ուտիճ ասլականեն , և  
ոչ գողք ական հատանեն և գողա-  
նան » . և եթէ « Գատարկաձեռն  
ամենեկին մի երևեսցիս առաջի իմ » .  
չէն , ասէ , այգրէն յերկրիս իւրա-  
կան տուրքդ ձեր , այլ 'ի կատարս  
բարձրութեան երկնից յանսխալ և  
յանվրէպ գանձարանին :

Գ . Տեսանէս զի Աստուծոյ են  
ինչքն . քանզի իւր համարի զտուրան

մեր , և ոչ մարդոյ ումէք . բայց միայն  
 պահապան և վերահացու է և տե-  
 սուչ եպիսկոպոսն : Բազում զգու-  
 շութեան պէտք են եպիսկոպոսի  
 և երկիւղի . զի թէ ոք զմարդկան  
 աւանդս կամ զպարտս հոգան , և  
 աշխատութիւն կրեն , ըղձանալով  
 թէ երբ վճարիցեն , և դէպ լինիցի  
 փոքր ինչ ծախել՝ գիր առնեն և  
 վկայս կացուցանեն և երդումն , զի  
 մի երևեսցին թեւրքևգողք՝ ի գործս  
 իւրեանց : Իսկ Աստուած՝ որ քրն-  
 նիչ է խորհրդոց մերոց , և չիք ինչ  
 նմա ՚ի ծածուկ , այլ ամենայն ինչ  
 մերկապարանոց կայ առաջի աչաց  
 նորա , զինչ պատճառս և հնարս  
 հնարեսցի եպիսկոպոսն՝ յորժամ  
 զաւանդն արքունի՝ զգուշութեամբ  
 ոչ պահեսցէ , և ծախեսցէ այնոցիկ  
 որոց ոչ իցէ օրէն . այսպիսի ինչ  
 յորժամ աւելի զգեստիւք զինքն  
 սլծնիցէ և փերևետիցէ սիգութե և  
 փափկութեան պարապելով , և աղ-  
 քականացն զեղուցու և տացէ , և  
 զկատակսն պարարիցէ զօրէն իշ-  
 խանաց , և բարեկամս աննմանիս

յաճախիցէ , և շնորհուկս առնելով  
ճոխաց և մեծատանց տացէ , այն է  
չարաչար վտանել զարքունիան , և  
սլատոժոց լինել արժանի :

Դ . Առաքելական սլատոլոյ եղեր  
արժանի , սլարախիս և վարուց 'նորա  
'նմանել' որսէս և գիրք գործոց ա-  
ռաքելոցն վկայեն . « Բաշխէին ա-  
մենեցուն' ում զհարգ սխտոյ ինչ  
լինէր » : Ձի գանձ աստուածային  
որում տեսուչ և մատակարար կաղ-  
մեցար' նեղելոց , և որբոց , և այ-  
րեաց տուաւ ասպաւինութիւն , և  
եթէ միանգամայն ինչ աշխարհի  
վտանգ հասանիցէ . բայց յայլ իրս  
ամենևին չէ իշխանութիւն ծախել .  
զի յազադս հոգւոց փրկութեան  
տուան գանձքն :

Ե . Արդ եթէ ոք յայլանդակս  
ծախիցէ' ընդ սեղանակապուտան  
դատ տացէ յաւուրն դատաստանի ,  
և սլատիւն բարձցի 'ի նմանէ . զի  
թէ ժամանակաւոր թագաւորացս  
գործակալք յանիրաւ իրս ծախե-  
լով զարքունիան' սլատիժս կրեն և  
'ի սլատուոյն 'ի բաց անկանին , որ .

չափ ևս առաւել որք զաստուածայինսն վատնեսցեն յանուղղայս՝ կրեսցեն պատիժս աստ և ՚ի հանդերձելունս . և եթէ որ աչառիցէ այնպիսեացն թոյլ տալով՝ կցորդելիցի չարեաց գործոց նոցա :

2. Բայց և դու, ով մտացի հաւատացեալդ, որ յազագս մեղաց քոց փրկուածեան և ուխտից զտուրս քո տաս, զի ՚ի բաց ընկեսցես ըզժանրուծիւն մեղաց քոց, և զայլոց բազմաց նոյնպէս գիտիցես : Ընդէր աճապարես զընկեցեալ տաղտկալի բեռինսն այգրէն առնուլ : Վասն որոյ մարգարէն զսոյն իսկ ասաց՝ թէ « Որպէս բեռն ծանր ծանրացաւ ՚ի վերայ իմ » . և երանի թէ զքոյին իսկ զբեռն առնուիր, և ոչ զայլոցն, զի որչափ զառնուին յաճախես քան զտալն, զմեղացն քոց սաստկացուցանես զբեռինսն, զի զայլոցն ևս ընկեցեալս ՚ի վերայ քո մեծերես :

3. Յօրէնսն՝ և զընկերին զգրասան անկեալ ընդ բեռամբ՝ չհրամայեանես առնել, այլ յարուցանե-

լով յարուսցես, ասէ տէր, և դու զանձնդ գլորես անկանգնելի խորտակմամբ. զի թէ զայլ ոք տեսանէիր խորասկեալ, կամ անկեալ և բեկեալ, թերեւս ողորմէիր. և զքեզ անտես առնես. յափշտակես, զլահաս զորքոյն, զայրւոյն, զաղքատաց զվարձս, կողոսպտես զսեղանս, և դարչել սպտճառես ՚ի մեհենեաց :

Ը. Արդ քեզէն տուր զիրաւդ. ոչ ասպքէն մինչ տաս զտուրսն ՚ի տունն Աստուծոյ, այս է, զծանրութիւն մեղացն ընդ նմին հաւատաս ՚ի բաց ընկենուլ. և յուսաս յաւիտենական կենացն լինել արժանի: Ապա ուրեմն և առնուին հակառակ զնորին մեղացն զբեռինս այդրէն ՚ի քեզ կուտէ, և մշանջեանաւոր տանջանացն լինի առիթ. զինչ օգտիցէ այսպիսի շահ՝ որ զանձն իւր տուժէ և կորուսանէ, և ոչ գտանէ վիրկանս անձին իւրում. լուր աստուածային գրոցն և ուսիր բարեմտութեամբ, որոց վայելել հրամայէ այնու ընչիւք. «Սե-

զանոյն սլաշտօնեայք, ասէ, 'ի սե-  
զանոյ անտի վայելեն, : Եւ զինչ է  
կերակուրն . « Զմեզս ժողովրդեան  
խմոյ, ասէ, կերիցեն, : » . վասն այ-  
նորիկ ազգէ սլատրասաել թէ  
« Արիք, մինչ չև էք ննջեցեալք, որք  
ուտէք զհաց ցաւոց, : » :

Թ . Տեսանեն զզօրութիւն կերա-  
կրոյն . քանզի և այլուր յայանագոյն  
զգուշացուցանէ քեզ զսակնուլն  
հրաման տալով, թէ « Հպատակ կա-  
ցէք նոցա, զի նոքա տքնին վասն  
ոգւոց ձերոց, որպէս զի համարս  
տալոց են ընդ ձեր, : » : Արդ ընդէր  
զայսալիսի ծանրութիւն ձգես 'ի  
քեզ և զտոյժս անհնարինս, որ ըզ-  
կէս գիշերին թերևս արբեցութեան  
սլարաակիցես . թողում ասել զայլն  
եւս յորսացեալանկեալ սլարաակի-  
ցեն ընդ երկ թասելով և թառանջե-  
լովն, և 'ի սղտորութենէ որովայ-  
նին յորձանաց և սասաիկ գոլ-  
շեացն, որ և զձայն անգամ լսել  
զսլաշտման դժուարանաս, թող թէ  
հսկել և տքնութեան սլարաակել :

Ժ . Արդ որպէս թերի ես 'ի վաս-

տակոցն աշխատութենէ, հեռանալ  
պարտիս և ՚ի վարձուցն յավիշտա-  
կութենէ, և քոյովն շատանալ. դու-  
աւադիկ զանց արարեալ զճառե-  
ցելովք՝ որբոց, և այրեաց, և անան-  
կաց ևս քուքալ կամիս տալ զկնի-  
քո. քանզի յաղագս նոցա սպա-  
սաւորութեան է գանձն աստուա-  
ծային, որպէս վերագոյն ասացաք.  
զի նոքա մասնաւորեն. «զորբս և զայ-  
րիս ընդունի տէր». և եթէ «աչքն ու-  
րա ՚ի անանկս հային», և կարգայցեն  
առ իս և լուայց նոցա » :

ԺԵ. Արդ ընդէր և զնոսա եւս կա-  
ցուցանես քեզ ոսոխ, և չամաչես  
զտուրս զհացիկն թէ ունէիր առա-  
ջի քո՝ գարշէիր, թերես և անար-  
գանս համարէիր զառնուլն, և զինչն  
անխղճաբար կորդես, և ոչ կասկա-  
ծես թէ հաւասար է այս մուրոյ,  
ուր նոքա կողկողին զտառապանս և  
զնեղութիւնս և զվիշտս իւրեանց  
պատմելով. մինչև ցամաքին լեզուքն  
՚ի բերանս առ վտանդին. զվէրս և  
զխեղութիւնս մարմնոյ մերկացեալ  
ցուցանեն երթիթացեալք, բլրդ-

գլխալք գողան սարսուխն՝ զի գէթ  
այնպէս խուճն ինչ գտանել կարաւ  
ցեն ծածկոյթ առնել առականաց  
իւրեանց . և դու նանիր և դրուա-  
տեալ բանիւք զնոցայն շոպելով 'ի  
մուռացօնս կամիս դարձուցանել . զի  
փութաս այրի առնել զկին քո , և  
որք զորդիան , մուրող և թափառա-  
կան . զի կողկողին առ դուրս վատ-  
թարաց , և ասլա յիշեցէք զբանն  
տեառն Յիսուսի , թէ « երանելի է  
տալն մանաւանդ քան զառնուլն » :

ԺԲ . Վասն որոյ աղաչեմ և վկայ-  
ութիւն դնեմ առաջի Աստուծոյ և  
Յիսուսի Քրիստոսի որ դատելոց է  
զկենդանիս և զմեռեալս 'ի յայտնու-  
թեան իւրում և յարքայութեան ,  
զի մի ումեք եղիցի թերի գտանել 'ի  
մասինս յայսմիկ՝ զոր պատուէր տա-  
լով ուսուցաք զօգուտն հոգւոց և  
մարմնոց . և զի՛նչ օգուտ մեծագոյն  
քան զայս կացցէ կամ զուարճա-  
ցուցանող խնդութիւն , յորժամ  
եպիսկոպոսն ըստ Աստուծոյ հա-  
ճոյիցն խնամ տանիցի եկեղեցւոյն ,  
և դասք պաշտօնէից գովութեամբ

յորդորեալ զսաղմոսն գեղգեղե-  
 լով հնչեցուցանիցեն . և այլքն առ-  
 հասարակ գումարեալ փառս տա-  
 ցեն ամենայողթ տէրութեան , որք  
 և այրիք յանձանձեալք , աղքատք  
 խնամեալք , անանկք յաղահովա-  
 ցեալք : Այսպիսի կարգ լինի բա-  
 ւական բանալ զողորմութեան ըղ-  
 գրունս . երկինք անպարսպ լինելով  
 ցօղոյ , և երկիր ցորենոյ , գինւոյ և  
 իւղոյ , սրաճար անասնոց դալարա-  
 զարգութեամբ և բոլորովին իսկ ըղ-  
 ձալի կենցաղ իշխանաց և թագաւո-  
 րաց մշանջենաւոր խաղաղութեամբ  
 շնորհօք և մարգասիրութբ տեառն  
 մերոյ և փրկչին Յիսուսի Քրիստո-  
 սի , ընդ որում հօր՝ միանգամայն և  
 հոգւոյն սրբոյ փառք իշխանութիւն  
 և սլատիւ այժմ և հանապաղ՝ յա-  
 ւիտեանս յաւիտենից . Ամէն :



## Գ Ի Ր Ա Ի Ա Ն Դ Ո Թ Ե Ա Ն

Յադագս կարգի ապառաւորաց  
 սրբոյ Եկեղեցոյ և պտղոյ ժո-  
 դոխոյակսեաց ընծայելոց 'ի  
 տուն Սատուծոյ :

Ս . Քանզի սուրբ Լուսաւորիչն  
 Հայոց մեծն Գրիգորիոս ծնեալ  
 վերափին զհայաստանեացս աշխարհ  
 աւագանին ծննդեամբ , և ընծայեալ  
 յորդէգրութիւն հօրն երկնաւորի  
 զլուսաւորեալն մկրտութեամբ ու  
 'ի հայր և յորդի և 'ի հողին սուրբ .  
 և լինէր ուրախութիւն այնուհետև  
 և խնդութիւն մեծ յաշխարհիս Հայոց  
 սանս Թորգոմայ , մանաւանդ թա-  
 փաւորն և սրայծաւացեալ հաւա-  
 տով Տրդատ՝ ոչ սակաւ տայր օժիտս

մերձակայից իւրոց սպասաւորաց , և որդւոցն քրմաց պարգեւէր բազում պարգեւս , ասելով թէ անդէն հարիւրապատիկ առնուցուք ինչս , և ստացուածս , և երախտայրիս և սըտուղս 'ի սուրբ եկեղեցւոյ Աստուծոյ . և 'ի հանդերձելումն զկեանս յաւիտենականս ժառանգիցէք , զերծեալքդ 'ի պաշտամանէ կռամոյլ դիւցասպաշտութեանցն :

Բ . Իսկ նոցա սպասախանեալ ասեն զթագաւորն և ցտւրբն Գրիգորիոս , թէ Աստուծոյ բարերարի և մարգասիրի ոչ անտես արարեալ զստեղծուածս անարատ ձեռաց իւրոց՝ արդ դժացեալ ծանոյց մեզ շնորհօք ձերովք զբարերարութեն իւրոյ զանչափ զօրութիւն , և զանհամեմատ խնամակալութեանն զողորմութիւն , և ոչ ետ թոյլ ընդ հարս մեր կորնչել յանօրէնութեան մերում . եղիցի անուն նորա սուրբ և փառաւորեալ յամենայնի : Այլ տակայն մարմնաւորական կարիք , որչափ եմք 'ի կենցաղումս յայսմիկ , ստիպէ զմեզ ըստ պիտոյիցն տալ

զգարման կերակրոց և զզգեստուց ,  
 և զայլոց կարեացն չափաւորապէս .  
 և ոչ ունիմք արուեստս գործակա-  
 նութեան հնարից ինչ առ 'ի սլա-  
 արաստել նոքօք զպարէնս ռոճկաց  
 մեզ և որդւոց մերոց : Քանզի ցոր-  
 չափ ծառայէաք դիւաց՝ կերա-  
 կրեալ լինէաք 'ի զոհից և 'ի սպողոց  
 նոցա . իսկ այժմ՝ ոչ են մեզ յայտ  
 սլտուղք ընծայից որով կեցցուք  
 մէք հանդերձ ընտանեօք մերովք , և  
 փառաւորեսցուք զկենդանին յա-  
 լիտենից զանմահն Աստուած :

Գ . Յայնժամ երանելին Գրիգորիոս  
 ասէ զնոսա . Գուք , որդեակք  
 իմ , զորս վերստին ծնայ սիրովն  
 Քրիստոսի , միայն զգուշութեամբ  
 ծառայեցէք Աստուծոյ կենդանւոյ  
 և ճշմարտի , և զյոյսն ձեր դիջիք 'ի  
 նա բոլորով սրտիւ , զվերինն խոր-  
 հիջիք ուր Քրիստոսն նստի ընդ աջ  
 մէ հօր . զայն օթեանս և զքնակու-  
 թի և զկեանս ինդրեալիք 'ի տեառ-  
 նէ , և այս յաւելցի ձեզ ըստ դրե-  
 ցելումն 'ի տեառնէ Աստուծոյ մեր  
 մէ 'ի սուրբ աւետարանին իւրում ,

խակ սլաուղք ընծայից սրբութեան  
 տաճարի Աստուծոյ նուիրեալք՝ ձեզ  
 եղիցին օրհնութիւնք 'ի ժողովրդոց  
 փոխանակ սլիղծ զօհիցն այնոցիկ,  
 որովք հաղորդեալք լինելք գիւաց  
 այժմ սուրբ պատարագացն երա-  
 խայրիք և այլովք ընծայեալ պտղովք՝  
 հրեշտակաց սրբոց հաղորդք գտա-  
 նիցիք շնորհօքն Քրիստոսի • և եղի-  
 ցին ձեզ սլաուղք և երախայրիք կար-  
 գեալ ըստ այնմ օրինակի՝ որպէս և  
 մեծ մարգարէն Մովսէս առեալ  
 հրաման յարարչէն աւանդէր ժո-  
 ղովրդեանն զպատարագացն և ըզ-  
 սլաղոցն՝ զոր զևտական քահանայ-  
 ութեանն միշտ մատուցանելին հար-  
 կաւորապէս ընծայս՝ վասն ոչինչ  
 խափան լինելոյ նոցին քահանայիցն  
 'ի ստատաւորութենէ խորանին վը-  
 կայութեան :

Դ • Սոյնպէս կարգեալ և սահմա-  
 նեալ եղիցի նոր ժողովրդեանս ըն-  
 ծայարեւորութիւն 'ի սրբութի սրբու-  
 թեանցս՝ որ 'ի սեղանն մաքրութե •  
 զի և բոլոր արմաիք կալոյ և հնձանի  
 և այլոց պտղոց օրհնեսցին , և տայցեն

անդք և այգիք ծառովք պտղաբեր-  
 րովք զչահեկանութիւն պտղոց՝ ըստ  
 Խմասանոյն բանի որ ասէ . « Ի պա-  
 տուել քո զտէր յարգար վաստակոց՝  
 լցցին շտեմարանք քո լիութեամբ  
 ցորենոյ , և գինւով հնձանք քո յա-  
 ւէտ բղխեսցեն » : Եւ որպէս զեւ-  
 տացիքն տասանորդէին քահա-  
 նայիցն , թէպէտ և ինքեանք առ-  
 նուին տասանորդս յամենայն Իսրայ-  
 էլէ , այլ և նոքին տասանորդս մա-  
 տուցանէին քահանայիցն յամենայ-  
 նէ , և զփրկանս անդրանկաց ամե-  
 նեցուն հատուցանել հրամայէր 'ի  
 սրբութիւն տեառն : Նովին օրինա-  
 կաւ և դուք առնիջիք յամենայն ժո-  
 ղովրդենէն , հասքն ձեր եղիցին  
 'ի պատարագաց կաշի , և աջոյ երին .  
 անդամ և ճրագու , և դմակ , և  
 սիրտ , և լերգաբոյթ , և երիկամունն  
 ճարպովն , 'ի կողից և 'ի խոտոցաց  
 մասն լեզուն և աջոյ ունկնն , շրթ-  
 թունքն հոտոտէլեօքն , և աջոյ ակնն ,  
 և ամենայն խորհրդական մասունքն :  
 Ծ . Իսկ 'ի կալոյ և 'ի հնձանէ և  
 յայլոց արմտեաց՝ տասանորդս հաւ

ցեն իւրաքանչիւր ոք ձեզ, յաղագս մաքրելոյ ամենայնի արգեանց՝ և առ ման ամենայնի սլառձառ լինելոյ : Այլ և ՚ի ձէնջ եղիցին ընծայք ՚ի սեղան Աստուծոյ՝ ուստի արժանի եղէք նախ ընդունել զանարատ և զանասական մարմին և զարիւն Փրկչին մերոյ յիշատակ փրկութեան ձերոյ, որպէս և ղեւտացւոց քահանայութեն հրամայեցաւ յայնժամ Մովսէսիւ ՚ի տեառնէ : Եւ հասք ՚ի ձէնջ ՚ի սեղան տեառն եղիցի դրամ մի յամենայն տանց ձերոց, և նուի բեալքն ՚ի ձէնջ և փրկութեան սլառարագաց երախայրիք՝ երթիցեն ՚ի վանս գլխաւոր քահանայիցն, այսինքն եպիսկոպոսացն, որպէս ՚ի ժողովրդոցն հարկին ձեզ հոգևորական հարկս, սոյնպէս և դուք սլարտիք հարկս հոգևոր հարկել եպիսկոպոսացն՝ որք կոչին այցելուք . և նոքա մի իշխեսցեն խորել, այլ հարկեսցին յաղքատս ամենայն :

Ձ . Եւ արդ այսպէս կարգեցաւ ՚ի սրբոյն Գրիգորէ, և ՚ի մէնջ հաստատեցի նմանապէս յամենայն հա-

ւատացեալս անշարժ աւանդու-  
թիւնն նորին սրբոյ . ժողովրդականք  
ամենայն զսրտուղ և զերախայրիս  
երիցանց մատուցեն անզեղջաբար  
մտօք . զի եղիցին ընդունելի սլատա-  
րագք իւրեանց առաջի Աստուծոյ :

Է . Սոյնպէս և քահանայքն զա-  
մենայն նախակարգեալ հասս հա-  
տուցեն եպիսկոպոսաց առանց  
յապաղանաց , և մի անկցին 'ի հեղ-  
գութիւն , մանաւանդ յափշտակել  
հնարելով զաւանդ վիճակելոցն , զի  
մի դատասպարտեսցին ընդ անօրէն  
քահանայիցն յաղագս զօշաքաղու-  
թեանն իւրեանց , և ադէաք ոմանք  
ըստ սովորութեան մի եղիցին ար-  
ժանի՝ առնուլ հասս մտից , այլ ուս-  
մանց սլարասեալքն և շնորհի քա-  
հանայութեան արժանացեալք՝ նո-  
քա եղիցին արժանի հասից , և դը-  
պիրք գրակարգացք սրբաննեալք  
ամենայն սլարկեշտութեամբ՝ մի  
զրկեսցին 'ի բաժնէ իւրեանց :

Ը . Բայց երկկանայքն՝ որ ամե-  
նակն զցանկութեան մարմնոյ զհետ  
չողան , նորա ոչ ունին մասնաւորել

շնորհի սրբութեանցն . իսկ կանայք  
 երկիցանցն այրիք մնացեալքն և սրբ-  
 քութեամբ սլարկեշտացեալք՝ ար-  
 ժանի եղիցին մասին իւրեանց ըստ  
 արժանաւորութեան հասին սեղա-  
 նոյ և նուիրականաց ոմանց , և ամե-  
 նայն ոք՝ որ մասնաւորեալ իցէ հա-  
 սից և մաից սրբոյ եկեղեցւոյ՝ նոքին  
 ոչ ունին իշխանութիւն խորել ինչ  
 անձանց զհաս տեառն՝ զոր յին-  
 քեանց իցեն նուիրեալ . այլ ՚ի գրե-  
 խաւորսն վճարեացին սիրով , և ըն-  
 կալցին զորհնութիւնս ՚ի նոցանէ .  
 զի կարգք եկեղեցւոյ հաստատուն  
 և անշարժ եղիցին , և Աստուած փա-  
 ռաւորեցի յամենայնի՝ այժմ՝ և  
 յաւիտեանս յաւիտենից :



Թ Ո Ի Ղ Թ Ք

ՍՐԲՈՅՆ ՍՍ.ՀԱ.ԿԱՅ



Թ Ռ Ի Ղ Թ Ք

ՍՐԲՈՅՆ ՍՍ.ՀԱ.ԿԱՅ

Պատասխանի քղրոյն Պրոկղի  
ի Սահակայ և Մաշտոցի առջիք  
իսրդապետացն Հայոց :

Առ ճշմարիտ և աստուածասէր  
սլատուական տէր մեր և հայր սուրբ  
Եպիսկոպոս Պրոկղոս, 'ի Սահակայ  
և 'ի Մաշտոցէ ողջոյն :

Ճառագայթք մշտնջենաւոր յա-  
ւիտենական լուսոյդ՝ որ առ մեր  
տկարութիւնս երևեցաւ 'ի ձեր լու-  
սաւոր սրբութենէդ, յոյժ 'ի ծա-  
գեւ իւրեանց զօրացուցին և մեծա-  
պէս զկողմն տկարացեալ անգրէն  
արծարծեւ նորոգեցին, զի անգրէն  
վաղվաղակի թուեցաւ մեզ՝ որպէս  
նոր ինչ անցք 'ի վերայ հասանել

բազում անձկալի գլխոյն , զոր օրինակ անցք անցանիցեն ընդ քաղցրաբեր բոյսս արտոցն քաղցրութեամբ ցօղոյն 'ի վերայ ի ջանելով և զտապ տառապոյն հասկալից բուսոյն 'ի ջերմախառն յանբարեխառն օգոցն՝ իւրոջն քաղցրութեամբն յառողջութեան բժշկութիւն գարձուցանելով : Արդ յայս վայր գեղեցիկ իմն ցանկալի և ուխտիւք խնդրելէր մեզ լսել և ասել զգորութիւն թղթոցն 'ի միջն որ զերանելի պատգամն 'ի ձէնջ առ մեզ հասուցանելին , և մեր աղօթք հանապազորդելին արժանի լինել ամենայնի ընդունել և վայելել յօրհնութիւնս հոգևորս ձերոյ մեծասքանչ սրբութեան . զի քաղցրացեալ էր մեզ կալ մնալ աստէն 'ի սմին ընտանեցեալ տգիտութեան , որպէս 'ի բերդ ինչ ամուր և աշտարակ հզօր փախստեայ անկեալք յանգիտութեանս : Արդ սրահալանութիւն զմեօք առեալ զօգնականութիւն աղօթից ձերոյ սրբութեանդ , հաստատեալք և զօրացեալք սրահել

զհաստատուածիւն հաւատոյ, զոր 'ի սկզբանէ 'ի ձեր ճշմարիտ վարդապետութենէդ ընկալեալ առնէաք մի սղտորութեամբ ընդունել 'ի վերայ մկրտութեան տգիտութիւն սարգմտութեան մերոյ, և բնաւ ամենեին չընդունել զլուր կորստական մոլորութեանս. մանաւանդ զմնասակար նորաբան նորաձայն ըզհերեսիութիւնս, զոր այլանդակաշատ ամբարշտութիւն տակաւին ըզբարս դառնութեան սերմանցն ցանէ 'ի վերայ սրբութեան սերմանեաց որոմնախառն ուսումն, որք 'ի հանճարաւիսաս սատանայախառն սովորեալ են: Արդ որովհետև մուրն առաջին և գլխաւորն 'ի կարիս զիւր ժանդ սղտեղութեանն՝ կարկառեալ սերմանել ժպրհեցաւ զայս՝ մեր մեղաց գործք համարեցաք, և ընդ մեծամեծ բազում և անչափ ձերում թղթոցս տրամակից ելեալ ըստ մերում տկարութեանս ողբացաք, և յամենայն տեղիս որ շուրջ զմեօք բնակեալ էին յլեցաք մեծ և պատուհասալից սլատուիրանաւ մի

լսել բնաւ ամենեկին զայդ վարդապետութիւն բարբարոս, մի ընդունել ամենեկին զվնասաբեր կորստական մոլորական հերեսիութեան վարդապետութիւնն :

Այլ մեք հաւատամք 'ի մի Աստուած հայր ամենակալ արարիչ երկնից և երկրի, երևելի և աներևելի արարածոց : Եւ 'ի մի Տէր Յիսուս Քրիստոս 'ի միածին որդին Յիսուս, այսինքն է էութիւն յէութեան էութիւն ծնեալ, որով ամենայն եղև, Աստուած յԱստուծոց, լոյս 'ի լուսոյ, ծնեալ և ոչ արարեալ, իսկակից Հօր • որ վասն մեր մարդկութեամբ էջ և մարմնացաւ, յանձն առ չարչարանս, յարեաւ յերկից աւուրց և ել յերկինս և դայ դատել զկենդանիս և զմեռեալս : Եւ 'ի սուրբ Հոգին հաւատամք : Իսկ որ ասեն էր երբեմն զի չէ, և մինչ չև ծնեալ էր չէր, և ասեն զէութեանէ եղև և յայլմէ իմեմնէ զօրութեանէ, և կամ եղծանելով և փոփոխելով զայնպիսիան նշովեմք : Զի միշտ հայր, միշտ

Որդի , միշտ սուրբ Հոգին , Հոգի  
Աստուծոյ Հոգի սուրբ , կատարեալ  
բարեխօս , անստեղծ անեղծ , որ  
խօսեցաւ օրինօք և մարդարէիւք և  
առաքելովք , որ էջն 'ի Յորդանան :

Եւ վասն մարդարէութեան Որդ-  
ւոյ այսպէս հաւատամք , զի ան-  
յանձն լինել մարդ կատարեալ սրբ-  
բով Հոգով , առեալ շունչ և մար-  
մին ճշմարտիւ չարչարեցաւ : Ոչ ե-  
թէ ինքն սպարա էր չարչարանաց ,  
այլ վասն մեր էառ յանձն զչարչա-  
րանս , խաչեցաւ և թաղեցաւ և յե-  
րիր աւուր յարեաւ և յերկինս ամ-  
բարձաւ և ընդ աջմէ Հօր նստաւ , և  
գալոց է դատել զկենդանիս և զմե-  
ռեալս : Այլ առ կատարման հա-  
ւատոյ հաւատամք 'ի մի մկրտու-  
թիւն ասպաշխարութեան , և 'ի մի  
կաթողիկէ եկեղեցի , և 'ի յարու-  
թիւն մեռելոց և արքայութիւն եր-  
կնից և 'ի դատաստանան յաւիտե-  
նականս :

Եւ Աստուած խոստովանիմք ըզ-  
հայր և զՈրդի և զսուրբ Հոգին , մի  
աստուածութիւն սուրբ Երրորդու-

Թէն: Չի հոգի է Աստուած և կամօք  
 երևեալ, խօսեալ օրինօք և մարդա-  
 ընկալք և առաքելութք: Հաւատամք  
 ճշմարտին անգիտութեամբ և ան-  
 հասութեամբ, զի ամենայն մարդ-  
 ըստ սլաակերի Աստուծոյ, այլ թէ  
 որպէս կամ զիսորդ, Աստուծոյ  
 է գիտել: Բայց զարմացեալ եմ  
 ընդ այնս որք աւելի քան զինքեանց  
 չափ ջանան և նկրտին ըմբռնել զան-  
 հաս զառանց ըմբռնելոյն: Բայց  
 կարծեմք զայնպիսիսն իբրև 'ի մեր  
 ագիտութիւն կարծեաց թէ այնպի-  
 սիք ոչ գիտեն ամենևին զգիրս և ոչ  
 զզօրութիւն Հոգւոյն որ 'ի գիրս է-  
 բայց եթէ հրէարէն միայն զմուրն  
 նկատիցեն, և որպէս գողացեալ հա-  
 մարիմք զնորա զմիտս 'ի թշնամոյն,  
 զի արբեցեալ են զչար հիւանդու-  
 թեան արբեցութիւն. որոց 'ի բա-  
 զում և 'ի թանձր արբեցութենէն  
 զգայութիւն ճաշակելեացն թար-  
 շամեցուցեալ է, և ոչ ճաշակելեացն  
 անգամ կարեն առնուլ զհամ գին-  
 ւոյն, 'ի բազում կիզմանն զայրու-  
 թէ զզգայութիւնն կորուսեալ է:

Եւ կամ զայս իմանամք 'ի կարծեաց  
 մերում թէ 'ի զուր տարապարտուց  
 է գիտութիւն բազում ուսմանց, զի  
 'ի սատանայութիւն մոլորութեանն  
 կործանեալ են, հասանել անհաս  
 չափոցն ժողհեն, զի ոչ ինչ է այլ  
 գիտութիւն՝ այլ խաւար խորհրդ-  
 դեան և կամ կեղծաւորութիւն խո-  
 րամանկութեամբ և դործ սատա-  
 նայութեամբ: Երկուս որդիս և եր-  
 կուս տաճարս մենքենայեն գտա-  
 նել, ընդ միտս իւրեանց խորհել  
 աներկիւղութեամբ և անամօթու-  
 թեամբ, զամօթ իւրեանց լըբու-  
 թեամբ յայտնապէս սրտամեն: Զի  
 և Տէր մեր Յիսուս Քրիստոս կամօք  
 Հօր գթացաւ 'ի վերայ մոլորութե-  
 մարդկան: Բանն որ 'ի սրտէ Հօր  
 բղխեալ, կամեցեալ հաճոյ առնել,  
 հովանի լինելով սրբոյ Հոգւոյն,  
 մարմին լինել յարդանդի Առօրին  
 սրբութեամբ, և ընդունել զմարմին  
 հնացեալ որ ըստ խաբէութեան սա-  
 տանայի յասլահանութիւն դարձու-  
 ցեալ էր, նորոգել մարմնով, շնչով  
 և հոգւով, զի առանց ասլահանու-

Թեան ստեղծուածն առաջին 'ի միւսանգամ ծննդեանն յարուժեան մեռելոց երևեսցի . զի ճշմարիտ մարմին զգեցաւ վասն մեր և սերմանեաց 'ի մեզ հաւատով զաստուածութիւնն , և արար նշանս և արուեստարս , զի նորա աստուածութեամբն հաւատարմացուք :

Ինքն յանձն էառ քաղց և ծարաւ , աշխատութիւն և քուն , իբր ոչ եթէ աստուածութիւնն 'ի մարմնոյն չարչարանաց 'ի պարտութիւն մատնեալ էր , այլ զի խցցէ զանամօթ բերանս , և անօրինութեամբ սրեալ զլեզուս , որ արդէն իսկ յօժարեալ հայհոյութիւնս խօսել . որք ասէն ոչ ճշմարտութեամբ այլ կեղծեօք 'ի ցնորս առ աչօք երևելով դալուստն եղև : Համբեր յանձն առեալ ապտակս և անարգանս , խաչ և մահ , իբրև ոչ եթէ ինքն պարտական և արժանի էր յայամ , և ոչ իսկ մահուան արժանի էր զոր մեռաւ , զի անմահ է աստուածութիւնն , այլ զի զմեր անարգանս որ 'ի մեղաց մերոց եղև սրբով աւետարանաւ և

սլատուական արեամբն ջնջել՝ի մէնջ  
 և լուսնուլ արժանի արասցէ : Եւ  
 որ ՚ի փայտէն գայթակղութիւնն  
 եղև ՚ի դրախտին , ՚ի մէջ միջնաժո-  
 ղով Ժողովրդոց զսաչն կանգնեաց  
 փայտ առ փայտ և ծառ առ ծառ ,  
 և զսլտուղն կենաց փոխանակ ասլա-  
 կանաբեր սլտոլոյն զկենդանաբեր  
 փայտէն կախեաց , կամօք կամա-  
 կարութեամբ և ոչ ակամայ , կամօք  
 զանձն մասնեաց , ինքն զինքն եդ , և  
 անդրէն ինքն զինքն իւր յանձն ըն-  
 կալաւ , զսուրբ մարմինն և զսլա-  
 տուական արիւնն սլաշար կենաց ,  
 մեզ որք ճշմարտութեամբ հաւասա-  
 րացաք , յաշտիճանաւոր ճանա-  
 սլարհն որ յերկինան է՝ սիրելեաց  
 իւրոց սլատրաստեաց :

Այլ վասն դատասլարտ և անօ-  
 դուտ՝ մանաւանդ վասն նղովեալ  
 մոլորութեան նոցա , զի սլարտ ըզ-  
 բաղում բանիւք անկանել , և զսուրբ  
 աղատութեանն լսելիս , զանարատ  
 մտաց հաստատութիւն մեզ իշխել  
 աղտեղել . զի որ միանդամ մոլորա-  
 կան եղեն ՚ի ճշմարտութեան ճա-

նապարհէն և յուղիղ հաւատոցն  
 վրիպեալ ընկեցան, այլ զինչ խոր-  
 հիցին կամ զինչ խօսիցին, թէ ոչ  
 որ 'ի հուր գեհենին պատրաստեալ  
 հատուցումն նոցա է. զի մեք ասս  
 որ զայնպիսի իշխեն յանձն առնուլ,  
 և կամ ուրեք ուրեք, 'ի տեղիս  
 գաանիցի՝ խորհել կամ խօսել ոչ  
 միայն չընդունիմք կամ հալածեմք,  
 այլ բազում և մեծամեծ պատիժ  
 պատուհասի առնել ոչ գանդա-  
 ղիմք: Արչափ ևս առաւել պարտ և  
 պառչած է ձեզ՝ որ 'ի մեծամեծ իշ-  
 խանութիւնդ վայելէք նախանձել  
 զնախանձն Աստուծոյ, և 'ի գլուխ  
 վարել զայնպիսի նախանձու վրի-  
 ժուց հատուցմունս, և ոգով և  
 մարմնով ջանալ զի բարձցին 'ի մի-  
 ջոյ եկեղեցւոյ Քրիստոսի անուան-  
 արկ անօրէն ամբարշտութիւնք,  
 գայթակղութիւնք: Մանաւանդ զի  
 թագաւորս ունիք որ զհոգ Աստու-  
 ծոյ յանձին բարձրեալ բերեն, և  
 հաւասարութե Երրորդութեանն  
 սրաի մտօք ընդանեցուցեալ են, կա-  
 բողին զփուշն 'ի միջոյ սրբել, զի բոյան

սուրբ սերմանեաց հաւատոյն բար-  
 ձրացեալ ծաղկալից պարարտացեալ  
 արմտեացն քաղցրութեամբ զան-  
 կեալ զհատն սերմանողացն մար-  
 թացէ, և ուրախ արասցէ զտէրն  
 արդիւնարարաց և զմշակն արդարա-  
 պէս հատուցման պարգևաց արժա-  
 նի արասցէ : Զի եթէ որ երկրաւոր  
 թագաւորաց սպասաւորք իցեն՝  
 դուզնաբեայ ինչ բանք մանաւանդ  
 որ վասն ծիրանեաց լինիցի, ոչ  
 յանձն առնուն դատարկացեալ, թէ  
 ոչ մեծապէս պատիժ պատուհա-  
 սիւ մեծապէս վրէժ խնդրեսցեն,  
 որչափ ևս առաւել պարտ և պատ-  
 շաճ է, որ զանեղծ և զանարատ հա-  
 ւատն յապահանութի դարձուցա-  
 նել ջանան, և որ անհասն է՝ հասանե-  
 լի ճանապարհին, և յաւիանեալիան  
 լուսոյն գեր ՚ի վերոյ լինել յօժա-  
 րին, և սրբոյ զանճառ զանքնին Նր-  
 բորդութեանն քննութիւն՝ ջանան  
 ընդ խնդիր արկանել, առաւել ևս  
 հոցա ընդունել պատիժս պատու-  
 հասի ըստ իւրեանց խորհրդոց, զի  
 սրբութիւն Նրբորդութեանն, ան-

մատոյց հրեշտակաց և աներևելի  
քերովբէից , լսելով միայն փա-  
ռաւորութեամբ և օրհնութեամբ  
պաշտի :

Արդ տէր մեր և ճշմարիտ աս-  
տուածասէր հայր մեր , և ամենայն  
եկեղեցւոյ Աստուծոյ ընդունելի , և  
'ի սուրբ աղօթս քոյ յիշել զմեզ  
հանապազ անգարշ լինիջիր և ըզ-  
մեր տկարութիւնս զօրացուցեալ մի  
գանգաղիցիս , և եթէ ինչ զչափ  
թղթոյդ առ տգիտութիւն մըի-  
սեալ իցէ՝ ուղիղ անգարշ լինիջիր :  
Եւ որ Գիտորեայ Մասիսարաց-  
ւոյ աշակերտեալք իցեն , առ ժա-  
մանակս 'ի շնորհացն Աստուծոյ այն-  
պիսի ինչ չև է յայանեալ , ապա  
թէ իցէ ժամանակեալ 'ի ժանգոյ  
ազտեղութեան 'ի հարկէ ջան լիցի  
մեզ խղել զխոչն , և զգայթակղու-  
թիւն զայն 'ի միջոյ 'ի բաց կորու-  
սանել , զի միաբանութիւն որպէս  
ձերում 'ի միջի փառաբանի , և ըզ-  
մեզ 'ի հաւասարութիւն փառաւո-  
րութե առ Աստուած հասուցանել  
արժանի արասցէ : Ամենայն ուխտի

որ ընդ ձեռով սրբութեամբ են՝ մէք  
 և եղբարք որ ընդ մեզ են՝ ողջունի  
 թղթովդ աղաղակեմք, զի աղօթի-  
 ցէք ՚ի վերայ եղբայրութեանս հա-  
 սարակաց :



# Պ Ա Տ Ա Ս Խ Ա Ն Ի

## Տ Ե Ա Ռ Ն Ս Ա Հ Ա Կ Ա Յ

Թորոյն Ակակայ .

Առ ճշմարիտ և աստուածասէր տէր մեր սուրբ եպիսկոպոս Ակակ 'ի Սահակայ 'ի տէր ողջոյն :

Ճառագայթք մշտնջենաւոր յաւիտենական լուսոյդ որ առ մեր տկարութիւնս երևեցաւ 'ի ձեր լուսաբեր սրբութենէդ , յոյժ 'ի ծագելն իւրեանց զօրացուցին զմեր տկարութիս , և զնուազ խորհուրդս մեր աճեցուցին , զոր օրինակ տասլինչ ջերմագին յանխառն օգոց հասեալ 'ի բոյսս արտոց , և զկնի նորացող քաղցրութեան հասեալ փութով՝ յառողջութիւն դարձուցանէ , այնպէս գեղեցիկ իմն ցանկալի և

ուխտիւք խնդրելի էր մեզ լսել զե-  
 րանելի պատգամս 'ի ձէնջ առ մեզ  
 հասեալ, մեր աղօթք հանապազորդ  
 էին արժանի լինել յամենայնի ըն-  
 դունել և վայելել յօրհնութիւնսդ  
 հոգևորս, ձերոյ մեծասքանչ սրբու-  
 թեանդ, զի քաղցրացեալ էր մեզ  
 կալ մնալ աստէն 'ի սմին յընդա-  
 նացեալ տգիտութեան իբրև բերդ  
 ինչ ամուր փախստեայ անկեալ  
 յանգիտութեանս: Արդ պահպա-  
 նութիւն զմեօք առեալ զօգնակա-  
 նութիւն աղօթից ձերոյ, պահել  
 զհաւատան ճշմարտութե որ 'ի ձեր  
 'ի սուրբ վարդապետութենէդ ու-  
 նեաք, և անպղտոր լեալ տգիտու-  
 թիւն և պարզմտութիւնս մեր մա-  
 նաւանդ 'ի նորաբան հրէութեանցն  
 զոր այլանդակքն տակաւին զբոյսս  
 դառնութեան և աղտեղութեան  
 սերմանեացն ցուցին և ցանեցին 'ի  
 վերայ սուրբ սերման զորոմնախառն  
 ուամուսնն, որ 'ի հանձարալեասս  
 սատանայէ խառնման ուսեալ սովո-  
 րեալ են: Արդ որովհետև մոլարն  
 առաջին գլխաւորօքն չափ զիւր

Ժանդ աղտեղութեանն սերմանել  
 Ժայրհեցաւ, զայդ մերոյ մեղացն  
 Գործ համարեցաք և յոյժ ձերում  
 Թղթոյդ տրամակից եղեալ, ողբա-  
 ցաք. և ընդ բնաւ տեղիս մերոյ նա-  
 հանդիս մեծաւ պատուհասալից  
 պատուիրանաւ արձակեցաք ՚ի լինել  
 ամենեկին այնպիսի բարբարոսացն մի  
 ընդունել զչար հերեսիութեանն  
 բարբաջանս. բայց ես զարմացեալ  
 ընդ այնոսիկ որ աւելի քան զօրի-  
 նայն չափն ջանան և նկրտին ըմբռ-  
 նել զանըմբռնելին. այլ կարծեմք  
 զայնպիսեացն չգիտել ամենեկին ըզ-  
 գիրս և զգորութիւն նորին. բայց  
 եթէ հրէարէն միայն զմուրն նկա-  
 տիցեն, և իբրև գողացեալ իմն հա-  
 մարիցիմք զմիտս նոցա ՚ի թշնամւոյն  
 և ախտացեալ ՚ի չար հիւանդութիւն  
 արբեալ ՚ի թանձր արբեցութենէ, և  
 զգայութիւնս ճաշակացն թարշա-  
 մեցուցեալ չկարէ առնուլ զհամ  
 դինոյն, և ՚ի սասաիկ կիզմանէ ըն-  
 կրղմին միաքն ՚ի թմբիրն խեղագա-  
 րութեան թէ զոր տարապարտ գի-  
 տութիւն բաղում ուսման ՚ի սա-

տանայութիւն զառածէ, որ հասա-  
նել անհաս չափոյն ժպրհին, քան-  
զի ոչ գոյ այլ գիտութիւն խաւա-  
րայեղց, քան երկուս որդիս կամ  
երկուս տեարս անուանելի Յիսուս.  
աներկիւղաբար անամօթաբար զըր-  
բութիւնն իւրեանց յայանապէս  
պատմեն, այլ զի խցցին անամօթ  
բերանքն անօրէնութեամբ սրեալ  
լեզուքն :

Ճշմարիտ մարմնացաւ բանն առ  
ի նորոգել միւսանգամ մարմնով  
չնչով և ոգւով զմարդն հնացեալ  
զապականեալն ի մեղաց, և զի ի  
փայտէ գայթակղութիւն եղև և  
մահ, փայտ կենաց առ փայտն կանգ-  
նեաց, և ծառ առ ծառն բարձրա-  
ցոյց, պտուղ կենդանարար փոխա-  
նակ այնր մահածին պտղոյն պար-  
գևէր. ինքն զինքն եղ, և ինքն զինքն  
անդրէն յանձն իւր ընկալաւ զսուրբ  
մարմինն և զպատուական արիւնն,  
պաշար կենաց մեզ հաւատացե-  
լոցս յաշտիճանաւոր ճանապարհն  
պատրաստեաց. և արդ որ միանգամ  
յայն ի ճանապարհէ և յուղիղ հա-

ւատոյն վրիպեցան , հուր դեհենին  
 սլափորաստեալ պահի նոցա . և մեք  
 աստ էթէ յանկարծ յայնպիսեացն  
 դոցուք , ոչ միայն չընդունիմք կամ  
 հալածականս առնեմք , այլ և ընդ  
 մեծ պատժովք արկանել ոչ դան  
 դաղիմք : Ո՞րչափ ևս սլարա է ձեզ  
 որ 'ի մեծամեծ իշխանութեանդ  
 վայելէք նախանձել զնախանձն Աս  
 տուծոյ , և մարմնով և հոգևով ջա  
 նալ բառնալ 'ի միջոյ զխոջդ եկե  
 ղեցւոյ Քրիստոսի . մանաւանդ զի  
 թագաւոր ունիք , որ զհոգ Աս  
 տուծոյ յանձինս իւրեանց բարձեալ  
 բերիցեն , կարող են զխոջդ 'ի միջոյ  
 խլել , և զբոյս սերմանց հաւատոցն  
 պարարտացեալ արմտեացն քաղ  
 ցրութիւն զանկեալ հասկն սերմա  
 նոզաց նմա մատուցէ , ատոքացեալ  
 բազմասպառիկ զբերրի զպտուղն  
 հատուցէ , և ուրախ արասցէ զտէրն  
 արդիւնարարաց , և զմշակն առա  
 տապէս պարգևաց արժանի արաս  
 ցէ . զի թէ որ երկրաւոր թագաւո  
 րաց սպասաւորք իցեն , և դուզնա  
 քեայ ինչ բանք մանաւանդ որ վասն

ծիրանեաց լինին, ոչ յանձն առ-  
 նուն դատարկ անցուցանել եթէ ոչ  
 մեծապէս պատուհասիւ զվրէժն  
 խնդրիցեն, սրչափ ևս պարտ է որ  
 զանեղծ և զանարատ հաւատոսն յա-  
 պականութիւն դարձուցանեն և  
 յանհասն հասանել ժպրհին և մըշ-  
 տընջենաւոր լուսոյն գեր 'ի վերոյ  
 լինել յօժարեն, զանքնին Երրոր-  
 դութեանն քննութիւն ջանան ընդ  
 խնդիր արկանել, պարտ և պատ-  
 շաճ է առաւել ևս նոցա ընդունել  
 պատիժս պատուհասի. քանզի սրբ-  
 բութիւն Երրորդութեանն անմա-  
 տոյց հրեշտակաց և աներևոյթ քրով  
 բէից և սրով բէից՝ լոկով միայն փա-  
 ռաւորութեամբ և օրհնութեամբ  
 միայն պաշտի: Արդ, տէր մեր և  
 հայր, յընդունելի և 'ի սուրբ ա-  
 ղօթս քո յիշել անգարչ լինիջիր. և  
 եթէ ինչ ըստ չափոյ թղթոյդ առ-  
 տգիտութեանս վրիպեալ իցէ՝ ուղ-  
 ղել կամեսջիր, և զտկարութիւնս զօ-  
 րացուցանել մի դանդաղեացիս. այլ  
 յազանդոյն որ գրեցեր զատչել՝ առ-  
 ժամանակս 'ի շնորհս Աստուծոյ այն.

սիտի ինչ չև է հասեալ. ապա եթէ  
 իցէ ինչ ծածկեալ 'ի ժանգոյ անտի՝  
 'ի հարկէ ջան լիցի խլել զխոջն 'ի  
 միջոյ, զի միաբանուլ թեամբ փառա-  
 ւորեացուք զՔրիստոս \* :

\* Բէ ընդէր զթուղթքս գրեցին Սահակ և  
 Մեսրոպ, առ Պրոկղ և առ Ակակ եպիսկոպոս Մել-  
 փնեցւոց, գտցեն ինչրոգք 'ի գիրս Պատմ. Հայոց.  
 Հատ. Ա. 523 :



Թուշոյ Մահակայ առ Թեոդոս \* .

Խաղաղասիրի կայսեր տեառն ի մում՝ Աւգոստոս Թէոդոսի՝ Սահակ Հայոց եպիսկոպոս ՚ի Տէր խնդալ : Գիտեմ, զի համբաւ նեղութեանս մերոյ հասեալ է ՚ի ներող լսողութիւն ինքնակալիդ . սակս որոյ յուսալով ՚ի դժածութիւն բարերարութեանդ քոյ, դիմեալ ապաւինեցայ յոտս ձեր, և ոչ հանդիպեցայ ընդունելութեան յիմում վիճակիս ՚ի հրամանէ վերակացուացս սոցա . այնչափ ատեցեալ զմեզ, մինչեւ զնշանադիրս անգամ՝ ոչ ընկալան, զորս եբեր նոյն այր՝ զոր առաքեցի առ ձեր բարերարութիւնդ, բազում անգամ ճգնեալ դորա յԱսորւոց աշխարհին : Արդ հաճոյ թուիցի տէրութեանդ ձերում՝ ոչ

\* Ի Պատմութեան զրոց Մովս . Խորանեցւոյ :

անիշխան առնել զմեզ 'ի մերում  
վիճակիս , և հրամայել ընդունել  
զմեզ և զվարդապետութիւնս մեր .  
Ողջ էր :

Թուշր Սահակայ առ Ատտիկոս .

Սահակ եպիսկոպոս Հայոց , վար-  
դապետ մեր Ատտիկոս եպիսկոպոս  
աշխարհամուտ գրանդ , օրհնու-  
թեամբ ողջոյն :

Յուսացեալ 'ի ձեր սրբութիւնդ  
առաքեցի զուսուցող մերոյ աշխար-  
հիս Մեսրոպ , և զթոռն իմ Վար-  
դան , որպէս զի 'ի լսել քո 'ի գոցա-  
նէ զաղէտս նեղութեան մերոյ , բա-  
րեխօսեալ առ մեծի թագաւորիդ՝  
օգնեսցես մեզ , որպէս արդարեւ  
եղբայր սիրելի . Ողջ էր :

Թուշր Սահակայ առ Անատոլիս .

Սահակ եպիսկոպոս Հայոց , քա-  
ջի զօրաւարի Անատոլեայ խնդալ :

Ընորհ ունիմ Աստուծոյ յաղագս  
զքեզ պատրաստել մեզ յասլաւի-

նութիւն . վասն որոյ զգացուցա-  
 նեմ՝ զի ՚ի հայթայթանս մերոյ նե-  
 ղութեանս առաքեցի զուսուցա-  
 նողդ մեր զՄեսրոպ , և զթումն իմ  
 Վարդան ՚ի դուռն արքունի . և ա-  
 ղաչեմ զքո քաջութիւնդ ձեռն-  
 սու լինել ճանապարհիդ . Ողջ լեր :





# Յ Ա Ն Կ



- Պատմութիւն վասն սրբոյն Սահակայ հայրապետին և Մեսրոպայ վարդապետին . 5
- Տեսիլ սրբոյն Սահակայ . 45
- Կանոնք սրբոյն Սահակայ յաղագս եպիսկոպոսաց թէ որպէս պարտ է ունել զընտանիս սուրբ եկեղեցւոյ . 71
- Նորին յաղագս քորեպիսկոպոսաց թէ որպէս պարտ է զկանոնական զկարգն հաստատուն պահել յեկեղեցիս Աստուծոյ . 80
- Նորին կարգ քահանայից առ ժողովրդականս , և նոցին ժողովրդականաց հնազանդութիւն և կարգ ուղղութեան առ քահանայս . 88

- Նորին սրբոյն Սահակայ թէ  
 որպէս սահմանեցաւ կարգ-  
 ուխտի և որոշման վանաց . 100
- Յիշատակարան գրչի . 115
- Նորին թէ որպէս պարտ է  
 եպիսկոպոսաց պահել ըզ-  
 քանձս եկեղեցւոյ , կամ  
 որոց որպէս մատակարարել . 117
- Նորին գիր աւանդութեան  
 յաղագս կարգի սպասաւո-  
 րաց սրբոյ Եկեղեցւոյ , և  
 պտղոյ ժողովրդականաց ըն-  
 ծայելոց ՚ի տունն Աստուծոյ . 127
- Թուղթք սրբոյն Սահակայ . —  
 Պատասխանի թղթոյն Պրո-  
 կղի ՚ի Սահակայ և Մաշ-  
 տոցէ սուրբ վարդապետացն  
 Հայոց . 135
- Պատասխանի տեառն Սահա-  
 կայ թղթոյն Ակակայ . 148
- Թուղթ Սահակայ առ Թէո-  
 դոս . 157
- Թուղթ Սահակայ առ Ատտի-  
 կոս . 158
- Թուղթ Սահակայ առ Անա-  
 տոլիս . 158







---

Հայկական Մոսկերաց

Հարոյր Երկրորդ

---





0025200

2013

20010

